

PRACTICÆ MEDICINÆ liber, vocatus Amalgama,
quo, artificiosa methodo, & incredibili mortales sanandi studio, sine invidia, causa, symptomata, & remediorum præsidia, præcipuorum capitis morborum. exponuntur.

Authore Iohanne Wood generoso
artis Medecinæ studioso,
& professore,

Invidia sibi, & alijs venenum.

Vana salus hominum.

Deus Verax est, & omnis homo mendax.

Quos diligit Dominus hos castigat.



Excusum Londini, impensis
Humfredi Hooper,
1596.

Line.
2. 10. 19.

PRACTICAE MEDICINAE

liber, vocatus Amalgama

procuratio, methodo, & inveni-

entibus morales sanandi studio, sine invidia, can-

te, suspitione, & venatione praesentis

praesentis capitis, per deum.

exponitur.

Autore Johanne Wood generoso

et Medico studio

& profecto

Invidiam, & aliam venationem.

et aliam venationem.

Deus Verax est, & omnia homo mendax.

Quos diligit Dominus hos castigat.



Excusum Londini, impensis

Hannuclii Hooper,

1726.



AD LECTOREM studiosum.



Ultum dubitavi (lector humanissime) hoc exiguum opusculum in hoc senescenti mundo in publicum emit-tere, in quo tanta vi-get invidia, & in hac arte opinionum dis-sensio, ut nemo ferè aliorum scripta legat, nisi ut calumnietur,

*qui studet ab omnibus approbari (si Gal. credamus) nilo plus agit, quàm si det operam, ut omnium opes videat. Quamobrem, ut pictor ille Appelles, cumulam Veneris spectandam collocasset, equo animo fe-rit praterirentium iudicia, donec sutor quidam omni-ineptissimus, illud reprehenderat quod ne intelligere
empotuit: sic si aliquid in hac nostra opella, perito-reprehensione dignum sit, libenter iudicium eorum
m: sin sutor aliquis, vel infimi sortis medicus (quos
genes pecudes aureo venustas vellere vocitat) hac*

Ad Lectorem.

mea scripta iniustis calumnijs afficiat, hos moneo pictoris illius celeberrimi exemplo, ut ne ultra crepidam, sed potius ut sequantur consilium, quod olim Timotheum ineptis musicis dedisse fertur, nempe ut priorem artem dediscerent, sic aptiores ad veram acquirendam fierent, unde postea maiori cum iudicio de aliorum laboribus rite iudicare valeant. Ceterum ne longius excurrat oratio mea; quicquid in hoc libello continetur, aut per propriam nostram experientiam confirmatur, aut ex Hippocrate, Gal. & reliquis principibus utriusque medicinae, summa cum industria, & fide colligitur: neque ut aliqui faciunt, ubi nodus incidit (velut angue conspecto) transilio: sed pro viribus nodum dissoluo.

Tui in reb. medicinalibus progressus studiosus.


I. W.

Medicinę studiofis.

SI quis de alicuius medicamenti compositione in hoc libro discripti, siue de modo apparatus dubitat, typographum adeat qui (laboris sui consideratione habita) apertius siue plenius viam componendi demonstrabit, ne quis ignarus frustra, oleum & operam perdat.

Medicine Historica.

Si quis de aliquo medicamento compositionem in hoc
libro describit, hinc deinde apparet, quod
Græcorum idem qui (liberis suis compositionibus) et
Arabum hinc deinde apparet, hinc deinde apparet, hinc deinde apparet,
quod ignarus sit, hinc deinde apparet, hinc deinde apparet.



PRACTICÆ MEDI-

*dicinæ liber, de præcipuis capitis
affectibus, siue Ægritu-
dinibus.*



N memoriam reuocans sen-
tentiam illam, quam *Gall.* pro-
tulit libro de Prognosticis:
scilicet, ineptum valdè esse,
quæ breuibus possunt expli-
cari, longius dicere: decreui
omnia quæ in hoc opusculo
dicturus sum, paucissimis (vt possim) verbis per-
stringere.

*De Alopecia, Ophiasi, Caluitio, et
Defluuiio capillorum.*

Capitulum. x

Alopecia (teste Tralliano) est vitium, quo ca-
pillis fluentibus, caput nudatur, et glabrescit. Alo-
pecia dicta, quoniam est morbus vulpibus familia-
rissimus, qui αλώπεκες Græcè nominantur: gene-
ratur verò ex vitio et corruptione humorum, vel
per essentiam ipsius membri læsi, vel per consen-
sum aliorum.

Alopeciaz
descriptio.

B

Per

De Aegritudinibus capitis.

Per essentiam membri læsi, aut quia intemperatum bonum alimentum transmissum corrumpit: aut quia proprio calore destructo, aut debilitato, membra vicina excrementa sua ad membrum affectum, tãquam ad partem debiliorem, expellunt: vt solet in humano corpore contingere.

Per consensum verò, quia humores multiplicantur in membris naturalibus, scilicet hepate, splene, et stomacho.

Causæ.

Huius morbi
causæ.

{ Vel pituita per adustionem
falsa.
{ Vel bilis.
{ Et aliquando melancholia.

Signa.

Mont capi.
lib. I, cons.

Oriuntur in capite aliquando, et in barba vlcuscula quædam exigua, densa, saniosa et rubra, pusillis papillis ad similia, secundum Auicennam in forma rotunda; secundum Celsum, sub qualibet figura dilatata, quæ si per essentiam membri læsi proueniant, non apparebit aliqua mala dispositio in reliquis membris: sin per consensum, e contra materia verò morbifica per colorem indicabitur.

De Ophiasis.

Ophiasis descriptio.

Ophiasis ita vocatur, quia cutim capitis serpit, instar conuolutionum serpentis, quem ὄφις appellant.

Causæ.

vt in Alopecia,

Signa.

Ophiasis (teste Celso) ab occipitiò incipit duorum digitorum latitudinem non excedens, ad aures verò duobus capitibus serpens, quibusdam etiam

etiam ad frontem, donec se duo capita in priorem partem committant, scilicet, in forma oblonga.

Aliqui Auenzoar sequuti, pro differentia ponunt æqualitatem, et inæqualitatem: attamen ego ipse vidi et alopeciam, et Ophiasim radices pilorum inæqualiter amputasse: ideòq; Actuarius consentio, nempe inæqualitatem conuenire vtrisque.

Differentia
inter Alopeci-
am & Ophia-
sim.

At Alopecia est morbus capitis et aliarum partium: Ophiasis autem semper capitis morbus.

Alopecia etiam in omnibus ætatibus accidit: Ophiasis rarissime nisi in infantibus.

Alopecia vix vnquam finitur sine ope et auxilio medici.

Ophiasis sæpius per se.

Celsus.

De Caluitio.

Caluitium dicitur depilatio anterioris partis capitis.

Caluitii des-
criptio.

Siccitas et ariditas cutis (teste Gall.) aph. 28. sect. 6. aph. 69. sect. 5. Vnde constringuntur meatus, vt pili promptè erumpere nequeant, deficitque alimentum, vnde prorumpentes alerentur.

Causa.

Defectus pilorum in sincipite satis manifestè morbum demonstrat.

Signum.

De Defluuio capillorum.

Defluuium capillorum est defectus pilorum capitis vniuersus, generaturq; vel vitio cutis, vel vitio materiæ.

De Aegritudinibus capitis.

Signa.

Si vitio cutis, tunc accidit aut propter raritatem et humiditatem, præcesseruntq; causæ humectantes, et rarefacientes, et apparebit mollities cutis, et capillorum.

Aut propter siccitatem, et densitatem: unde aderunt signa planè contraria.

Si verò vitio materiæ contingat, tunc aut propter defectum, aut propter corruptionem accidit.

Si propter defectum, præcessit vel immodica aliqua euacuatio; vel immoderatus coitus, vel morbus diuturnus.

Si ob corruptionem, præcesserunt, vel adsunt morbi qui occasionem præstant, sicut morbus *Gallicus*, vel similis.

Differentiæ.

Inter Alopeciam, Ophiasim, Caluitium, et Defluuium capillorum hæ sunt differentiæ.

Alopecia & ophiasis ex deprauatis succis oriuntur, & cum arcis.

Caluitium, & defluuium capillorum propriè sumptum sine vlculis.

Caluitium ex siccitate & inopia materiæ; & est defectus pilorum præcipuè in sincipite.

Defluuium capillorum est vniuersus defectus proficiscens & ex siccitate, & ex humore redundante, & prauitate humorum.

Prognost.

Alopecia recens, si medicamenta congruentia adhibeantur, facillè sanatur: inueterata difficillimè aut nunquam: secundum opinionem vulgi medicorum, nunquam: tamen aliquam vidi, quamuis multas vidi, & hoc instanti vnam curatam in manibus meis habeo: quin sequentibus medicamen-

tis

tis cessit : modus autem cognoscendi rebellem Alopeciam, est mutatio coloris cutis, si fricetur: si enim permoderatam frictionem fit aliquantulum rubra, vel citrina, & calida, bonum portendit: si verò non, aut vix mutetur cutis, morbum difficiliorem fore demonstrat.

Ad curandam igitur Alopeciam, vel Ophiasim, ^{curatio.} præsertim inueteratam, necessarium est totum corpus evacuare, & eò magis si per sympathiam oriatur (teste Gall.) 3. Methodi. vbi irridet methodicos, qui oculum curaturi, non purgabant totum corpus, quod in omnibus particularibus est faciendum, paucis exceptis, iisque morbis peracutis.

Expietur igitur corpus illis vitiosis humoribus, ^{Auicenna.} qui materiam & fomentum morbo suppeditant, nisi sit infantibus, quos curare sufficiet abstinencia: ideòque tutius est à Pharmacis abstinere: pueri vero grandiores his vel similibus purgandi sunt: R. pilula coch. Rhafis ℥ij . vel de hiera cū agarico 3 1. Adolescentes verò & natu maiores sequentibus. scilicet R. confect. Hamech. $\text{℥}\beta$. sirupi rosati soluti ui 3 iiij. aquæ bethonicæ. q β . fiat potio.

Vel R. electuarij. Hieræ, Diacolocinthidos, Diacatholiconis ana $\text{℥}\beta$. fiat bolus.

Vel R. pilularum coch. Rhafis, 3 4. vel pilula aggregat. Mesue. 3 1.

Multa describuntur quæ huic morbo inferuiunt, ^{topica.} aliquot autem remedia hoc in loco proferam, quæ egomet sæpius magno cum honore, & utilitate ægrotantium expertus sum, & omnia alia ab authoribus descripta, de industria silentio præteribo.

De aegritudinibus capitis.

In primis igitur per quatuor aut quinque dies, posteaquam materiam morbificam per pharmaca diminuerim, solitus sum præaso capite, bis indies locum affectum cum vrina vaccina tepefacta lauare, & fortissimè fricare, quibus diebus transactis, (capite quotidie loto & absterfo) fricetur locus morbosus scilla fortissimè, & sequenti vnguento inungatur, & vesica bouis arida contegatur.

Vnguenti descriptio.

In debili &
recenti.

Rx sulphuris viui ʒij. salis amoniaci vsti ʒi. pinguedinis porcinae sine sale quantum sufficit ad excipiendam predicta, fiat vnguentum.

In fortiori &
magis inuete-
rata.

Rx sulphuris viui. ʒij. alcionij vsti ʒβ. axungiae. a rotis curruū deraſæ: & in manu emollitæ q.β. fiat vnguentum.

In morbo va-
lidissimo.

Gal. 5. metho.

In morbo validissimo solitus sum vti scarificationibus cutis capitis vt materiam morbificam liberalius possit effluere, iuxta consilium Arnaldi, & Avicennae: cum enim magnae sint aegritudines, si à leuioribus incipiamus, paramus aegroto longum interitum: extremus enim morbus extremum requirit remedium, (teste Hipoc.) Scarificatione autem facta, locum morbosum humecto cum viridi oleo vitrioli (cuius vires qui non norit vt inquit *Paracelsus*, non est dignus vocari medicus) cui misceo parum olei sulphuris, et quia hoc medicamentum semper satisfecit expectationi meae, ideo plura non quaesui: qui vero plura desiderat, Legat Aetium, Celsum, Trallianum, Arnaldū, & multos alios, qui remediorum formulis tument.

Caluini

Caluitij cura.

Hip Aph. 24
sect. 6

In senibus nunquam curatur, in alijs difficilimè, neq; vnquam aliquem sanatum vidi, commendatur verò ab authoribus linimentum ex ladani parte vna olei lentiscini partibus duabus, vel in maxima raritate cutis mirtini, si vero pharmacum crassius adhibeatur, radendi sunt capilli, si liquidiùs, detondendum est caput.

Defluuij curatio.

Si fiat vitio cutis, quia laxior vel humidior, vtendum est adstringentibus, vt exempli gratia. R. foliorum mirti. foliorum rubi ana M. j. gallarum immaturarum ʒij. stercoris columbi ʒj. bulliant in lixitiis ex cineribus sarmentorum vitis confecto: & cum hoc lixiuio lauetur caput, & postea inungatur oleo lentiscino, & mirtino: & hoc medicamento restitui quendam *Thomam Richardson* nominatum, anno Domini 1583. ad pristinam sanitatem, cuius capilli ex antedicta causa in magna copia decidebant.

Si vero defluuium sit ob densitatem cutis, multum conducit, caput abluere cum aqua falsa, vel alterata cum alcionio.

Si verò à siccitate, & inopia alimenti, reficiendi sunt optimè nutrientibus & humectantibus: caputq; humectandum est hidrælio, in cuius ʒ. i. imponatur ladani. ʒ. i.

Si

De agritudinibus capitis.

Si verò ex deprauatis succis oriatur, vt in morbo gallico, adhibenda inprimis sunt, quæ morbum gallicum respiciunt, deinde vtendum oleo illo montanico, quod pluries expertus sum.

Compositio hæc est R. Myrrhæ electæ, ladani ana 3. 2. foliorum & baccarum mirti, capillorum veneris, florum ligustri, ana M. 2. contendantur omnia per se, misceanturq; deinde R. olei amigdarum amararū, sesamini de alchanna, ana 3vj. misceantur, & fermententur in vase fictili, stricti orificij in fimo per spatium mensis: deinde repositis in idoneo vase, distillentur, & seperetur oleum ab aqua per infundibulum, & seruetur vtrūmq;, ambo enim optimè inseruiunt ad restaurationem pilorum post morbum gallicum, si caput obliniatur.

De dolore capitis.

Inprimis est sciendum, nihil hæc in loco dicendum esse de dolore symptomatico, vel critico, in morborum vigoribus, vel declinationibus accedente, sed de ipso dolore respectu suæ ipsius vehementiæ auxilium postulante.

Duas præcipuè ob causas, sæpissimè dolet caput, nempe ob temperaturam, & situm.

Ob temperaturam, quia frigidū & humidū est, atq; ideo multis excrementis necessariò abundat.

Ob situm, quia in superiore parte scituatum, exhalationes, & vapores, à partibus subiacentibus recipit: quo fit, vt qui calidiore sunt iecore plerūmq; subiiciuntur dolori capitis, (teste Gall. 3. de differen-

De Aegritudinibus capitis.

5

differentijs morborum) quia meatibus à calore dilatatis, iecur ardescens, vapores sursum facilius euomit.

De Cephalalgia.

Cephalalgia complectitur vniuersum capitis Cephalalgia
dolorem, estq; grauis affectus, & dolorificus, aliquid.
quando totum caput, aliquando tempora solum-
modò, aliquando occipitium tantùm, modò vnam
partem, modò alteram infestans: continetq; sub
se cephaleam, & hemicraniam, affectus valde gra-
ues, & ægrè cedentes, quos quia non requirunt a-
liam medendi viam, quàm quæ sub hoc capitulo
describetur, (nisi forsan aliquantulum fortio-
rem) sub Cephalalgia hoc in loco comprehendam.

Cephalia igitur, generatur vel per primarium af-
fectum capitis, vel per consensum membrorum
subiacentium, vel per vtrunq;.

Morbi verò materiæ { Sanguis, Materia mor-
bifica.
vel Bilis,
Pituita,
Melancholia.

Aut vapores ex his vel aliquibus horum orti.
Si per essentiam vexentur aliqui dolore capitis: Signa.
grauitatem & perseuerantem dolorem patiuntur,
(quiq; nullo errore precedenti superueniet) & ma-
iori ex parte ob lēSIONem sensuum, sanum enim est
membrum, cuius operationes sunt sanæ, & è con-
tra, si Gal. fides sit habenda.

Qui verò per consensum ægrōtant, in operatio-
nibus

C

De Ægritudinibus capitis.

nibus vigent, neq; continuò dolent, neq; continuam grauitatem percipiunt, nec nisi præcedenti cruditate, vel errore in victu, vel cibo assumpto malè se habent.

Qui verò & per primarium capitis vitium, & per sympathiam, dolore capitis corripuntur, hi particularium membrorum inæqualem temperaturam plerumq; patiuntur.

Si a Sanguine

Si verò ratione sanguinis, quis dolore capitis tentetur, hoc fit, vel quia sanguis quantitate sua opprimit, vel qualitate praua caput malè afficit, vel vtrisque offendit. Si quantitate lædat, distinguendus est dolor per grauitatem, dolorem tensionem, calorem, rubedinem, habitum corporis plethoricum, victum pleniorum prægressum, vel solitarum euacuationum suppressionem, vrinam, rubram, crassam & pulsum maiori ex parte magnum.

Si qualitate infestet, aderunt signa, secundum inclinationem sanguinis ad aliquem aliorum humorum.

Si ab vtrisque, commixta erunt symptomata.

Si a Bile.

Qui verò ob bilis acrimoniam ægrotant, hisce signis deprehenduntur, scilicet, per dolorem mordacem, oris amaritudinem, faciei pallorem, caliditatem cutis circa caput, calidiorem temperaturam, vitam cum curis transactam, vel continuam moram circa ignem, (& quod infallibile est signum) quia nullam grauitatem sentiunt ægri, tenuis enim & calidus succus quemadmodum

modum bilis, (Gal. teste) grauitatis est expers, pulsum etiam velocem habent, cum graui siti & (secundum aliquos) dolore frequentiùs in dextra parte capitis patiuntur.

Si verò pituita dolorem pariat, somnolentus est æger, grauitatem cum dolore persentiscit, præcessitq; victus pituitosus, nec non vita ociosa, dolorque obtusus erit, color verò faciei albus erit, cum frigiditate temporum, hebetudine sensuum & totius corporis pigritia.

Pituita,

Si verò à melancholia oriatur dolor, qui tamen rarissimè accidit, (testibus melancholicis) nisi in morbo Gallico, aderit plumbeitas siue liuiditas faciei, corruptio sensuum, &c. Et secundum aliquos, dolor frequentiùs erit in parte sinistra, eritq; pulsus paruus, & durus, vrina subtilis, ad claritatem tendens, vigiliæ.

Melanchol.

Qui verò per consensum dolore capitis vexantur, vt exempli gratia per communitatem stomachi, iecoris, splenis, matricis, aut totius ambitus venarum; aut propter os ventriculi malè affectum grauantur, vnde fastidio cibi, nausea, stomachi angore, & vomitu vexantur.

Per consensum.

Aut propter fundum ventriculi imbecillum, vnde sentitur grauitas, & quasi onus premens, maioremque quantitatem cibi appetunt, quàm concoquere possunt, peius enim se habent cibo assumpto, quàm inani ventriculo, cum enim crassus humor quietus in imo ventriculi resideat, nihil aut modicum negotij facessit,

De Aegritudinibus capitis,

faceſſit, iniecto vero cibo irritatus, peior & moleſtior euadit, craſſum autem humorem dico, quia acres & tenues vix poſſunt è ventriculo efflare, quin ſua leuitate os ſtomachi petant, idque laceſſent, bilioſiq; humores in ventriculo efferueſcentes, aſſumpto cibo quieſcunt.

Arcul.

Aut quia materia imbibita in tunicis ventriculi, caput vaporibus ſuis ferit, vnde nauſeabundi fiunt ægri, dolor vero eorū pungitiuius erit, (ſi materia ſit acris) & plurimū ab anteriori parte capitis oritur dolor, declinatq; ad mediam, aliquando etiam in occipite incipit, propter ſitum æſophagi.

Gal. 2. artis
medic.

Gal. 5. de locis
affect.

Aut ratione hepatis calidioris, quod prodiſt latitudo venarum, cum calore manuum, & plantarum pedum, præcipuè poſt cibum; orta enim atteſtantur ſuis principijs.

Aut vitio ſplenis, (vt plerumq; fit) ſcilicet cum ichores melancholici ex eo in ventriculum effluunt, vnde excitantur ſymptomata melancholica, vel vitio totius ambitus venarum, cum nimis incaleſcentes obſtruantur, vnde flatus, & (niſi corpus valde ineptum ſit) melancholia hypochondriaca.

Si verò à matrice mulier aliqua dolore capitis tentetur, in his aut retinentur, aut diminuantur menſtrua, aut præceſſit abortus ſiue partus.

Quoad

Quoad curationem.

Si præ copia offendat, sanguis necessario venæ ESanguine.
 sectione euacuandus est, nullo respectu temporis
 habito, sed virium ægroti, imbecillis enim viribus
 detractionem partiri præstat. Qui autem sangui-
 nis missionem retardant, aliquando pro morbo
 mortem inducunt, cum sanguis regurgitans in-
 flammationem cerebri et membranarum pariat,
 necessitate autem non urgente alium enema in
 primis subtrahere, deinde venam aperire, inconue-
 niens non est.

Rx maluæ, bismaluæ, violarum ana M. j. mercu- Clysteris de-
 rialis, betæ albæ ana M. β. feminis lini, fænugræci a- scriptio.
 na 3β. feminis anisi 3ij. fiat decoctio in colaturæ
 libra j. dissolue diacathol. 3. jβ. olei violati, mel-
 lis rosati ana 3 iij. misce.

Clystere autem dato, & vena secta, vtilissimum
 est frontalibus uti: ut exempli gratia.

Rx. foliorum rosarum siccarum M. j. florum cha- Frontale.
 momillæ, M. β. imponantur in sacculo lineo, & bul-
 liant in aceto, & aqua rosarum, vase clauso: postea
 verò fortissimè expressus applicetur sacculus fron-
 ti, & temporibus: ad somnum vero conciliandum
 solitus sum uti gra. 4. confect. sequentis.

Rx. extractionis hyosciami albi 3ij, opij thebaici Confectio
 cum spiritu croceato sine speciebus extracti 3β. somniafera.
 mummiæ puræ sine fæcibus 3j. gemmarū soluta-
 rum 3β. tincturæ specierū diambæ per spiritum
 ardentissimum extractæ ad spissitudinem mellis,

De Aegritudinibus capitis.

3ß. specierum diamoschi dulcis 3j. lapidis bezoar 3j. misceantur in idoneo vase, deinde irrigentur, cum olei cinamomi sufficienti quantitate, & cum febrili calore ad iustam consistentiam cogentur. neque potest aliquid melius siue securius excogitari: sæpius enim antedictum medicamentum probavi magno cum honore, et amicorum meorū consolatione.

E qua vena autem sanguis detrahendus est, quamuis vnicuiq; medico bene notum sit, attamen vt officio meo satisfaciam, illud etiam in hoc loco ostendam,

Si igitur totum corpus sit plethoricum, idq; in eximio gradu, aperienda est vena mediana, ne si cephalicam tunderemus, maiorem quantitatem sanguinis ad locum attraheremus, quàm per vires ægroti adimere possumus, securius ideo secunda est mediana, quæ et ad reuultionem & ad deriuationem inseruiet.

Si vero sanguis circa caput solummodo peccet, aperietur cephalica.

Si posterior pars capitis e plenitudine doleat, a-

Bils.

perietur vena in medio frontis. Qui verò ob bilis acrimoniam ægrotant, in hunc modum sunt tractandi.

In primis detur hic vel similis clyster: R. maluæ, violarū, mercurialis: ana M. j. lactuæ, cucurbitæ ana M. ß. seminis anisi 3j. in colaturæ libra: dissolue specierū hyeræ simplicis 3ß. electuarij, lenitiui, 3j. olei violati, mellis violati, ana 3. iij. fiat clyster.

Si verò vehemētissimus sit dolor, ob euētilationē,
vena

vena cephalica secanda est: parcè tamen, et paruo cum orificio; quia sanguis frænum bilis: aliqui tamen suadent venas sub lingua aperire, his ex arte factis applicetur frontale aliquod fronti, et temporibus: vt exempli gratia, R. olei rosati, vel nenupharini 3j. aceti, aquæ rosarum: ana 3ß. deindè ad prouocandū somnum vtere gra. 4. antedicti cōpositionis: vel si huius copia non sit, vtere sequenti. R. sirupi violati 3ß. aquæ lactucæ 3ij.

Vel R. diacodij 3iß. aquæ lactucæ 3ij. Sed si dolor hisceremedijs nō cedat, purgetur bilis in hunc, vel similem modum: R. florum boraginis, buglossi, violarum, cichorei: ana P.ß. tamarindorum pinguium 3i. prunorum numero 5. bulliant in aquæ endiuia libra j. ad tertias huius accipe 3iij. diachatholiconis 3vj. electuarij succo rosarū 3ij. sirupi rosati solutiui 3j. fiat potio: vel R. rhabarb. electi 3iij infunde in aqua endiuia, facta diligenti expressione, adde electuarij de succo rosarum 3ß. mannæ electæ 3j. sirupi rosati solutiui 3iß: fiat potio.

Vel R. pul. rhab. electi 3j. elect. de succo rosarum 3iß. trochiscorum de violis, cum scammonio 3j. floris cassiæ nouiter extracti 3ß. misce cum saccharo: fiat bolus.

Vel R. pilularum aurearum 3j. diagridij. gra. 5. cum sirupo rosarum: fiant pilulæ V. Pituita,

Qui verò ob pituitam capitis dolore tentantur, in hunc modum medicandi sunt.

In primis iniiciatur longè a pastu, hoc vel simile enema.

R. mal.

De Aegritudinibus capitis.

Rx. mal. bismal. mercurialis ana M. j. florum chamomillæ, meliloti, anthos, stæchaidos ana P. j. seminis anisi 3ß. agarici in panno lineo ligati 3ij. in colaturæ libra j. dissolue specierum hyeræ rufi 3ß, mellis rosati 3ij. oximellis scillitici 3j. olei chamomelini 3iiij. fiat clyster.

Hoc enemate dato præparandum ulterius est corpus, per tres vel quatuor dies, his vel similibus medicamentis. *Rx. decoctionis hissopi, bethonicæ, melissæ ana P.ß. florum cordialium, ana P. j. seminis anisi 3iiij senæ orient. 3. ix. bulliant omnia in duabus libris aquæ, ad 3 ix. pro tribus vicibus huius: Rx. 3iiij. sirupi rosati solutiui cum agarico 3iß. fiat potio pro vna vice tribus diebus in hunc modum præteritis, purgetur ægrotus in sequentem vel similem modum. Rx. agarici 3iiij. Rhab. 3i. infunde in decoct. fructuum additis. 3ij. senæ, in horum infusione dissolue mellis rosacci solutiui, 3. iiij. fiat potio.*

Vel *Rx. 3iiij. pilularum cochiarum Rhafis: vel cum pilulis de hyera cum agarico, vel cum 3vj. diacartami, siue diaphæniconis in idoneo liquore dissolutis.*

Loco vero dolenti suppone cubebas contritas, & aqua rosacea asperfas, vel milium cum sale mixtum, super tegulam calefactum, & vino albo siue aceto irroratum.

Vel oblineatur locus dolens, trochiscis de castoreo, a Rhafi descriptis, & in vino veteri dissolutis, cuius compositio hæc est. *Rx. castorei, euphorbij, piperis, sinapis, rutæ, marrubij ana partes æquales*

æquales, pulueriscentur & conspergantur vino veteri, & fiant trochischi, postea verò de siccentur.

Qui verò ob melancholiam, dolore capitis affligitur, hos purgare decet confectione hamech, cum decoctione epithimi, & florum cordalium: vel cum ʒj. elebori nigri, more chimico extracti, cum infusione senæ & epithimi: & hoc expertissimum medicamentum est: *Arculanus* describit etiam medicamentum sanè multum conducibile.

Melancholia.

Folio 27

Sed si per consensum oris ventriculi, & materiæ biliosæ, per vomitum expurgandus est ægrotus: dummodo nec phthisicus, nec morbosus circa oculos, nec angusti sit pectoris, nam propter subtilitatem, & mobilitatem materiæ, facile euacuatur.

Stomacho (vt antea dicitur) inanito confortandus est stipticis, vt cum sirupo de ribes, de agresta vel buccella panis, immersa in aliquo horum, et ante cibū exhibita, neq; vllō modo tolleranda est fames. Et quanquam aliqui hortentur stomachū in hoc casu curare nihil capiti faciendo, intelligendi sunt, quasi dicerent nihil capiti faciendum esse, vt membro principaliter affecto: vtilissimum autem est corroborantia applicare, ad confortandum cerebrum, ne vltius recipiat, quod bene proficitur vsu huius electuarij intro assumpti, ad quantitatem ʒʒ. per tres horas ante cibum, et tres horas a cæna, in introitu lecti: compositio hæc est, R. conseruæ florum boraginis, buglossi, rosmari-
ni, sacchari, rosarum mirabilanorum, chebul. emblic. conditorum, corticum citri conditorum, ana

Gal.
Auicenna,

Trinca,

De Aegritudinibus capitis.

3j. cum sirupo de rhibis: fiat electuarium.

lib. 2. de mor-
bis ex tartaro.

Paracelsus verò hanc doctrinam arridens, has stomachi anxietates e tartaro resolutò prouenire affirmat, qui in finibus stomachi existens, fel attrahit et quia duo aduersa simul esse nequeunt sine tumultu, inde sequitur vomitus, proponitque medicamentum liquoris viticellæ, 3iij. rubedinis de colcothar 3ij. cuius dosis est 3ß. in vino bono; & profectò confiteor, me citò, tutò, & iucundè curasse multos, hoc solummodo medicamento.

Si vero materia sit in fundo ventriculi, præmisso aliquo lenituo extenuandus est humor crassus, his vel similibus: R. aquæ bethonicæ 3iij. mellis rosati, oximellis simplicis, ana 3i. fiat potio: capienda ieiuno stomacho, secundum consuetudinem, secundum iudicium præsentis medici, præparato verò corpore in hunc vel similem modum purgetur. R. foliorum senæ 3ij. polipodij, epithimi, ana 3i. passularum, radiceis dulcis, ana 3ij. florum boraginis, buglossi, violarum, ana 3j. prunorum sebesten, ana iij. fiat decoctio in cuius 3iiij. dissolue confectionis hamech 3v. sirupi rosati solutiui 3iß. fiat potio nec sufficiet vnica purgatio sed altera atq; altera.

Si verò e materia in tunicis ventriculi imbibita, proueniat dolor, multum proficiet creber vsus aloes; aut hyeræ picræ, aut absinthij diluti, sed reuera, multo præstantius reperietur antedictum medicamentum *Theophrasti Paracelsi*.

Qui verò ratione iecoris calidioris, capitis dolore

lore affliguntur, hi per venæ sectionem curandi sunt.

Qui verò & per comunitatem stomachi; & hepatis laborant, stomacho scilicet frigidiorē existente, hepate vero calidiorē, in hunc modum sunt tractandi.

In primis, expurgandi sunt blandis medicamentis, sicut cassia cum speciebus hyeræ, vel rhabaro, cum saccharo rosarum, vel cum sirupo rosato solutiuo, et aliquando cum hyera diacolocinthis, vires enim ventriculi non deiecit, neque hepar multum calefacit: *Gal.* enim 2. de victus ratione ubi febris remissior erat in pleuritide concessit hoc facto, calefaciendus est stomachus cum diatrion pipereon in forma pilularum, capiend. ʒj. ante cibum per horam, & inungendus est ventriculus exterius, cum oleo nardino, mastichino, et de mentha, cum aromatibus, vel cū emplastro stomachico galeni, pro nobilioribus verò paretur emplastrū ex oleo de floribus arant. ʒj. manne belzonie ʒ i β. gariophilli, macis, ana ʒ β. ladani optimi ʒ ij.

Si verò ratione splenis (ut plerunq; fit, teste *Gal.* 5. de locis affectis) purgand. est splen, vel deoppilādus et coroborandus, prout causa postulat.

Si verò a matrice fiat dolor, recurrendum est ad medicamenta morbo appropriata, et in propriis capitulis descripta.

Si ex obstructione, vel nimia calefactione totius ambitus venarū deoppilādæ sunt, et refrigerādæ, et per venæ sectionē, et purgationē, ut postea ostendetur, cū de flatu hypocondriaco sermonē

De Ægritudinibus capitis.

habemus Sed quia aliquando ex alijs causis, quàm antedictis doleat caput: nempe et a spiritu flatuoso, & ab intemperie calida, vel frigida: vel a siccitate, vel ex ictu, siue plaga, vel ebrietate: ideo pauca de his dicenda esse necessarium puto.

Signa

Si verò a spiritu flatuoso grauetur caput, dolor tensius, absque grauitate, vel pulsu, molestat, et fit permutatio doloris, a loco ad locum.

Si verò ab intemperatura calida, male se habet caput, apparebit letis quædam rubedo circa partes capitis, oculorum, & faciei: gaudetq; ægrotus frigidis perfusionibus.

Si ab intemperie frigida proueniat dolor, contrarijs signis deprehendetur, nempe a quouis interno siue externo calore sedabitur dolor.

Qui vero ex siccitate laborant, sunt vigilantissimi, et molestantur tumultuosis imaginationibus, non sine animi deiectione, precipuè si humor sit melancholicus.

Si ex plaga, manifestè apparebit occasio, nec nō inflammatio: vt *Gal. 2.* de compositione medicamentorum secundum locos apertissimè demonstrat

Si ex ebrietate, nimia vini vel potus ingurgitatio præcessit.

Cura

Si a spiritu flatuoso in ipso cerebro, fiat leuis euaporatio, cum milijs et floribus chamomillæ, in facello torrefactis.

Trib.

Si ab intemperie calida, vt ab æstu, sufficiet sin-
ciput rosaceo inungere, vel in vehementi dolore,
parum succi portulacæ addere, (si in viris) si
vero in pueris siue mulieribus chamomelino:
nulum

nullum autem purgans medicamentum qualecunq; conuenit.

Si verò quis à frigore, capitis dolore vexetur, satis est caput oleo rutaceo, & anethino perfundere, cum additione parum euphorbij, si maxima urgeat necessitas : *Ætius* verò oleo in quo verberna viridis incoquitur prærafis capillis vtitur.

Si à siccitate oriatur dolor, è gelida aqua potabili fouendum est caput, & oleo amigdalorum dulcium inungendum, & humectantia pro cibo sunt ægroto præbenda.

Si ex ebrietate, optimum præsidium vomitus, & quies, somnus enim resoluit vapores & dolorem tollit.

Si ex ictu vel plaga, præmisso enemate, optimum iuuamentum veniæ sectio, topica vero adhibenda sunt secundum discretionem præsentis medici.

Sed quia varij etiam percipiuntur dolores, nempe pungitiui, frangitiui, grauitiui, extensiui, ideo aliquid de differentijs horum dicam.

Dolor capitis grauitius, pondere solummodo molestat, & est proprium symptoma cerebri affecti, quia testibus *Aristotile* & *Gal.* cerebrum aut omnino est sensus expers, aut illum satis obscurum habet.

Signa.

Dolor verò pungitiuus, membranarum morbus est.

Dolor frangitiuus, membranæ os ambientis symptoma.

Dolor extensiuus, morbus proprius neruis,

De Aegritudinibus capitis.

tendonibus & similibus.

Quoad loca verò doloris, aliquid notandum est.

Qui igitur dolorem pungitium in radicibus oculorum patiuntur, in his materia morbifica à cerebro in tunicas expellitur: Tunicæ enim oculorum ex cerebri membranis ortum habent, ideoq; illis affectis, hæc necessario per consensum afficiuntur.

Si verò caput quasi in superficie rumpi seu frangi videatur, pro certo indicat dolorem produci à materia, quæ residet inter cranium, & pericranium, & propriè significat, membranam os caluæ vestientem læsam esse.

Dolor verò extensius, à flatibus oritur.

Dolor in posteriore parte capitis, (nisi per essentiam laboret caput) arguit multitudinem vaporum vel humorum, (præsertim si sibilus aurium adiungatur) è ventriculo & inferioribus partibus, hunc dolorem parere, quia dum œsophagus per quem transeunt vapores, magis ad posteriorem partem inclinat, necessario sequitur, ut ibi sentiatur dolor, & hæc est ratio, cur qui ex utero dolent, vel quibus per aortam siue venam cavam vapores ascendunt in posteriori parte dolorem percipiunt, quamvis non credam, quin stomachus etiam aliquot vapores ad caput per externas tunicas, & nervos sextæ conjugationis sursum euomat.

Dieta

Dieta particularis.

Qui ob abundantiam sanguinis capitis dolore affliguntur, abstineant hi à carne, vino, ouis, piscibus electis, magni corporis, & similibus, quia multum sanguinem generant, caueant etiam ab omnibus vaporosis, vinctuosis, pinguibus, acutis & calidis, laudantur autem herbæ frigidae, & fructus frigidi, vt lactuca, portulaca, plantago, mala-granata, & pira.

In causa autem biliosa, conueniunt etiam antedicta: regimen enim vtriusq; idem est, nisi quod magis ad humidum declinaret, & stipticum, si raptus materiae ad stomachum timeatur, vt exempli gratia, vtetur ægrotus brodio pulli cum agresta confecto, vel carne pulli cum succo limonum vel hordei cremore.

In causa pituitosa, sit aer calidus & siccus, sit potus vinum vetus meodicris vinositatis, vel aqua mellis cum modico piperis, sit somnus parcior, sint fercula facilis digestionis, & ad caliditatem & siccitatem inclinantia, & in hac causa bene faciet ira aliquando, ad suscitandum naturalem calorem.

Si verò à melancholia, sit regimen humectatiuum, impinguatiuum, nec oppilatiuum, declinans ad caliditatem, siue frigiditatem, secundum humoris exigentiam, & circumstantiam vt in capitulo de melancholia latius tractabitur.

De Aegritudinibus capitis.

Dieta generalis.

Sit aer, quatenus est materia alimenti, purus, & suavis odoris, ut spiritus delectetur & nutriatur.

Habeat ægrotus quotidie beneficium alui.

Sit somnus parcior, Venus autem parcissima.

Si ab intemperie oriatur, vergat aer ad contrarium, unà cum cibo.

Si à plenitudine, sit victus parcior, sufficiatq; vnicum genus cibi, & vitentur carnes antiquæ, porcinæ, salitæ, aues palustres, pastilia, lac, & lacticia, pisces, & omne genus vaporosorum, viscosorum, & humidorum, unà cum falsis & acris ut cæpe, allio, casu antiquo, oleribus silvestribus, fructibus horarijs, nisi parcissimè & ante cibum, caueant ægroti ab animi molestijs, & vino nisi in pauca quantitate & diluta, triplicem enim ob causam prohibet *Gal.* vinum, inter quas enumeratur capitis dolor, additq; rationem, cur vetite, scilicet, quia si magnum sit obest cerebro, si pauciferum licet non noceat cerebro, obest tamen ventriculo.

3. Lib. de ratione victus,

De vertigine.

Per vertiginem, intelligo illud vitium, in quo omnia in conspectu circum rotari videntur, *Gal.* enim comment. 42. lib. de ratione victus de vertiginosis locutus affirmat eos sibi imaginare, vel caput proprium, vel exteriora circumduci, & quāquam aliqui contendunt, scotomiam & vertiginem.

nem differre, quemadmodum *Rhasis*, & *Donatus*, Lib. 1. continent, cap. 2.
 cap. 17. lib. 3 de medendis humani corporis malis, at-
 tamen quia differunt nisi secundum magis & mi-
 nus, hoc nomen pro ambobus vsurpabo.

Vertigo igitur est motus circularis spirituum, in Vertig. de-
scriptio.
 anterioribus cellulis cerebi: qua ratione autem
 mouentur spiritus in capite dilucide per similitu-
 dinem flammaram in furno coercitarum demon-
 strat *Rondeletius*, quæ sua leuitate ad superio-
 rem partem fornacis delatæ, (nec altius fer-
 ri possunt) reflectunt, & in gyrum mouentur.

Vertiginis causa duplex. { Interna,
 { Externa.

Cause.

Interna aut

{ per essentiam.
 { Per consensum.

Si per essentiam, tum vel a materia flatulenta,
 quæ proprio vitio capitis aut procreatur, aut con-
 geritur, teste *Gal.* Cap. 8. lib. 3. de locis affectis.

Vel ex frigido & viscoso humore siue intem-
 perie cerebrum occupante, mediante tamen ca-
 lore, (vt inquit *Paulus*), calor enim humores,
 extenuat, & in furorem agit, vnde efferues-
 cunt.

Si per consensum, tunc
 aut { Ventriculi,
 { Iecoris,
 { Lienis,
 { Vteri.

Si caput primario laboret, hæc adderunt signa. Signa.

E

Dolor

De Ægritudinibus capitis.

Gal. de locis
affect.

Dolor maiore ex parte perpetuus, tinnitus aurium, defectus sensuum, & nulla præbita occasione, vel externa, vel in victu, excitabitur morbus.

Si per consensum, deinde prouenit morbus, vel à ventriculo, vnde sequitur inappetentia, nausea, stomachi subuersio, mala concoctio, variaturque morbus, prout ægrotus se in victu gerat, vel vitio iecoris, aut quia calidius eneruat vires stomachi, & subministrat vehiculum, aut quia calidius sanguinem nimis acrem & spirituosum reddit, vnde efferuescit, & præ acredine è naribus solitus erumpere, & subito suppressus, permanente defectu hepatis vertiginem inducit.

Historia.

Aut quia calidius, torrefaciendo & adurendo sanguinem, natura & præ copia & adustione cogitur se per venas Hemorroides exonerare, quæ identidem præter consuetudinem suppressæ, vertigini & grauiori morbo occasionem subministrant, vt multis contigisse vidi dum ipse medicinam exercui, & præcipuè generoso cuidam generosissimo cognomine Chester, qui mea industria curatus viuit, non solum à vertigine sed ab epilepsia liberatus posteaquam per spatium vnus anni integri ad minimum in tutela aliorum medicorum (quorum nomina reuerentiæ gratia reticebo) sine ope & auxilio vllò remansisset. Casus vt sequitur.

Hic generosus, quatenus ad habitum corporis vniuersi attinet, calidus & moderatè fucus,

cus, cui temperaturæ consentiebant omnia membra præcipua, ventriculo excepto, vtpote qui frigidior erat, annum trigesium agens, septem abhinc annis consuetus, periodice sanguinem abundanter & per nares, & per Hemorroides expellere, petijt consilium de restringendo has sanguineas euacuationes. His autem restrictis (vt mihi retulit) incepit laborare vertigine, & postea epilepsia, multoties enim cecidit neq; præsensit, & quamuis inter initia fieri potuit hunc morbum à suppositis partibus originem traxisse, & fomentum habuisse, attamen cum eo tempore secundum annum pertransiuerat factus erat primarius capitis affectus, & hoc conieci tum ex grauitate, quam circa caput percipiebat, tum quia cæteros sensus stupidos habuit: hic autem generosus sanitatis suæ recuperantiæ causa me accersuit, quem dei auxilio anno Domini 1589. in hunc modum pristinae sanitati intra sex menses restitui, declinabat autem morbus intra mensem.

In primis præmissis lænitiuo, & conuenienti dieta imperata, venam aperui, deinde hanc potionem quaternis diebus propinandam dedi.

Rx. sirupi de bethonica, de stachade, & de cichorio, ana ʒ β : Decoctionis maioranæ, saluiæ in aqua Endiuia, ʒ ʒ. Fiat potio. Deinde ʒ 1. Ellebori nigri cum granis quatuor extractionis agarici in vino albo dedi: præterea quotidie intro assumpsit coclearium vnum sequentis

De agnitionibus capitis.

medicamenti cum cocleario aquæ hirundinis Rondeletij, in aquæ melissæ 3 2. excepto die ante nouilunium & plenilunium, quibus diebus accipit aut medicamentum antedictum ex eleboro, aut parum antimonij cum oleo vitrioli ad secesum præparati. Medicamenti verò descriptio hæc est.

Rx. aquæ è fecibus vini per ignem & artem extractæ q. s. hanc per nouum alembicum igne proprio à vitriolo corallato & in pultis instar antea redacto distilla, cuius libræ vnæ adde liquoris visci quercini & radicum pæoniæ maris ana 3 β extractionis bethonica 3 1. reducantur per circulationem in potum: hoc ritè parato parasti medicamentum pro vertigine, epilepsia & similibus, auro prætiosius: sed vt ad propositum redeamus.

Si vertigo lienis vitio accadat, maiori ex parte fit flatus hypocondriacus dictus.

Si per consensum vteri, tunc aut quia destruitur naturalis calor positivè propter nimium menstruorum fluxum, aut priuatiue, propter suppressionem: aut propter alicuius rei corruptæ retentionem, vel inflammationem siue matricis proidentiam.

Si è causa externa tunc aut à purgatione intempestivè bibita, de qua Hipocrat. loquitur inquiens, qui sana habent corpora difficilius purgantur, nam & vertiginosi, & voluulosi sunt.

Vel

Vel ab attractione crassorum et tenacium humorum ante concoctionem, vel ob extenuationem, de qua loquitur *Gal.* in comment. in 2. libro Aphorif. Vel e nimis vehementi purgatione: de cuius incommodis loquitur *Gal.* libro 1. Aphorif. 3. Aphorif.

Vel e circulari motu corporis proprii, rationem cuius recitat *Cassius* 759.

Vel quia quoduis vel quemuis alium circumverti vident: cuius rationem reddunt *Ætius*, *Paulus*, *Auicenna* & *Matheus*, de gradi.

Vel ex assiduis flexibus in itinere, e quibus loquitur *Areteus*.

Vel propter cruciatus, vt in perforatione, siue percussione cranij, de qua loquitur *Arcul.* & *Donatus*.

Vel balneo post repletionem.

Vel mora sub radijs solaribus.

Vel propter famem, vt in illis qui tollerare nequeunt.

Vel propter ebrietatem.

Signa general.

Agitatio spiritus in gyrum, titubatio et in vertigine oculorum tenebrosa caligo.

Parui faciendus non est hic affectus, nam appropinquat epilepsiæ, et apoplexiæ: teste *Gal.* comment. aph. 17. tertij lib.

Prog.

Caueant ægroti a ventis, præcipuè australibus, radijs Solis, et Lunæ, ab aspectu rerum circulariter mouentium, vel ab aspectu aquarum currentium, siue rerum profundarum ab alto, caueant etiam a somno plus iusto, vel stomacho pleno, et a

Vitæ ratio.

De Ægritudinibus capitis.

nimia capitis calefactione, operam det ut ventris excrementa singulis diebus excernant, temperate sese exerceant, ita ut capita eorum quantum possibile est quiescant: ne equitent nisi tardissimo gressu, et caueant ne in curribus vehantur, abstineant ab animi affectibus, a repletionem, & nimia satietate, a fame, a venere, a clamoribus, et contentionibus, a rebus euaporantibus, a vino, nisi albo & tenui.

Curatio.

Secundum omnes medicos tam veteres, quam recentiores, approbatur venæ sectio si sanguis abundet, vel ut causa principalis, vel adiuuans: vel ut causa sine qua non: circa tempus dubitarunt aliqui, scilicet utrum expectanda sit remissio, an in principio accessionis, Ætius enim venam secandam in principio paroxysmi iubet, siue postea, quæ locum recentiores in hunc modum explicant, nempe si frequentissimæ, et continuæ sint accessiones: aliter extra accessionem, cui sententiæ adstipulatur *Paulus*, pluries autem, non acervatim detrahendus est sanguis, quia facile et e minima occasione concidunt vertiginosi, eoque tempore secundum Ætij præceptum, irrigandum est caput rosaceo, aceto, et poligoni siue hæderæ succo admisto, paruumque orificium faciendum est, ne spiritus nimis copiosius affatim irruant. Post venæ vero sectionem, ex preceptis medicorum purgandus est ægrotus hyera pachij, præmissis præparatiuis et sirupo de bethonica, de stæchade, et similibus: deinde ulterius purgandum cum sirupo de cichorio *Nicholai*, cum rhabarb. sirupo, de bethonica et melle rosato: deinde purgandum est corpus confectione hamech. trochiscis alhandal, et sirupo rosarum: ut exempli gratia: R. trochiscorum alhandal gr. 8. confectioni

fectionis hamech. ʒβ. sirupi rosarum ʒij. cum aliquo conueniente liquore, fiat potio capienda cum custodia. Aliquando etiam feliciter vti possumus acribus elisteribus, vel pilulis ex hyera, cum rhabarb. et agarico, garophillis, cinamomo, et nucemofchata per horam ante cœnam.

Sæpius etiam (corpore expurgato) vtimur cucurbitulis in occipitio, et sternutatorijs, magna cū vtilitate: aliquādo etiam secantur arteriæ retro aures, si percipiamus vapores per eas deferri, sed omnibus his medicamentis relictis, corpore purgato cum eleboro, ad medicamentum antedictum quasi ad sacram anchoram confugio, corroborat enim cerebrū, vt nulla vertigo, nulla paralisis, nulla mania, nulla epilepsia illi nocere potest.

Si verò morbus veniat per consensum alicuius partis inferioris, recurrendum est ad antedictum capitulum, in quo tantum dicitur vt superfluū esset amplius hoc loco scribere.

Si verò a causa externa proueniat vertigo, velut a medicamento intempestiue bibito, compescenda est natura lacescita, cessante enim causa mox cessabit effectus.

Si verò a nimis forti medicamento, detur mithridatum, cum sacchare rosarum, quod si probatissimum sit, restringet vehementiam medicamēti: ventri verò forinsecus admouenda sunt emplastra diapheniconis, siue de pelle arietina.

Si a circulari motu corporis, contrarius adiuuat.

Si ab aspectu, ne aspiciat æger.

Si

De Aegritudinibus capitis.

Si propter cruciatū in compressione, remoue rem comprimentem, & applicetur anodinum.

Si propter famem, sumetur buccella panis in succo granatorum, vel omphacio intincta.

Si a nimia satietate, imperetur victus tenuior, & sic in reliquis, contraria enim contrarijs curantur, secundum *Gal.*

De Epilepsia.

Epilepsia aliās appellatur morbus comitialis, morbus sacer, morbus herculeus, morbus lunaticus, morbus comessialis, & puerilis: cur autem ita vocetur, dilucidè enarratur a *Gal.* libro 6. de morbis vulgaribus: & ab *Arculano, Areteo, Trall. Paulo & Cornelio Celso* cap. 23. tertij libri: sub hoc igitur vocabulo omnes species huius morbi comprehendam.

Epilepsia de-
scriptio,

Epilepsia est spasmus factus ex obstructione ventriculorum cerebri, cum amissione sensus & motus neruolarum partium, & conuultionis totius corporis, (necessariò enim sequitur Epilepsiam conuultio totius corporis.)

Gal. lib. 3. & 4
de locis
affect.
Paul.
Trall.
Actuarius.

De causa verò et generatione huius morbi contendunt medici: *Gal.* enim 3. de locis affectis, & lib. 6. de morbis vulgaribus, affirmat epilepsiam nempe per essentiam genitam (nam ita intelligendus est *Gal.*) prouenire a crasso et frigido succo: aut pituitoso, aut melancholico in ventriculis cerebri congregato, comprehendente explantationes neruorum; et principium spinalis medullæ, quem

quem sequutus est *Paulus*. *Auerrois* verò in 3. collig. videtur multum dubitare de causa epilepsiæ: Recentiores verò negant materiam a *Gal.* propositam posse esse materiam epilepsiæ, vtuntur argumentis, quibus vsus est *Gal.* libro de tremore, & iectigatione: vbi concludit morbū fieri a tenui humore, quia cito mouetur, et cito dissoluitur: materia enim crassa difficillimè mouetur; præterea colligunt ex frequenti oscitatione, et spuma: quibus omnibus vtuntur epileptici: non posse vllō modo fieri quin materia sit tenuis, & eò magis quia ex odore solummodò aliquando excitatur morbus, vt cohærent omnes medici.

Auicenna verò, *Aëtuarus*, *Andernacus*, et alij nonnulli, putant epilepsiam procedere a materia viscosa et venenosa, vnà cum crassis vaporibus cerebro contrarijs (ita tamen vt tantum sit vitium in quātitate humorum quā qualitāte) qui spiritus exitum obsepiunt, obstruuntq; quo minus facultas sensum ministrans foras prodeat, cui opinioni subscribo, non enim fit nisi in corporibus humidis, in quibus multiplicatur humor grossus.

Sed vt priora argumenta aliquāliter respondeam, vbi *Rondeletius* eiusque farinae medici repentinum ortum, & breuem dissolutionem vt infallibile signum tenuis materiae affirmant, (saluā pacetantium virorum) in meo iudicio longè falluntur: non enim discutitur materia, quando reuiuēscunt, vt ita dicam epileptici, sed retrò dislocatur, vaporibus per sternutationem parum

De Aegritudinibus capitis.

euacuatis; præterea spuma epilepticorum meo iudicio ostendit potius agitationem, et ingens luctamen spirituum, et humorum, quam tenuitatem humorum, atque idem sentit *Gal.* comment. aphorif. quadragesimo tertio, libro secundo, & aphorif. tricesimo, septimi libri. Deinde cum videant hepar hircinum, vel simile procurare paroxysmum, non dubitant de causa antedicta morbi: profectò ego non video quomodo aliquid pro eorum defensione facit, ex proprietate enim occulta, et vapore cerebro infesto percutit ventriculos cerebri, et materiam mouet, aer enim (teste *Hipocrate.*) libro de morbo sacro, vel calidus, vel frigidus, et a multò fortiore venenosus, potest esse in causa epilepsiæ et in pueris, et senibus, tam per colliuationem, quam per expressionem.

Signa

Generatur aut per essentiam, aut per consensum.

Si per essentiam proficiscatur morbus, magnam grauitatem percipiunt ægri, tardèque sentiunt, pigri etiam sunt ad motus, et maximè obliuiosi, (et si morbus inueteratus sit) mæsti, et animo abiecti sunt, visum et consuetudinem hominum vitantes, cibum fastidientes, sumptum male conficientes, maximaque in his apparebit conuulsio, neque vnquam præsentunt.

Si

Si per consensum, tunc vel { stomachi,
vteri,
aliarum
partium.

Si per consensum stomachi, tunc non fit convulsio totius corporis, sed quasi inundatio, neque penitus destituuntur, sed quasi in meditullio consistunt, neque adeo promptè præsentunt: præterea crebra cibi assumptio, siue retardatio, auget & fæstinat, vel diminuit & retardat accessionem, & vomitus superueniens multum iuuat.

Sunt etiam qui ex vehementi ira, cura, sollicitudine, vel contentionibus circa aliquid (vitiosis humoribus ad os stomachi confluentibus) hoc morbo corripuntur: de quibus loquutus est *Gal.* tertio libro de locis affectis, capitulo sexto: aliquando et a vermibus, vel viuis, vel mortuis, a viuis scilicet per morsum, a mortuis per putredinosum vaporem, aliquando et ab ictu phalangij.

Sunt etiam qui ratione hepatis, vt in precedenti capitulo plenius enarratur.

Ment. Consul
43, & 50

Aliqui etiam ex vtero, venenatis scilicet vaporibus sursum eleuatis, in his autem frequentius retinentur menstrua, et in hunc diem viuit mulier quædam mecum familiarissima quæ nunquam in vtero gerit infantem quin durante impregnatione sua per interualla hunc morbum perpetiatur, at postea

De Ægritudinibus capitis.

nunquam.

Qui vero ob particulam aliquam concidunt, distributionem mali ad superiora fieri sentiunt, et quod futurum est prædicunt, teste *Gal. 3.* de locis affectis, ubi de puero quodam et adolescente mentionem fecit: & ego ipse semel vidi.

Dieta.

Eligat ægrotus aerem siccum, et minime frigidum, aut in causa melancholica calidum, et in passivis temperatum, nocturnum aerem effugiat, et si præ negotijs non possit, congruis velamentis caput tegat, vna cum auribus, ceruice, et toto thorace. Ne patiatur epilepticus pedum frigiditatem, ne intueatur vallas concauas ab alto, neque loca paludosa, siue fluminos decurrentes, siue ignem, vel magnum splendorem, vel campos niue refertos, vel turbam hominum circumuertentem, vel rotas curruum velocissimè motas, nec aliquid quod in gyrum mouetur: ne equitet nisi tardissimo gressu: iram et tristitiam deuitet: quietè & iucundè viuat: caueat a solitudine, recedat ab eo prorsus diurnus somnus, præcipuè meridianus, quia generat excrementa, matutinus vero retinet capitis superfluitates: surgat igitur diluculo, et caput pectinet, dentes fricet, nares emungat, quotidie sponte vel arte beneficium alui habeat, sese exerceat, sed ita ne caput agitetur: sit exercitium molle sed longum: a nimio venere abstineat, caueat peccare tam

quan-

quantitate, quàm qualitate cibi, vnico cibo sit contentus, sine sorbitionibus, ne cibum assumat priore inconcocto, ne bibat inter prandiũ & coenam, nisi magna vrgenti necessitate, ne eat lectum nisi per duas horas ad minimum à coena, abstineat ab omni carne bubula, caprina, suilla, à palustribus, cothurnicibus, ab omni genere piscium, paucis exceptis, non enim alienum est aliquando merulam, aut scarum sumere (teste *Donato*) à pastilibus, lacticijs, acetarijs crudis, præcipuè lactuca, & ab ouis duris, à cibarijs frictis in sartagine, & (per recentiores) ab apio & pretroselino, attamen *Gal.* apium puero epileptico concessit.

Conceduntur verò ex volatilibus carnes gallinæ, phasianorum, auium montanarum, exceptis præexceptis, turdorum, turturum, & passerularum, quæ decoqui debent cum Hissopo, pulegio, serpillo, sampsocho, anetho, vel similibus: conceditur etiam frequens vsus capparorum, & ex oleribus, conceditur intibus, necnon gingidium & decocta porra: inter fructus, pistacia, & vuæ passæ, super cibum sumendæ: pro potu autem, conceditur aqua cocta cum aniso, cinamomo, & saccaro, vel cinamomo cum coriandro præparato, vel si cõsuetudo vrgeat, ceruisia, sed parum lupulata: sed potius medicata cum roris marina, bethonica, radicibus pæoniæ vel similibus: & (vrgenti consuetudine) parum vini albi pauciferi aut medicati permitti potest: pro pane verò fit panis nec calidus nec tertium diem pertransiens, bene fermētatus ex optimo frumento aliquid fæniculi in se habens.

De Aegritudinibus capitis.

In antedicto capitulo plenius enarraui metho-
dum quo ipse in hoc morbo vtor vnà cum medi-
camentis quibus solùm egomet fidem adhibeo,
nam pràter generosum illum in duos alios ex-
pertus sum, nempe in puerum sedecim annorum
cuiusdam *Gulihelmi Pani* qui solitus erat quotidie
semel, & aliquando bis concidere, qui cum per
mensẽ antedicta medicamenta acceperat è mor-
bo leuari incipibat, & concidere desiebat, vnde pa-
rentes me inuito putantes filium prorsus libe-
rari, domui suæ secum adduxerunt, vbi per tres
menses liber ab aliquo paroxismo euasit, & pau-
lò post sine respectu vnumquemque locum
adiens (putabant enim parentes eum integre sa-
natum) in aqua, reuertente morbo, submersus
erat: aliam autem pauperculam sanaui, quæ po-
steaquam duos annos sana transiisset, ex febrì
ardenti mortua est, & nisi in hos nunquam
expertus sum: sed quia vnusquisque hoc me-
dicamentum, nec habet, nec pràparare potest,
ideo ad vltiorẽ doctrinam aliquot remedia
(galenica) vt ita dicam recensebo, & quia infan-
tes hoc morbo pluries corripuntur, ab illis in-
cipiam.

Si infans igitur sit lactans, authoritate *Pauli*, &
Alexandri, nihil moliendum est, quin prospicien-
dum, vt lac nutricis si vitiosum sit corrigatur,
quod facile fiet, si antecedente victus ratione va-
tatur nutrix, sponte enim ætate ad caliditatem &
siccitatem vergentẽ sæpius sanatur morbus, teste
Hipocrate Aphor. 48. lib. 2. & 7. libris. cauend-
dum

dum tamen est, ne nimis vasa vteri aperientibus
neue coitum utetur nutrix, ne menstrua proritet,
vnde corrumpitur lac. Bonitas verò lactis, Trall.
teste his signis depingitur, nempè colore, substan-
tia, odore & gustu, colore, vt albissimum sit, &
nihil habeat liuidum, substantia, vt nihil admodum
tenue, aut crassius, aut caseosum contineat, odore
& gustu, vt non sit foetidum, sed dulcissimum: &
memini me semel accersitum fuisse ad quandam
mulierem cuius lac tam gustu amarū fuit, vt infans
propriæ matricis mamillas exsugere recusauerit,
quæ tamen intra triduum, (bile meo consilio forti-
ter euacuato) lacte dulcissimo abundabat. Præter
hæc, cauendum est, ne infans tantum exsugat vt fa-
stidiat, neue alia capiat alimēta cum lacte, quia cor-
rumpent lac. Sufficiet igitur, mammam infanti ter
vel quater in die porrigere, & parum mellis rosacei
aliquando infanti dare, ad prohibitionem corrup-
tionis lactis, & si opus sit lactantem purgare, purge-
tur nutrix: vidi etiā Smaragdum verum circa col-
lum infantis appensum multū profuisse, vel radicē
pæoniæ quem sæpius radere oportet odoris gratia.
Aliqui etiam laudant vngulam alcis in annulo ge-
stari: sed quicunq; plura pro infantium curatione
desiderat, Mercurialem de morbis puerorum legat
vel Ætium, qui Possidonij autoritate, quædam
auxilia infantibus præbenda descripsit.

Si verò puer sit 5. vel 6. annorum, purgetur in
hunc vel similem modum.

R. trochiscorum agirici ʒ 4. infusos in oximelle
scillitico (*Gal.* enim valde probat medicamenta è
scilla)

De agriudinibus capitis.

scilla) & fortiter expressos castorei gran. 3. sirupi rosarum solutiui cum agarico 3 i.β: aquæ melissæ q. β. fiat pot. Iteratis verò euacuationibus, secundum iudicium præsentis medici optimum erit vti sternutatorijs & apophlegmatismis deinde quotidie dare 3 i. medicamenti nostri in 3 i aquæ melissæ.

Gal. Lib. de
venæ sectione
& 11. & 12.
lib. method.

Si verò post puerilem ætatem quis hoc morbo corripitur, (præmisso enemate,) aperiatur cephalica, si sanguis peccet, vel tanquam causa adiuuans, vel sine qua non.

Ætius enim, venæ sectionem omnibus alijs auxilijs in hoc morbo potiore affirmit, hoc facto præparandum est corpus in hunc vel similem modum. R. sirupi de bethonica, mellis rosati ana 3 i. aquæ pæoniæ, 3 3. fiat haustus, vel R. oximellis scillicitici, sirupi de bethonica, ana 3 i. aquæ pæoniæ 3 3. his per quinque aut septem diebus acceptis purgandus est ægrotus in hunc vel similem modum si vires & ætas ægroti patiantur. R. confectionis hamech 3 3. trochiscorum alhandal gran 10. sirupi rosati 3 2. aquæ bethonicæ q. β. fiat potio capienda in aurora per sex horas ante cibum: sed vt verum dicam, eleborus niger est omnium aliorum efficacissimum arcanum ad expurgandum fomentum, & pabulum huius morbi, more chimico extractum, & ante nouilunium, & plenilunium, more antedicto datum.

Si per consensum proueniat morbus ex vitiosis humoribus, os stomachi infestantibus & nauseam mouentibus multum conducet. Vomitus & vñus

usus huius electuarij. R. Mithridati optimi 3 β. saccari rosati 3 3. seminis pæoniæ 3 3. limaturæ cranij humani 3 6. sirupi de corticibus citri q. β. detur, 3 β. per horas duas ante cibum: multum etiam proficiet scutellam brodij pulli cum 3 2. infra scripti pulueris aliquando sumere. R. limaturæ cranij humani, seminis pæoniæ, extractionis visci quercini, ana 3 β. deinde quotidie administretur medicamentum nostrum è vitriolo ad corroborandum cerebrum.

Ad prouocandum autem vomitum ego semper soleo floribus rubris Antimonij vti optimo cū successu. Sed aliqui forsan antedictum medicamentum tanquam nimis violentum contemnunt, attamen. Trall. vir sanè magnæ authoritatis in his & similibus morbis hæc vehementiora medicamenta multum approbat, affirmatq; se hisce remedijs eos curasse qui ab alijs derelicti fuere, & teste *Hipoc.* extremi morbi extrema requirunt remedia, vnde omnes antiqui medici multò maiores morbos curarunt quàm nos hodie curamus quia consilium antiquorum repudiamus.

Si verò ex ira, cura, fame, solitudine, timore vel similibus proueniat morbus, vitiosis nempe humoribus ad os ventriculi confluentibus, remouentur causæ & curentur secundum doctrinam antea traditam.

Si verò morbus ob particulam aliquam procedat, optimum præsidium ad prohibendum vel ad minimum ad alleuiandum paroxysmum, fortis ligatura supra membrum affectum cum materiam eleuari

G

sentiant

De aegritudinibus capitis.

sentiant, & postea tempore interualli & quietis purgetur ægrotus pilulis cochijs vel ex hermodactilis affectæq; parti imponendum est lepidium vel vesticatorum è cantharidibus fermento & acri aceto, vel pes coruinus contusus, vel illud ceratum Montani quo vsus est in curatione vnus qui ob brachium ægrotauit: compositio hæc est. R. sinapis pirethri, seminis nasturtij ana 3 2. euphorbij 3 β. nitri, aluminis scissilis ana 3 1. adarces 3 3. sagapeni, galbani ana 3 β. salis amoniaci 3 3. picis naualis 3 1. Olei de euphorbio, de castorio, de balsamo, ana 3 1. dissoluantur gummi in aceto scillitico, puluerisanda puluerisentur, & cum oleis & resinis, addita cera fiat ceratum solito loco applicandum quod singulis 14. diebus remoueatur, & fricetur locus cum scilla, & rursus apponatur iuxta necessitatem, & dum hæc aguntur singulis septimanis semel per mediam noctem post bræuem coenam accipiat ægrotus, 3 1. harum pilularum: compositio hæc est. R. radicum præoniæ, castorei, dictamni cretici, fileris montani ana, 3 1. cornu cerui vsti rasuræ, cranij humani ana 3 2. seminis citri, liquoris visci quercini ana, 3 2. puluerisentur puluerisanda, & aceto scillitico aspergantur, die autem interposito assumet æger semper 3 1. sequentium pilularum. R. agarici, rhab. aloes, elebori nigri chimicè extracti, ana. 3 1. β. garpiohilorum, 3 1. moschi, ambraæ ana, gra. 4. cum sirupo de corticibus citri, fiat magdaleon.

Si verò accidat in mulieribus ob retentionem
menstru-

menstruorum investiganda est causa retentionis & procuranda sunt, nisi infantem in matrice gerant tunc enim difficilis est cura & non emollienda, satius enim est nil nisi abortum prohibentibus, & ventriculum corroborantibus uti: attamen Mom-
tanus consulit usum huius electuarij bis in septi-
mana, per tres horas ante prandium, & in quanti-
tate 3 β.

R. caricarum pinguium per setaceum expres-
sarum 3 4. medullæ cartami, 3 1. rhabarb. electi,
3 2. gariophill, 3 β. misce cum sirupo de cortici-
bus citri.

Si à morfu animalis venenosi pendeat mor-
bus supponantur ventosæ cum scarificatione vnà
cum emplastris attractiuis, & defendetur locus
superior cum forti strictura, & aceto, & intrò detur
theriaca veneno propriè destinata.

Si a vermibus procedat morbus, interficiantur
cum amaris, & eijciantur, si verò sit latus lumbrici-
cus vtendum est allio pro cibo, vel radice filicis:
& non multis annis præteritis quidam theologus
adhuc viuens cognomine Large, per longum
tempus contabuit, neque potuit vllum auxilium
inuenire quamuis medicos doctissimos consu-
luisset, & tandem allium inter cætera comedens
ingentem lineam per secessum eiecit, cum mag-
na admiratione, vnde ab eo tempore conua-
luit.

De Aegritudinibus capitis.

De Lytargia exquisita.

Lethargiæ
descript.

Lethargia nomen sumit à Græcis scilicet *ἀπὸ τῆς λήθης* & *ἀργίας* sed de nominibus non est curandum dummodo rectam intentionem curandi habemus. Lethargia exquisita semper morbus ab initio non symptoma, & teste Celso est inexpugnabilis penè dormiendi necessitas quam pituitosæ collectio & regurgitatio progignit, teste Actuário.

Questio.

Oritur questio inter recentiores medicos vtrum Lytargia sit inflammatio, aliqui affirmant non esse, & defendunt opinionem suam, è Galeno in Cap. 2. lib. 3. method. com. aphorif. 3. sect. 2. & in multis alijs locis, alij autem sunt quemadmodum Trincauelius qui contendunt esse inflammationem quam sequitur febris, & ad confirmandam eorum opinionem proferunt verba *Galeni*, in 13. methodi, vbi dicit phrenetidem & Lytargiam affectus esse ferè contrarios specie, ideo concludunt ex necessitate esse in eodem genere: præterea, obijciunt materiam quotidianæ febris, & Lytargiæ eandem esse, attamen non dicitur febris frigidus affectus. Aliqui etiam sunt, sicut inter alios Donatus qui è Galeno colligit, lytargiam aliquando esse cum inflammatione, & aliquando sine inflammatione.

Locus vbi
generaliter.

Generatur Lytargia in cerebro solummodo ab humore pituitoso, testibus Trall. Paulo, & Gal. Cap. 13. et 14. lib. 4. de causis pulsuum Commen. Aphor. 30. sect. 3. com. lib. 1. prophet.

in

De Aegritudinibus capitis.

in hoc enim morbo cerebrum tanquam spongia Arcul. contra
ma defacitur.

Duplicia sunt signa, demonstratiua & progno- Signa.
sticatiua.

Præostendunt verò morbum futurum dolor Prog.
vehemens cronicus e materia phlegmatica; longi-
tudo et profunditas somni, hebetatio sensuum cum
continuo quasi tinnitu aurium, vertigo perseverans
per essentiam genita.

Demonstrant verò morbum præsentem hæc
quæ sequuntur.

Infirmus resupinus iacet in lecto sicut truncus,
vt inquit *Rhasis*, et non omninò sine voce; quia
aliquando interrogati respondent, (præsertim in
debili lytargia) cum respiratione rara & debili, &
æquali (cum febre tamen lenta) quia nocumentū
huius morbi sequitur magis oppressionem virtutis,
quàm impressionem materiæ in virtute, iacet eti-
am ægrotus cum pulsu magno, raro & vndoso: at
postea raro, exiguo et obscuro, quia virtus frangi-
tur: attamen *Gal.* 1. de causis pulsum: et 4. de
præfag. ex pul. ait, quod pulsus lethargicorum, &
peripneumoniacorum, aut iidem, aut similes sunt:
præterea frequenter oscitant ægroti propter multi-
tudinem vaporum multiplic. ad musculos, et sunt
maximè obliuiosi, et sæpe supprimitur vrina, et a-
liquando alius tum propter obliuionē, tum prop-
ter imbecilitatē musculi sphinct. Et vt concludā, vt
vmbra corpus ita obliuio litargiam consequitur.

Si musculi non obediunt deglutioni vt cibum Signa mortis.
recipiant.

De Aegritudinibus capitis.

Si accidentia sint vehementia cum magno tremore & multo sudore, maiore ex parte est mortalis, quia sudor inducit defectum virium.

Signa salutis.

Si patiens aliquam habeat memoriam et facilem anhelitum, si aliquid per nares emungetur, si in suis motibus sit agilis, si post septimum protrahatur morbus, teste *Hipocrate*.

Curatio.

Fingamus nunc aliquem laborare lytargia, qui auxilium postulat: Inprimis collocarem in domo lucida, (ita tamen ut lumen non offenderet oculos) ne prohiberet apertionem eorum: deinde prescribere acriorem clysterem, ex lib. i. decoctionis, calamenti fluuiialis, origani, asari, saluiae, centaurij, bethonicae, roris marini et stechados, in aqua imponerem hyerae diacolocinthidos ʒvj. seminis cartami, ʒβ. olei rutae ʒiij. salis ʒi. mellis rosati ʒiij. vel si viderem aegrotum non potuisse diutius retinere clysterem, subtraherem salem & mel, ut fieret minus stimulans: deinde venam pro viribus secarem: & hic medicandi methodus cohaeret cum *Gal. 13. therapeutic.* et cum *Auicenna* et *Rhasi*, primo continentis: et quanquam aliqui forsan obijcient Mesuem nullam mentionem facere de phlebotomia, et Serapionem plurimas condiciones ponere: attamen in hac sententia cum antedictis authoribus inhæreo, nempe plebotomiam propter duo convenire, scilicet quia euacuatione facta, membra fiunt auara, unde vapores ad inferiora diuertuntur, neque tam velociter ad caput evaporant, et aliqua portio pituitosae materiae morbi euacuatur, ad propositum, enemate dato, et vena secta, frequen-

Math.

frequenter irritarem deglutionem, instillando aliquid iucundum cum vasculo angusti oris, & ad somnum arcend. quantum possem commouerem eos ad iram, et rixam, cum clamoribus, frictionibus, dolorificis ligaturis, pilorum euultione, aliquando e temporibus, aliquando e barbis, (si viri essent) aliquando e capitibus, vtererque suffitibus e castorio funiculo lucernario extincto, galbano, pulegio in aceto macerato, et similibus: aliquando tamen somnum per horam vnam vel alteram concedens ad virtutis conseruationem, interea nutrire m ptissana Auenæ, & pro potu aquam hordei, cum decoctione hisopi, vel aquam mellis, quam in oribus eorum infunderem, declinante vero morbo, cum vitellis ouorum, & modico piperis, vel similibus reficerem, ad ciendum autem aluum quotidie, aut vterer clysteribus, vel suppositorijs longitudinis duorum communium, confectis ex hyere simpl. Galeni 3j. pulpe colocinthid. interioris 3ij. scammoniae 3i. cartami & centaurij minoris, ana 3ij, salis gemmae, 3ij. liquefiat hyera simplex qua liquefacta superaspargantur pulueres specierum dictarum: euigilata autem virtute post duos aut tres dies, 3i. castorei, cum 3j. scammoniae darem: deinde sternutatorijs vterer et in maxima necessitate cucurbitulas in occipitio figerem, cum multa flamma et sinapismo e caricis, et sinapi, cum aceto macerato praerasis capillis vterer: praeterea frontem oxirhodino cum castoreo dissoluto oblinirem, vt caput roborarem ne vltius reciperet

De Aegritudinibus capitis.

reciperet, et receptos extenuaret, et quotidie medicamentum nostrum e vitriolo propinandum darem.

Si verò contingeret lotij retentio, applicarem sequens vel simile medicamentum calidum pectini & perineo: R. rad. raphani, apij, ana ʒj. pariet. maluae altheae, ana pug. j. contusis adde olei anethini, butiri, ana ʒiʒ. olei de scorpionibus, ʒʒ. misce.

Anno Domini 1590. accersitus fui cuidam seruo generosissimi viri, cognomine Lunsford: qui de repente praecedente nocte in lytargiam inciderat, quem cum bene animadueteram, et adstantibus eminens periculum praedixeram, venam medianam dextram aperui (valde enim plethoricus erat, et ʒio. sanguinis extraxi, interpolitis vero tribus horis, alteram in sinistro brachio incidi, & rutam ex aceto maceratam naribus applicui, & ea nocte sine vlllo alio auxilio conualuit.

Anno Domini 1593. generosa quadam sexagint. annorum, mater vxoris meae charissimae, laborans febri pituitosa, in lytargiam notham incidit, ita vt omnes crederent eam morituram, cui accersitus in hunc modum succurrebam.

Inprimis dedi antimonium meum ad secessum praeparatum, cum duobus coclearibus vini, et magno cum labore deglutire aegrotam coegi, quod intra septem horas operabatur ad minus vigesies, ipsa toto tempore sicut mortua iacente, pluribus mulieribus adstantibus, ciuilitatis causa et ad abstergendam eam, & etiam omnibus modis quibus potuerunt ad euigilandam: circa horam quartam

tam vespertinam, desijt medicamentum vlteriùs operari, ipsa tamen vt antea iacente, circa horam quintam 3j. mithridati cum 3ß. castorei in vino ei propinandam dedi, et varios suffitus naribus toto hoc tempore applicare continuebam: hora octaua eiusdem nocti conualescere incæpit, & bono regimine in victu obseruato, pristinam sanitatem recuperabat, et adhuc incolumis viuit.

De Coma & Cataphora.

Quia Coma seu Cataphora, et *Caros* exquisita, neque ratione subiecti, nec ratione formæ, nec ratione causæ efficientis, differunt a lytargia, nisi secundum magis & minus, ideo non libet particulatim de illis scribere, sed solummodo aliquot signa differentiæ gratia proponere.

Lytargia exquisita præcedit febrem, febris verò præcedit *Caron*.

Lytargia vera semper morbus per se, *Caros*, aliquando Symptoma, vt in exacerbationibus febrium, morbi comitialis, & aliorum.

De Apoplexia.

Apoplexia quæ ab antiquis Sideratio appellatur, et ab aliquibus morbus attonitus: est affectio cerebri, (teste *Paulo* libro tertio, capitulo 18.) in quo omnes partes corporis simul, et sensum, & motum amittunt: (teste etiam *Gal.* libro tertio,

Cor. Cel. cap.
26. lib. 3.

De Aegritudinibus capitis.

et 4. de locis affectis, & libro de differentiis simpt. cap. 3:) respiratione tantummodo excepta, ut patet per eundem commentarium, aphorif. 42. secundi lib.

Causa.

Immediata causa huius morbi, est priuatio descensionis virtutis animatae, siue spiritus animalis, ad inferiora.

Materia.

Apoplexiæ vero materia, (teste Gal libro de cur. per venæ sectionem, capit. septimo,) vel sanguis, qui redundans non egreditur vase, sed vehementer replet venas medias inter cor & cerebrum: vel pituita, ob multitudinem acervata, non solum in ventriculis cerebri, sed in ipso cerebri corpore: ut in libro 4. de locis affectis patet, nec non 2. de causis simpt. cap. ult. & 3. de locis affect. cap. 7. & per Aetium cap. de apoplexia.

Vel melancholia, ut aphorif. 56, libro 6. demonstratur.

Signa.

Duplicia sunt signa, quædam enim prænuntiant morbum futurum, quemadmodum capitis dolor, venarum ingularum eleuatio, æger motus, stridor dentium inter dormiendum, & multa alia copiosissimè per *Paulum* libro tertio, cap. 18. et per *Matheum de Gradi*, cap. 4. primæ partis de ægritudinibus cerebri descripta.

Quædam quæ demonstrant morbum præsentem, ut exempli gratia.

Apoplectici iacent sine sensu & motu, cum stertore, et sine somno, seruantes colorem naturalem, in hac differentes ab his qui syncope siue vteri præfocatione laborant, quorum facies cadauerosi, apparent

apparent, præterea nihil sentiunt apoplectici, cum pungantur, neq; mouent, in quo differunt a lethargicis, qui quamuis non loquantur, attamen & sentiunt et seiplos mouebunt si pungantur, & hoc verissimum esse experus sum, duos enim apoplecticos vidi in manibus aliorum medicorum, (scilicet) vnum in tutela Domini *Shurri* medici gallici, et alterum in manibus Domini *Landwar* Germani, ambo autem moriebantur.

Apoplexiam fortem soluere, nulla facultas potest, debilem vero difficile, imò difficilimum, propter læsam respirationem, nequit enim facultas ferri per nervos & musculos thoracis, quapropter his musculis motu priuatis, intercipitur respiratio, vnde soluitur temperamentum cordis, fortem autem nominamus apoplexiam, vbi vehementer læditur respiratio, & è quorum oribus egreditur spuma, sed si qui euadant in diuturnum morbum resolutionis aliquarum partium, aut totius corporis, aut violatæ rationis incidunt.

Cels. cap. 27.
lib. 3.

Ne sepelientur apoplectici, nisi post tres dies naturales, multi enim illam ægritudinem recuperant, & fiunt paralitici, tres autem dies constituent medici anteaquam ad ecclesiam portentur, quia in eo tempore omnes humores cursum suum explent, vnde aut intra illud tempus, aut nunquam erit aliqua agitatio, qua cognosci potest num viuit apoplecticus nec ne, & ad vltiorem probationem hortatur *Gal.* parum bombacis carpinati ad os & nares apoplectici teneri, ab aliquo manū tremulam

Curatio.

De Aegritudinibus capitis.

non habente, aliqui etiam ponunt ciathum aqua plenum super pectus ægroti discoopertum, ut videant an aliquid aquæ effusum sit per lacertos pectoris mouentes, aliqui iubent speculum bene tersum et politum ad os et nares apponi, ut videant num aliquo modo alterabitur.

Venæ sectio.

Venam secandam esse in hoc morbo consentiunt omnes, aut enim occidit, aut liberat, (teste *Cor. Celso*) vix enim aliud curationis genus sanitatem restituit, sed de qua vena accipietur sanguis contendunt medici: aliqui enim è saphena in malleolo, & venis remotioribus inciperent, aliqui e media frontis vena, aliqui è venis sub lingua, aliqui è iugularibus, aliqui, è brachio, (sed saluo meliori iudicio) ego ipse illorū opinionē approbo, qui hortantur, imprimis cephalicā aperire, quia nisi cito euacuetur sanguis, morietur homo, postea verò sex horis interpositis iugulares secare non improbo, (cautè tamen) superponendo medicamentum è pilis leporis, aloë, thure, et albumine ouorum, qui enim (ut inquit *Alexander*,) circa caput aliquid moliri cogitat, priusquam totum corpus &c. copiosiorē materiā ad locum affectū attrahit. Quoad quantitatem sanguinis referenda est ad iudicium medici, qui bene animaduertere debet, num sanguis peccet ut causa principalis, vel causa adiuvans.

Vena verò secta, aut iniciendus est clyster, ut in lytargia dicitur, aut suppositorium longitudinis 5. vel 6. digitorū, caputq; deradendū est, et emplastrū e castorij, euphorbij, ana ʒi. trium piperum, sulphuris, nucis moschatæ, anacardi, seminis vriticæ, ana

ana 3 j. fimi columbini, 3iij. pulu. & incoporentur cum ficibus vel terebinthina, addendo olei petrolei, vel de piperibus, antè autem applicationem huius sinapismi, calfaciendum est caput caute (capillis prius præ rasis) cum ferro candente, ob panniculos, & inungendum cum oleo rutaceo & de castoreo, addendo parum spiritus vini, deinde apponenda sunt naribus fortissima odora-menta è ruta, castoreo, galbano, & similibus, vnà cum strictis ligaturis partiũ inferiorũ, sternutatoria verò non sunt imperanda, nisi post vniuersales euacuationes, sed ventosæ cum scarificatione super nucham appositæ in sanguinea apoplexia magni sunt emolumenti: quoad victum si levis sit apoplexia, sit attenuatoria, vt in lethargia: & hoc notandum est vinum non propinandum esse, quamquam morbus in longum proteletur.

De Phrenitide.

Quòd phrenitis sit morbus periculosissimus (testib. Gal. 1. prognosticorum, & Trall. lib. primo cap. 13.) omnibus est in confesso, vnde autem constitutatur (vt inquit Trall. & quo affectu laborante cerebro, & quæ curatio conueniat, de hoc omnes dissentiunt: ego autem Gal. sequutus vnà cum eo phrenitidem in hunc modum defino. Phrenitis est continua dementia quã sequitur febris, cum tumore calido memingum, (qui necessario est in phrenitide) cui connectitur læsio ingens facultatis cerebri, dependens à materiali intèperie calida.

Gal. 2. de causis sympr. lib. 1. de morb. vulgarib. li. 1. prior rhet. lib. 4. de prælag. expul.

De aegritudinibus capitis.

Materia.

Phrenitidis materia dicitur bilis, sed obijciat aliquis *Hipocrat.* & in aliquibus locis *Gal.* & *Paul.* & multos alios enumerare sanguinem, inter causas materiales huius morbi.

Donat, Rond.

Respondeo *Gal.* bilem solummodo enumerare, cum de exquisitissima phrenitide scribat ut tit. 3. lib. 1. prorrheticorum manifestè patet, de qua acutissima phrenitide locutus etiam est 3. lib. de morbis vulgaribus ubi fatetur omnes intra septimum mortuos esse, qui primo statim die febricitarunt: ubi autem aut ipse *Gal.* vel aliqui alij de exquisita phrenitide (sed non exacte) scripserunt, de sanguine mentionem fecerunt. Sunt autem è recentioribus qui in hunc modum respondent, scilicet *Hipocratem* locutum esse de bili naturali, quæ nihil aliud est, quam sanguis tenuior, cum dixerit deliria cum risu securiora esse, qui à sanguinis exuperantia fiunt.

Bilis.

Quatuor autem sunt species bilis, è quibus progignitur phrenitis. Pallida (teste *Gal.* cap. 7. lib. 3. de locis affect.) quæ nihil aliud est quam flava bilis permixta cum maiore quantitate serosa, unde conflatur morbus mitior.

*Gal lib. 1.
de simpl. m.
dic. facult.*

Vel flava bilis, separata à serositate, unde vehementior fit morbus.

Vel æruginosa, quæ minus prava est quam atra.

Vel flava præassata, it est atra, unde vehementissimi morbi.

Vigiliæ

Vigiliae immoderatae,
Somni turbulenti & ali-
quando obliuio aliquan-
do dolor occipitis.

Temeritas in respon-
dendo. Signa futuri
phrenitidis.

Spiratio rara & magna
pulsus parvus & ner-
uosus.

Continuum delirium cum
febre acuta.

Vigiliae immoderatae.

Sitis non multa quamuis
maxima sit causa quia mens
aegrotat.

Respiratio magna Signa presen-
tis morbi,
& rara, teste Gal. ca.

3. li. 2. de different.
respir. in quo loco
rationem reddit.

Pulsus parui, duri
crebri, celeres &
nonnihil undosi.

Si à sanguine laborent aegroti cum risu deli-
rant, & cum oculorum remissa rubedine. Signa peculi.

Si à flaua bile, cum ferocia & oculorum flauitie.

Si à bile æruginosa siue atra, ferocissimi sunt
aegroti & tanquam ferini.

Quoad victum & curationem : fingamus ali-
quem corpore caruoso & plethorico, auxilium
nostrum postulantem, quia phreneticus.

In primis circa aerem intendendus est ani-
mus, (nempe) vt sit temperatus, nam vt insigni-
ter calidus in hieme fugiendus est, vt qui calidita-
tem, & inflammationem augere possit, neque ta-
men in ætate insigniter frigidus aptus illi &
utilis est, vt qui materiam concentret meatus
cutemque densando obstruat, quo fit vt prohi-
bita distensione, caput magis exæstuet.

Hoc

De Ægritudinibus capitis.

Hoc facto, curandum est, ut cubiculum sit sine picturis, aut rerum varietate, que animum mouere possint, & ut nulli præter familiares cubili ingredi-antur, neq; hi nimis frequenter: vtrum verò in luce, aut in loco obscuro continendus sit ægrotus, è natura phrenitici conijcere debemus: Si enim lux varias & vanas imagines illi suggerat, vel quæ in luce sunt extimescat, in loco obscuro collocandus est, sin tenebras horreat, è contra, sin nullum sit discrimen, respiciendi sunt vires, imbecilliores enim in obscuro continendi sunt: cubiculo in hunc modum præparato, curarem ut ægrotus quàm læuissimè contrectaretur, & in lecto suo detineretur, per famulos si diues esset, aut per vincula si pauperrimus, inordinatus enim motus. Si quid aliud vires prostermit, & somnum impedit, teste *Gall.* commento aphor. 28. secundi libri, pedes etiam reuulsionis gratia confringerem: quoad cibum autem, quam moderate me gererem, ut enim repletio eum magis insanare faceret, ita inedia vires debilitaret, darem igitur præsanam pro cibo vel cremorem Auenæ, pro potu autem concederem aquam hordei, cum sirupo violarum, vel de succo limonum, vel cum succo malorum punicorum acidorum, aliquando etiam vinum tenue album concederem, si antea consuetus fuerit bibere, his omnibus in hunc modum constitutis venam audacter secarem tanquam omnium primum & maxime futurum remedium: & quanquam aliqua sit controuersia de vena in hoc morbo aperienda, ego tamen (quia corpus plethoricum) medianam aperirem, & euacuationis

Paul Trall.

cuationis et reuultionis gratia, si enim in principio venam capitalem tunderem, in maiori quantitate sanguinem ad locum attraherem. Si autem plethoricus non fuisset, cephalicam aperueram, vel venam in frontis imo, & in quo virtus non permittit venæ sectionem, cucurbitulas brachijs siue inferioribus partibus secundum intentionem euacuandi affigerem: vtrum autem in initio sufficiens sanguis capiendus sit, nec ne, sub iudice lis est: sed in hoc ægroto, sufficientem quantitatem detraherem, sequutus *Gal.* lib. 4. de causis pulsuum, & quia virtus cito succumbit, atq; ideo retardatio periculosa est, & quia molestum est sæpius detrahere, quanquam *Ætius* aliud hortetur vnà cum *Paulo* & *Areteo*, sed horum opiniones locum tenent in imbecillis non fortibus & carnosus: Detracto autem sanguine, aluum Clystere euacuarem confecto è decoctione quatuor emollientium, hordei, capitum papaueris, betæ albæ, & similibus additis cassia, diacatholicone, electuario lenitiuo, melle violaceo, oleo violaceo, & parum salis, & quamuis *Avicenna* proponat scammonium attamen miscet cum sero lactis prunis tamarind, manna, cassia, & similibus, euacuatione in hunc modum facta caput madefacerem cum oxirrhodino, ne nimis calefactum liberalius humores attraheret, in quo intingerem pannos lineos, & anteriori parti capitis applicarem in æstate frigidos, in hieme calidos, & cum calefieri incipiant, amoueri faciam: aliqui sequuti, *Gal.* 13. lib. method. hortantur cucurbitulas magnas capiti admouere, cum scarificatione,

I

De Aegritudinibus capitis.

Scarificatione, superâ futur coronalem aliqui verti-
ci, sed quomodo cucurbitula his partibus adherere
potest nō bene cōcipio, sed quia in hoc morbo vi-
giliae multū infestāt, ideo darem grana quatuor an-
tedicti nostri medicamenti, quod felicissime (si
quid aliud) somnum prouocat, sed qui hoc pa-
ratum non habent vtantur 3 1. Philonij Romani,
vel granis nouem specierum philonij, vel 3 2. Dia-
codij cum aqua lactucae 3 2. vel applicetur vn-
guentum recens populeonis ad somnum fronti
& temporibus: his factis si vllō modo possem in-
tro darem aliquod medicamentum purgans, ex
manna, diacatholicone, & sirupo rosarum solu-
tuo.

De Paraphrenitide.

Paraphrenitis est delirium symptomaticum in
statu siue vigore febris accidens in quo differt à
phrenitide cessatq; cessante vehementia febris.

Causa.

Acres vapores ad caput eleuati ob inflamatio-
nem alicuius membri nempe pulmonum dia-
phragmatis & similium.

Signa.

Vigiliae delirium.

Cura.

Omnes medici consentiunt venam non esse se-
candam quia virtus debilis, sed somnum prouo-
candum esse suaui aliquo medicamento vel topico
aliquo externo, vt in phrenitide dictum est.

Historia.

Vltimo die Aprilis anno domini 1590. accer-
tus fui cum altero medicinae professore cuidam
generoso cognomine Fuller qui per duos dies na-
turales

turales ratione febris ardentissimæ paraphreniticus fuit, cuius venæ & arteriæ vniuersim tremebant, concilium cepimus de morbo, tetigimus pulsum, urinā inspeximus cum alijs circumstantijs. Ego autem quid de ægroto putarem adstantibus dixi, ægrotum scilicet in magno discrimine vitæ periclitari, & ratione morbi acutissimi & ratione ætatis & virium (sexaginta enim ferè annorum erat) neque aliquid esse præter venæ sectionem in quo considerem, aliter verò nihil faciendum esse affirmavit, & multo minus venam secandam esse sed præbitero relinquendum, atque ex pulsu intermittente mortem ea nocte aduenturam prædixit, & in hac opinione confirmatus discessit: dum hæc agebantur, & reuocans in memoriam pulsus intermittentes in pueris & senibus non semper prælagire ineuitabilem mortem, & bene percipiens, per mollitiem pulsus, & plethoriā corporis, & alias circumstantias, naturam potius grauari ex plenitudine, & imbecillitatem virium oriri priuatiuè per suffocationem, quam positiuè ex defectu naturalis caloris, dextri brachij basilicā circa horam quartam à meridie aperui, & 37. sanguinis extraxi, & ante solis ortum proximo die ad se redijt, & conualuit, & adhuc superstes viuit.

Sit cibus hordei cremor, vel ius macri pulli alteratum cum refrigerantibus: sit potus aqua hordei, cum sirupo acetositis citri, siue de succo limonum, neque detur ægroto potus frigidus, sed tepidus, si morbus oriatur ex inflammatione diaphragmatis.

Vitus ratio.

De Ægritudinibus capitis.

Si verò alius sit adstrictus, detur clister emol-
liens.

De Incubo.

Causæ 3.

Incubus dicitur ab incubando, estq; imagina-
tio suffocationis, cum oppressione, exclamandi im-
potentia, vocis priuatione, aut inani vociferatione
nihil significante: prima causa crapula, siue cibi
plenitudo in stomacho quo repleti comprimi-
tur diaphragma, vnde vapores clauduntur in
spiritualibus, è quibus comprimitur cor, è cuius
compressione, per communitatem totum com-
primi videtur.

Secunda causa somnus super satietatem cibi,
vnde tempore somni, retinentur vapores, qui tem-
pore vigiliæ resoluuntur.

Causa imme-

Tertia causa, dormitio resupina, (teste *Auicenna*)
Aliqui (sed falso) existimant, dæmonem in aere
existentem, imprimere aliquam qualitatem mali-
tiosam in membra patientis, vnde fiunt impoten-
tes ad aliquid agendum. Repletio ventriculorum
cerebri cum vaporibus crassis, facultates per ner-
uos transire prohibentibus, dicitur immediata cau-
sa huius morbi.

Sympt.

Suffocationis imaginatio, grauitas, immobili-
tas, vocis priuatio, vel inanis vociferatio.

Causæ reple-
tionis.

Repletio autem ventriculo-
rum cerebri, accidit duplicem
ob causam,

{ Internam,
{ Externam.

Ab

Ab interna, vt a sanguine, pituita, siue melancholia.

Ab externa, vt a frigore ingenti in somno, e quo incrassantur & concentrantur vapores, nec efflari possunt.

Est malum non negligendum, quia (testibus *Prog.* *Auicenna*, *Rhasi*, multisq, alijs) est antecessor epilepsiæ melancholiæ, siue apoplexiæ.

Sit dieta tenuis et flatus expers, sit cæna præcipuè bræuis, et cum oriatur a sanguine detrahentur carnes, vinum, et omnia quæ copiosum sanguinem generant. In materia verò pituitosa, minoretur cibi quantitas, vinum autem in parua quantitate concedi potest. *Viētus.*

In materia melancholica regatur patiens, prout postea in capitulo de melancholia dicetur.

In materia sanguinea, venæ sectio in cubito sufficiet, aliqui autem saphenas aperire suadent, sed nunc dierum explosa est hæc opinio. In alijs autem causis, purgentur ægroti hyera Pachij, vel Rufi, vel Archigenis, vel pilulis cochijs, aut de lapide lazuli, prout causa postulet. *Medic. ratio.*
Rhasis.
Auicenna.

De Melancholia.

Per hoc vocabulum intelligo delirium melancholicum, coniunctum cum timore, & mæstitia.

Melancholia est corrupta imaginatio, cum timore et tristitia absq; febre, (*Actuarius* tamen lib. i. method. medend. addit hoc aduerbium ferè, qua *Melancholiæ descriptio.*

De Aegritudinibus capitis.

si aliquando cum febre viderat.

Materia,

Non vnus humor melancholiæ parens, sed plures, (teste *Tral.* lib. i. cap. 17.)

Causa efficiens.

Caligo quædam rationali animæ parti circumfusa, vnde oritur timor: melancholicus enim (teste *Gal.* libro secundo de causis symptomatum, & libro de vsu respirationis, & libro quinto de locis affectis: vnâ cum *Ætio* tetra. secunda, sermone secundo:) causam timoris secum in corpore circumfert, ratione coloris atræ bilis, qui rationem obumbrans, timorem efficit, haud secus quam magnæ & profundæ tenebræ externæ pueros terrent.

Progignitur vero hic morbus dupliciter, scilicet per primarium capitis affectum, et per sympathiam.

Si per primarium affectum, tunc fit aut propter mistionem alicuius materiæ melancholicæ cum spiritu animali, aut eiusmodi qualitate in reticulari plexu cerebri suscepta, vnde proficiscitur tenebrositas.

Aut per propriam substantiam spiritus animalis, (teste *Ætio*, si bene intelligatur) nempe vel vbi gignitur spiritus nutritiuus, tenebrosus ratione victus, aut iecoris calidioris, et habitus atrabilarij, vnde fit vitalis, in corde eiusdem qualitatis, et ex vitali tenebroso in caput delato, procreatur spiritus animalis tenebrosus.

Vel vbi probus gignitur sanguis in hepate, è quo cor discrasiatum, progignit spiritum vitalem tenebrosum, vnde spiritus animalis non dissimilis oritur,

oritur: nocumentum enim cordis semper associat
nocumentum crebri, teste *Auicenna*.

Cor verò distemperatur, vel ex aere, vel ex mor-
bo, vt in febribus pestilentibus, vel per compactionē
ratione cerebri quod vel præ nimio calore exæstu-
ans, auget calorem cordis, vnde cor nimis calidum
resoluit portiones diaphanas, & reddit sanguinem
opacum, vel præ nimia intemperie frigida cerebri
corde nimis refrigerato, exprimuntur partes lumi-
nosæ, vnde redditur spiritus vitalis tenebrosus, &
in hunc modum dicuntur vigiliæ, solitudines,
et mæstitia, procreare melancholiam, nempe
quia refrigerant cerebrum, & cor secundari-
o.

*Gal. cap. 7. lib.
7. de locis
affectis. aphor.
23. sect. 6.*

Si per sympathiam proueniat melancholia, tunc
vel per consensum ventriculi, vel hepatis, (vt antea
dicitur) vel lienis, vel venarum meseraicarum, vel
uteri.

Si ventriculi vitio, tunc fit consortij lege, melan-
cholia enim non potest impartiri ab inferioribus
partibus, quin ob stomachi supernum afficiatur.

Trinc.

Si vitio hepatis, tunc fit ob intemperiem.

Si vitio lienis, tunc aut quia frigidior non attra-
hit, aut quia obstructus seu in tumorem adauctus,
non suscipit, aut propter debilitatem non expel-
lit.

Si ratione meseraicarum, tunc aut quia ob-
struuntur, aut nimis incalescunt, vnde sanguis
crassior redditur, qui venas obstruit, et chilum
prohibet, qui cum genitus in ventriculo, rapiendus
sit ad iecur, retinetur, corrumpitur et in flatus vertitur,
vnde

De ægritudinibus capitis.

vide vapores &c.

Si vitio matricis, tunc ob menstruorum retentionem accidit.

Signa communia.

Timor, Tristitia, Desipientia, falsæ suspiciones, amicorum auersio, &c.

Signa peculiar.

Qui per primarium affectum capitis laborat, semper cogitabundus est, continuo descipiens, sine vilo errore in victu commissio, attamen si a permissio-
ne materiæ melancholicæ, vel vaporis alicuius cum spiritibus animalibus oriatur malum, mitiora erunt symptomata, si ratione propriæ substantiæ ipsius spiritus animalis, sæuiores erunt: deindeq;
cogitandum est num ratione totius corporis fiat, vel ratione cordis, quod facilius diiudicatur per habitum atrabilarium, gracilitatem naturalem, aut acquisitam corporis nigritiam, siue hispiditatem, venas amplas, et plenas sanguine atro, aut per complexionem naturalem, siue accidentalem, quam maximè sumitura pulsu.

Qui verò per sympathiam ventriculi ægrotat, non perpetuo delirat, sed augetur & diminuitur morbus, prout bene vel male se habeat stomachus, teste *Gal. 2. de differentiis febrium circa finem.*

Gal. 3. de natur. facul. & 6. de locis affectis,

Si vitio lienis quia non attrahit, orietur icteritia nigra, vel ad minus lividitas seu plumbeitas coloris, viuidus enim color peribit.

Si propter obstructionem, percipietur tensio, dolor, grauitas, regurgitabitq; succus melancholicus in stomachum, unde debilem reddet stomachum reprimendo calorem naturalem, à quo perficitur
concoctio

concoctio, & hoc facilius fit, (teste *Gal. 6. de usu partium*) quia parua pars succi melancholici naturaliter fluit ad os stomachi, quæ corrugando, et irritando, non refrigerando famem excitat.

Si propter tumorem, siue scirrhum, turgebit hypochondrium sinistrum, vnà cum indicijs scirrhi.

Si propter debilem expulsionem, deficiet appetentia, vnà cum tumore et dolore.

Si vitio meleraicarum, et mesenterij, increfcenti malo, sentitur murmur, augetur abdomen, erumpent multi crepitus per inferius et superius, ructus, acidi, cruditates, æstus circa præcordia, & hypochondrium sinistrum, sputa plurima, tenuia, aliquando fæces liquidiores, nisi nimia caliditas exliccet humiditatem fæcum, vel a flatibus adstringatur aluus, vt sæpe fit, testibus *Mont. Cons. 237. et Trinc. 35.* aliquando etiam vertigines et maiori ex parte dolor post cibum assumptum.

Priusquam de medicamentis mentionem faciamus, pauca necessariò sunt notanda.

Curandi.
methodus.

In primis necessarium est priusquam corpora soluentibus medicamentis euacuemus, lenitium aliquod præponere.

Deinde in præparando corpus, aut euacuando, semper a leuioribus incipere, lenitiuo verò dato venam secare, corpore autem expurgato, et per venæ sectionem, et per secessum, balneum imperare ieiuno stomacho, vel saltem concoctione expleta, et toti corpori adhibendum esse, sed præcipuè primario membro, vt exempli gratia, si melancholicus per essentiam ipsius capitis laboret,

K

circa

De Aegritudinibus capitis.

circa caput per spongas administrandum est: præterea, in materia melancholica vitio iccoris calidioris, semper admiscenda sunt frigida soluentibus, ut serum lactis cum epithimo.

Si vitio lienis, calida soluentibus, ut mulsæ cum epithimo, & in recenti morbo, potius leuiora medicamenta sunt sæpius exhibenda, quàm fortiora, testib. *Gal.* lib. ad *Glanc.* & *Ætio*, ne tum modico calore: tum a remotis partibus attractione augeatur morbus.

Prognost.
Mont. Conf.
26.

Melancholia sub præcordijs difficillimè curatur per primarium autem affectum capitis totaliter nõ extirpatur: *Gal.* tamen 3. de locis affectis gloriatur se usu balnei et pilulis rufi aliquos curasse.

Curatio.

Circa venæ sectionem multum dissentiunt medici, *Gal.* enim *Paulus*, *Oribasius*, et omnes ferè antiqui, proponunt venæ sectionem, in ne vlla specie melancholiæ, præterquam in ea, quæ oritur per consensum totius corporis: imò *Orib.* affirmat, non opus esse sanguinis missione, ea sola excepta: vnde *Gal.* ad probationem melancholiæ, iubet phlebotomiam fieri, & sanguinem inspiciendum esse, & si sanguis niger et ater exeat, ut in atrabilario habitu solitus est effluere, permittendum esse, sin minus suppressendum. Recentiores verò, venæ sectionem in qualibet specie approbant, quam opinionem approbare videtur *Alexander*, et huic opinioni egomet subscribo. Si sanguis igitur iuxta cerebrum solummodo melancholicus existat, in medio frontis vena secanda est, si sanguis ratione totius habitus peccet, in cubito. In melancholia verò hypocondriaca in poplite,

poplit. vel hemorrid. Si sanguis offendat, et ratione hepatis, et cerebri, & in cubito, et in fronte vena secanda est, respectu virium, non coloris, siue prauitatis sanguinis habito, nam quamuis sanguis sit nigerrimus, & concretus, qualis amurca, attamen est naturæ prædium, et alimentum.

Proponamus igitur exercitij gratia, aliquem ex primario cerebri affectu melancholicum, auxilium petentem, in quo sanguis solummodo circa cerebrum peccat. In primis præmisso lenitiuo, ex 3 i. c. diacatholiconis, venam in medio frontis secarem, deinde victum humidum boni succi, et flatus expentem præscriberem, deinde vterer pro ternis vicibus potione ex sirupo de pomis, de succo buglossi, et de bethonica, cum aqua melissæ, postea euacuarem cum 3 i. ellebori nigri, more chimico extracti, in 3vj. iuris macri pulli, deinde vterer balneis toto corpori, et etiam capiti, cum spongijs, præarsis etiam capillis, quotidie post balneum oblinirem caput cum oleo amigdalarum dulcium, & violarum, nitererq; omnibus modis occasionem omnem tristitiæ, metus, et sollicitudinis auferre, & efficerem, ut pro diuersa deprauatæ imaginationis specie, ab eadem reuocaretur, aut persuadendo, aut aliquid agendo, quæ affatim mutationem efficere possit: exemplo *Tralliani & Philodoti*, et aliorum medicorum, qui cum videbant melancholicum quendam imaginare caput proprium amputatum fuisse, imposito repente capiti ipsius plumbeo pileo gravitatem sentiens melancholicus caput se recepisset rursus gaudius est, et mulierem quæ serpentem deuorasse se putabat, dato vomitu, anguem extinctum in vas, in quo euomit, posue-

De agnitionibus capitis.

posuerunt, quem videns mulier, putauit se reie-
cisse et a vana illa imaginatione liberata fuit, interea
dum hæc aguntur, somnum prouocarem, exhi-
ben do quantitatem nucis magnæ hora somni se-
quentis electuarij.

Rx sacchari rosarum ʒij.

philonij optimi ʒiʒ.

specierum diarrodon.

aromatici rosarum ana. ʒij. cum sirupo de
papauere fiat electuarium.

Confortarem etiam cor et cerebrum, cum dia-
musco dulci et amaro electuario de gemmis, &
confectione de hiacinto: notandum autem est
in his compositionibus, gemmas et alios lapides
pretiosos dissoluendos esse secundum artem.

Si vero afficiatur cerebrum ratione cordis, alte-
retur cor ad contrarias qualitates, appropriatis al-
terantibus, vt exempli gratia, si complexio sit mul-
tum calida, cum sirupo de succo limonum, vel si-
milibus: si sit nimis frigida, cum extractione cro-
ci, vel similibus, vt optimè demonstrat *Auicenna* in
capitulo de viribus cordis.

Proponamus nunc aliū melancholicū ex toto ha-
bitu, qui sanitatis recuperandæ causa me accersit.

In primis præordinato regimine victus, vt postea
diceretur, exhiberem ʒj. electuarij lenitiui, cum ʒij.
specierum hyeræ simplicis Galeni; hoc facto, venā
in cubito secarē, secundum tolerantiam ægroti: dein-
ceps sequentē potionē (prout opus fuerit) pluribus
vicibus exhiberē, Rx. sirupi de succo fumarie et de
pomis, ana ʒj. sirupi de corticibus citri et ex
infusione rosarum, ana ʒʒ. cum ʒiij. aquæ bu-
glossi

buglossi: fiat potio post quam exhibeatur talis purgatio. R. florū cordialiū, lupulorum, fumariæ ana, q β hordei mundi 3 1. senæ, 3 3. epithimi 3 2. vuarum passarum detractis nucleis, 3 β prunas numero 3. Fiat decoctio in cuius colaturæ, 3 4. dissolue mannæ, 3 2. sirupi Augustini, 3 2. vel sine his diasenæ siue confectionis hamech 3 β. Huius classis medicamentis iterum atq; iterum (vrgente necessitate) vtere, & in rebelliori morbo, veratro antedicto, & pilulis ab alexandro, de lapide armeno multum laudatis: corpore nunc purgato exquisitè balnea pro ægroto meo pararems & electuaria lætificantia: & in hac antedicta methodo vnà cum dicta sequenti spem salutis collocarem.

Fingamus nunc tertium Melancholicum, ex hypocondrijs laborantem, auxilium postulantem.

Huic imprimis lenitium vt antea darem, postea, venam in cruribus siue in mallcolis aperirem, duplicem ob causam, prima quia ex obstructionibus fit inflammatio præsens vel futura, deinde quia sanguis subsistit hepate atq; ideo venæ inferiores sunt aperiendæ, aliàs sanguis probus euacuetur, & malus sursum traheretur, vbi intentio nostraplanè contraria est: hoc facto, ad præparandum corpus, ordinarem potiones ex sirupo de cichorio *Nicholai*, sirupo bisantino completo, de fumaria, & de pomis, cum sero caprino per cocturam separato (aceto scilicet imposito) deinceps purgarem corpus, in hunc, vel similem modum. R. confectionis 3 β. sirupi rosarum solutiu. 3 3. aquæ

De Aegritudinibus capitis.

Aecius Paul.

boraginis q. sufficit, vel & confectionis hamech, 3 β, foliorum senæ, epithimi ana, 3 i. fiat bolus. Purgato autem corpore absinthij decoctum assidue præberem, vnà cum vrinam mouentibus, deinceps exterius fouerem hypocondria, cum decoctione chamomillæ, maluæ, altheæ, & similium, & apponerem cataplasma sinistro hypocondrio, confectum ex oleo, in quo incoquantur ruta, anethum, serpillum, absinthium, artemisia, pulegium, & baccæ siue tenera folia lauri, aliquando etiam omissa antedicto cataplasmate, vterer vnguento Narenio, & locum lana amplissima, & pelle aguina, contegerem, imo aliquando ad euacuandos flatus, inanib. cucurbitulis vterer, nec nō sinapismo Aetij vtrū verò sequeretur Aetium & Paulum, in exhibitione coclearis vnius acris aceti post cibum quotidie, dubito, quia *Hipoc.* 3. de ratione victus affirmat, acetū prodesse biliosis, officere autem melancholicis, vnde Fernellius acetū, frænum bilis vocat, vitam verò melancholiæ: ego potius darem secundum decretum Oribasij lib. 8. sinapis, acetum mistum cum polipodio, vel similibus, & in fine darem medicamentum ex limatura chalibis præparata.

Dieta generalis.

Sit aer temperatus & crebro mutetur.

Sit moderatus vsus veneris, (non mediocriter enim cōfert, teste *Areteo*) prouocetut lætitia omnibus modis quibus fieri potest, dormiatq; ægrotus quantum vllō modo potest (somnus enim humectat caput, & curat melancholiam) vtetur melācholicus bis in septimana brodio pulli, in quo incoquantur radices polipodij, petroselini, liqueritiæ, borago,

rago, & buglofsū, diebus interpositis, vtetur iure ex carne pulli, malua, spinicia, blito, borag. et passulis.

Ne nimis ad ignem appropinquet capite, habeat beneficium alui quotidie, aut arte, aut natura, bibat vinum tenue mediocriter, fit panis fermentatus cum paruo anisi, abstineat à carne bouina, vel castratorum, ab auibus aquaticis, à carne porcina, & generaliter à piscibus (quamuis aliquādo passerulae, mulli, soleae, & id genus piscium concedi possunt) à caseo antiquo, pastilibus, lacticijs, placentis omnibus, leguminibus, omnibus oleribus siue acetarijs, except. lactuca, borag. buglossa, calend. spinacia, lupulis, asparago, ceterach. capparib. vel cichorio.

De vera Paralysi.

Paralisis est necessario & sensus, & motus amissio, in aliqua parte humani corporis: quanquam enim *Gal. lib. 3. de locis affectis* commemoret, motum solum aliquando auferri, attamen in eodem loco de imperfecta loquitur, vbi vero in eodem loco, & in primo de causis simpt. cap. 5. sensum & motum aliquando auferri affirmat, de perfecta mentionem facit.

*Actius, Orib.
Paul. Trall.
Arnal. Rond.*

Paralisis vero efficiens causa, est frustratio facultatis motricis.

*Causa efficiens
Actius tetr. 2.
serm. cap. 28.*

Materia verò, vel sanguis, dum aut multitudine obstruit, vel humiditate spiritus extinguit, aut consopit, vel flaua bilis, si Fernelio credamus, quod tamen credendum non est: vel pituita, crassa transitum spirituum obstruens, sunt tamen
qui

De Aegritudinibus capitis.

Rond.

qui putant pituitam alio modo generare paralysim, scilicet quia nervos madefacit. Ego verò Trinc. assentior, qui magna (in meo iudicio) ratione adductus, constanter affirmat, nervos ex humore absorpto madefactos, in latum potius augeri, & ita conuelli quia detrahitur de eorum longitudine, vel melancholia, fluxum spirituum impediens, aliter enim fieri non potest ut sit causa, cum ex sua natura sicca existens, potius induraret, quam emolliret nervos.

Vel intemperies calida aut sicca, testib. *Ætio*, & *Alexandro* contra verò *Avicenna*, & *Gal.* lib. de locis affect.

Ratio,

Non numeratur autem calida intemperies inter causas (prout illis visum est) quia non aduersatur radios spirituum animalium, nec calidum insitum ipsius musculi.

Vel frigida intemperies, refrigerat enim musculos, ut non possit admittere facultatem: ut exempli gratia, accidit illis qui diu sedent super lapides frigidos, vel diutius morantur in aquis, ut *Gal.* denotat, (sed saluis eorum opinionibus, bis dum ipse medicinam exercui, duos paraliticos factos fuisse, ex hac occasione vidi (nempe) quia cum calidissimi fuere, sine respectu se ipsos refrigerauerunt, atque ideo concludo, calorem in his fuisse, vel causam adiuuantem, vel sine qua non (scilicet) quia calor tum fuit pituitosos humores, & ad fluxum paratiores reddidit, tum poros aperiendo magis paratos effecit, quo facilius materia morbifica, ad nervos peruaderet, non aliter quā vinum dicitur generare paralysim.

Vel

Vel paucitas spirituum, vel strictura brachij
siue alterius membri, vel ictus siue casus (scilicet)
per cōpressionē, vel vulnus per continui solutionē.

Immobilitas, sensus sopitus, nec caliditatem, nec ^{Signa com-}
frigiditatem, nec aliquem vellicantem, siue scal- ^{munia.}
pentem, percipiens.

Si à sanguine oriatur morbus, aut adest signum ^{Si gna pecul.}
inflammationis, vel abundantiae sanguinis, vniuer-
sim in corpore.

Si à pituita, habitus corporis aut pinguis est,
aut praecessit victus pituitosior, aut supprimitur
aliqua solita euacuatio, aut praecessit multa desi-
dia, (& vt vno verbo dicam) aderunt signa pro-
pria pituitae

Si à melancholia, aderunt propria melancholiae
signa.

Si ab intemperie frigida, praecessit aliqua cau-
sa refrigerans.

Si à paucitate spirituum, tunc praecessit aut im-
moderatum ieiunium, aut immoderatae vigiliae,
aut immoderatus coitus.

Si à membri alicuius constrictu, satis patebit, &
membrum inferius paraliticabitur.

Si ab ictu, casu, dislocatione, siue vulnere, satis
apparet.

Quot modis fit paralisis.

Fit aut ex cerebro.

Aut ex principio spinalis medullae siue nuchae.

Aut ex dextra, siue sinistra parte nuchae.

L

Aut

De Aegritudinibus capitis.

Aut ex aliquibus nervis particularibus inde procedentibus & exortis, resolutis aut in musculo, aut extra musculum.

Signa

Si vitium sit in cerebro, impartitur morbus faciei, siue partibus eius.

Si in principio spinalis medullæ impartitur malum partibus infra collum.

Si ex dextra siue sinistra parte nuchæ, post principium erit vniuersa paralisis dextræ, siue sinistræ partis, sub collo, vt enim cerebrum diuiditur per miringani, ita nucha per panniculum medium, transeuntem per eam intra spondiles.

Si vitium sit in particulari aliquo nervo, sequitur resolutio illius particulæ cui nervus inseruit.

Vtrum in musculo, siue extra musculum resoluitur nervus, per applicationem remedij iudicabitur, si enim in musculo sit vitium, medicamentum applicatum parti resolutæ iuuat, sin extra musculum, contrâ.

Quoad particularem cognitionem, bræuitati indulgens, refero lectorem ad *Alexand. Paulum, Aetium*, & ex recentioribus *Rondeletium* qui de particularibus copiosissimè scribunt.

Prognost.

Si ex vulnere & solutione continui, siue ex luxatis vertebra, vel vehementi compressione, vel ex ictu, maiori ex parte immedicabile malum est.

Si ex viscida & crassa materia obstruente, difficile curatur.

Curatio.

In primis, si vitium sit, primariò in cerebro, vt quâdo facies siue aliqua faciei particula resoluitur, secundû decretum *Aetij* tetra. 3. sermo. 2. aperienda

est vena è brachio opposita, sed minor sanguinis quantitas detrahenda est, quam res postulat, quia morbus frigidus est, & nervi per quietem refrigerantur, ideo nō sunt refrigerandi per venæ sectionē.

Sed obijciat forsan aliquis, cur igitur in pituitosa causa hortaris venæ sectionem? vel cur potius non veras detractionem sanguinis? Obiectio.

Respondeo, venæ sectionem conuenire etiam in causā pituitosa, quamuis in minore quantitate quā in sanguinea, duas ob causas.

In primis, quia detrahitur aliqua portio pituitosi sanguinis, vnde alleuiatur natura.

Deinde, quia cum coacti simus medicinis calidis, & exsiccantib. vti, tutius operari possumus sine timore liquefactionis: secta autem vena, purgandus est ægrotus, pilulis coch. foetidis vel simil. vt & interdum agarico, electuario Indi maioris, diaphænic. & similibus. Deinceps præparandū est corpus in hunc vel similem modū. R. florum bethonicae, primulae veris stæchados saluiæ ana 33. florū borag. buglossi ana, p. β. cichorei, chamepit. fumarix, ana, p. i. senæ orient. 39. aquæ q. β. bulleāt ad 39. pro tribus vicibus: huius accipe vna vice 33. sirupi rosati solutiui cū agarico, 31 β. fiat potio, hac potione tribus vicibus propinata, iterū euacuandū est corpus cum antedictis medicamentis, sanguisq; mittendus est, e venis sub lingua, vt *Alexāder* nobis decretū reliquit, li. i. c. 16. deinde de inungendus est locus cū oleis de costo, euphor. piper. castoreo vulpino, vel vnguētis ex his præparatis addito vnguento, Areg. & spiritu vini in quo per aliquot dies sequentia

De agritudinibus capitis.

infusa fuere, scilicet salvia, iua arthetica, cubebæ, chamepithis, flores rorismarini, & caro scillæ, & lauetur etiam locus, cum hac infusione circum circa, priusquam obliniatur, deinde applicandum est aliquod vesicatorium, prout pars requirat, nec inconueniens est, sed multum conducibile, ante applicationem vnguenti suffumigio è pirite vti, siue è lapide molari, asperso aceto medicato, cum antedictis: aliquando etiam ad exiccationem cerebri, optimo cum successu recipitur sequens suffumigium. R. Gum hederæ, nigellæ torrefact.

Rond.

ana, 3 2. mastici, thuris, mirrhæ, cubebarum ana, 3 6. benjobin, storac. florum anthos, stæcados ana, 3 1. β. macis, gariophyllorum ana, 3 1. pulueris entur grosso modo: fiat suffumigium. Et memor sum circa annum domini 1588. dominum Archloe virum sane ob doctrinam dignum memoratu vnà cum reuerēdissimo domino doctore Langhton, per antedictam methodum curasse *Nicholaum Saunders* armigerum, qui resolutionem genæ vnà cum labro suo passus est.

Historia.

Si verò vitium orizatur in spinæ medulla, tunc præcedenti euacuatione, & venæ sectione, adhibenda sunt topica ad nucham, vnà cum balneis naturalibus (si fieri possit) bituminosis, sulphureis, & nitrosis: sunt tamen qui probant salsa, & aluminosa, quæ tamen meo iudicio ob constrictionem non sunt adhibenda, nisi in declinatione.

Arnal.

Si verò vitiū ab aliquo neruo proficiscatur, tunc ex anatomia cognoscendus est locus, & corpore (vt antea

antea dicitur) exquisite euacuato, adhibenda sunt medicamenta membro primario affecto, siue sit in musculo, siue extra musculum, vt exemplum reliquit nobis Gal.

Medicamenti descriptio perutilis ad paralysim:
R. galbani lib. β. gummi hederæ ʒiij. ol. lauri ʒi. terebinth. lib. i. distillantur more balsami.

Multum etiam proderit stupha sicca more Rond. parata.

Quoad dietam, sit prorsus attenuatoria, nihil viscosi habens, et præcipue è siccis cibis, sitq; potus modicus, et aliquantulum medicatus, nempe roris mar. saluia vel similibus, sitimq; ferant ægroti, quantum vilo modo possunt, neq; bibent ægri vinum, nisi propter morbi diuturnitatem, aut consuetudinem, si non medicatum & coctum, vt antea dicitur de potu, quod in eundem modum sæpius dandum est, prout *Arnaldo* visum est, neque contrariatur *Arnaldus Cornel.* *Cels.* cum dicat vini vsum periculosum esse, quia vnus de vino simplici, alter de vino decocto loquitur: sit aer calidus & siccus, & prouocetur aliquando ira, vel furor, imo & febris, in processu temporis, qui bene inducitur (teste *Mesue*) cum quantitate 4. gran. confectionis anacardinae sumpta, nec minus confert fricare linguam cum antedicta confectione vbi deprauatur sermo, teste *Math. grad.*

Dieta.

Simile Gal.
com. aph. 5.
lib. 6.

De Conuulsione.

Conuulsio est constrictio neruorum, et lacer-
torū,

De agritudinibus capitis.

torum, præter naturam, et citra voluntatem.

Cause effic.

Musculi qui inuoluntarie mouentur, contracti a neruis, dicuntur causæ efficient.

Conuulsio duplex. { Exquifita,
 { Notha.

Exquisita (de qua loquutus est Gal. libro 8. *κατα τον 8* & *Hipocr.* aphor. 39. sect. 5. *Paul.* verò libro tertio de re medica, cap. 19. *Ætius* autem tetra. 2. sermo. 2. et cap. 28.) contingit vel ex plenitudine, vt exempli gratia, vel e sanguine ob inflammationem, vel apostema, teste *Gal.* 2. de causis sympt. et lib. 2. com. in primum epidemiorum.

Vel e pituita, vt patet per aphor, 26. sect. 6.

Vel a melancholia, sed rarius.

Signa exquis.
paral.

Si aliquis fanus de repente conuellatur.

Vel si ab initio morbi aut non multò post, testib.
Gal. Paul. Orib. Ætio et multis alijs ex plenitudine
 morbum oriri conijciendum est.

Si post multos sudores, vomitus, alui excretiones, aut sanguinis eruptiones, aut vigilias immoderatas, aut famem, aut vehemētes motus, vel febres ardentes, quispiam conuellatur, ex inanitione conuelli putandum est.

Causæ nothæ
paral.

Vel flatus, de quo loquitur *Gal. li. 2. de causis simpt.*
implens musculos, non nervos.

Vel humor biliosus erodens os ventriculi, & afficiens nervos, de quo loquitur *Gal. 12. method. & 5. de locis affect.*

Vel aliqua qualitas mordicans, vt si quis piper
comedisset

comedisset, de quo locutus est *Gal.* libro septimo, secund. loc. et lib. de compositione medicamentorum.

Vel aura venenosa, ut ab ictu phalangij, teste *Gal.* lib. 3. de locis affect. & *Mont. Cons.* 50.

Vel lumbrici, testibus *Gal.* & *Paulo*, lib. 4. de re medica.

Vel assumptio veratri albi, testibus *Gal.* 12. meth. comment. aph. 2. sect. 5. & *Ætio* tetra. 2. sermo 2.

Vel vulnus, teste *Hipocrate*.

Vel punctura neruorum, et musculorum, teste *Areteo*.

Vel vapores e matrice, teste *Trinc.* libro 3. consiliorum.

Vel frigus, (teste *Areteo*) quot autem modis frigus inducere potest conuultionem, dilucidè patet 9. methodi, & com. aphor. 13. sect. 6. & 12. methodi et in diuersis alijs locis, quos de industria ut superfluum omitto.

Vel vehemens ictus ceruicis.

Vel laborius, teste *Areteo*.

Conuultiones e vulnere læthales, *Hipo.*

Conuultiones è siccitate, maiori ex parte læthales, ut *Paulo*, *Ætio* & *Gal.* aph. 26. sect. 2. aph. 57. sect. 4. visum est: quomodo autem distinguitur siccitas, patet per *Gal.* lib. de palpit. & capit. ult. 12. method. Prog.

Conuultiones a materia venenata, periculosissimæ.

Spasmus è repletione, superuenienti febre liberatur, teste *Hipoc.* 57. aphor. 4. lib.

Quia

De Ægritudinibus capitis.

Victus ratio.

Quia (vt inquit *Gal.* libro de accidentibus) febris calida et sicca consumit mollitiem neruorum, sit victus, vt in antecedenti capitulo demonstratur.

Curatio.

Si a sanguine oriatur conuultio, vel ratione apostematis, vel ratione inflammationis, vt exempli gratia in Phlegmone, in primis aperienda est vena, iteratis tamen vicibus non aceruatim, propter subitam corporis refrigerationem, & virium dissolutionem, deinde euacuandum est corpus, topicaq; adhibenda, prout conditio morbi & temporis postulet.

Si verò a pituita profiscatur morbus, & mitior sit, incipiendum est a leuioribus, vt pilulis cochij, aut pilulis hyeræ, cum agarico: deinde aggredienda est concoctio, et præparatio humoris ad expulsionem, sicut in præcedenti capitulo copiosissimè enarratur.

Si verò vehementior sit morbus, vtendum est extremis remedijs, (teste *Hippocrat.*) vt pilulis è colocinthide, et quæ è lacrimis parantur, et in humidis corporibus dieta e china vel sarfa, vt sæpe expertus sum, vnà cum balneis naturalibus, sulphureis & aluminosis, vel balneis artificialibus, ex aqua calida, in qua fænugræcum decoquitur, cum folijs rutæ, saluiæ, chamomillæ, meliloti, sambuci, et similibus. Deinde inungenda sunt loca conuulsa, vnguentis Arag. martiat. vel sæcibus olei liliorum, vulpini, sicionij compositi, tegendaquæ sunt circum circa pelle vulpina, vel lana carpinata, & feruentur extensa; (quoad fieri potest) vsque ad perfectam

perfectam restitutionem.

Anno Domini 1592. ad generosam quandam, vxorem *Thomæ Hodgson*, quæ per longum tempus laborauerat ischyadico dolore, & per spatium quatuor vel quinq; mensiū, ratione conuultionis nervorum & ligamentorum non potuit vllō modo extendere sinistrum genu, vnde media pars tibiæ, (sura dicta) macrescere, et protinus emaciari incepit, mulier autem ipsa, præ dolore tabescere incepit, et tanta fuit eius imbecillitas, vt nulla nisi leuissima medicamenta ferre potuit. Quoad habitum corporis, quamuis vniuersi corporis temperamentum fuerit adeò insigniter siccum, cum toto tamen non consentiebant viscera omnia. Nam ventriculus præ frigore languidior, et crudior fuit: iecur tamen (mea sententia) adeò calidū & siccum, vt exureret sanguinem, cerebrum verò vna cum capite frigidum, & humidum. Hanc autem Dei ope & auxilio per sequentem modum ad perfectam sanitatem intra quadraginta dies restitui, et adhuc sana superstes viuit.

In primis purgaui, cum 3i. pulueris Montag. alternis diebus, per spatium septimanæ, quā dabam hora quarta a meridie, viz. per horā ante leuē cœnam, neq; dormitum iuit ante decimam eiusdem noctis, intra quod tempus plenè operabatur medicamentū his diebus præteritis, vsus sum balneo artificiali, ex antedictis, vnā cum vnguēto Paracelsi, ex pinguedine taxi, vulpis abiectis fibris, oleo de spica, de mastiche, et spiritu vini; septem diebus cum hoc vnguento transactis, dietam e salsa-perilla, sed minus

M

strictē

Historia

De agritudinibus capitis.

strictè, per spatium quatuordecim dierum dedi, durante quo tempore, solitus eram bis indies, mēbrum conuulsum, vt antea balneare, et emplastrum Fernelij è gummo pini, pice nigra, cera, axungia, thure, hermodactilis, radice iridis, sulphure viuo et oleo irino applicare, et toto tempore membrum pro viribus extensum seruare, et bis in septimana durante dieta, et postea ad finem morbi vsq; manna et sirupo solutiuo cum agarico vel similibus eam leniter purgare.

Sed redeamus ad propositum, et videamus antiquorum medicorum curam, in conuultionibus ex inanitione.

Si solida nerui substantia absumetur, lethalis est teste *Gal.* lib, de palpit.

Si verò ex imminutione roridæ vel propriæ humiditatis, non prorsus insanabilis est, quamuis rarius curatur, præsertim si succedat febris, phrenitidi, vel largæ sanguinis euacuationi, et in hac conuultionis specie, conueniunt balnea temperata vel tepida ex aqua dulci, lacte et oleo cum additione herbarum refrigerantium, et inungenda sunt loca conuulsa vnà cum nucha et spina dorsi, cum oleo violarum, amigdalârũ dulcium, & liliorum, cum lacte mulieris, mucilagine seminis psillij, &c. intra verò administrentur, quæ humiditatem restaurant vt carnes testudinum, cancrorum fluuiatilum in lacte coctorum, et generaliter quæ heceticis prosunt.

Si ex flatibus conuellatur aliquod membrum, fricandus est locus fortissimè, et inungendus vnguento

guento martiaton, Aregon, oleo costiuo, vel de castoreo, et (si necessarium sit euacuandum est corpus et theraica siue mithridatū siue diagalanga intro sumend. & interdicenda sunt omnia legumina, omnia cruda & omnia flatulenta.

Curatio No-
thæ.

Si verò ob morsum ventriculi fiat conuultio: bene faciet vomitus (teste *Gal.* 12. methodi, capitulo ultimo, in quo loco affirmat se curasse adolescentem simili conuultione correptum) post vomitum verò abluendus est stomachus iure maricri pulli.

Si ob vermes accidat conuultio, occidantur cum amaris et expellantur.

Si a puncto nervo, dilatetur vulnus (si necesse sit) et applicetur implastrum fodicationis cum gummis, si hoc non sufficiat, nec dolor compesci possit, secetur nervus.

Si ab assumpto veratro albo, tunc fit aut ob eximiam inanitionem: aut vehementem attractionem, aut ob ventriculi affectum.

Si ab inanitione, desperandum est, attamen ad constringendam vehementiam administrare possumus 3i. theriacæ, vel succum absinthij, & soporiferis inducere somnum, somnus enim (teste *Arnaldo*) cohibet omnes euacuationes præter sudorem: ligare etiam extrema et cucurbitulas hypocondrijs et dorso admouere cum magna flamma sine scarificatione, vnà cum calidis frictionibus multū conducet.

Si verò ob vehementem attractionem oriatur morbus, bibendum est mellicratum copiosum,

De Ægritudinibus capitis.

cum ruta, solet enim obtundere et leuare dolorem: membra verò extra fricanda sunt, cum oleo cicionio (id est è cucumere agresti) cum castoreo.

Si ex alicuius venenatæ feræ ictu excitetur conuultio, vincula superioribus partibus iniecta conferent: teste *Gal. 3.* de locis affectis cap. 7. nec non cucurbit. super partem læsam affixæ, aut saltem medicamenta quæ exterius venenum attrahant vnà cum alexapharmacis interiùs administrand. quorum copiosissimam siluam apud *Paul. lib. 5. & Ætium lib. 13.* inuenies: ideò superfluum hoc in loco repetere.

Si verò e frigore conuelletur aliquis, per medicamenta in æquali gradu calfacientia, et per balnea, et frictiones sanabitur.

De Tremore.

Tremor est motus inuoluntarius alicuius membri sursum et deorsum.

Generatur autem ab imbecillitate neruorum vt testatur senectus.

Tremor duplex { Morbosus,
& non morbosus.

Morbosus, vt in decrepitis contingit (scilicet a cerebro plus iusto frigidior.

Vel ab abundantia frigidorū et viscosorum humorū, qui propter obstructionē impediunt spiritus quo

Paul. lib. 5. de
remedia cap.
21.
Gal. 3. et 4. de
tremore.

quo minus facultas strenuè membrum mouere potest ab paucitatem.

Vel ratione morborum præcedentium, quorum occasione facultas alimentum idoneum conficere nequit.

Vel à frequenti contactu argenti viui, vt aurificis solet accidere.

Vel à venere immodica, vt in ijs qui nimio coitu vtuntur.

Vel à copiosiore vini potu, vt in multi-bibis quotidie videmus.

Vel à suppressa euacuatione, vt contigit ancillæ cui in puerperio sanguis non fluxit, teste *Hippocrate*.

Vel à vaporibus à matrice. prodeuntibus, tamen menstruis, teste *Trinc.* lib. 3. consiliorum, in quo libro recitat historiam cuiusdam matronæ ob eandem causam tremantis.

Non morbosus, vt à vehementi frigore exterioris aeris.

Vel ab intempestiuo potu in febribus.

Vel à fumigatione seminis hyosciami, & papaueris, teste *Rondeletio*.

Vel ab humore vehemente qualitate prædita, (teste *Gal.* aphor. 26. lib. 6.) vnde fiunt tremores in febribus ardentibus, scilicet quoniam biliosi humores ad nervos transfluunt.

Vel ab ira vehemente.

Vel à repentino, & ingenti timore.

Vel ab onere plus iusto grauiore.

Vel è vehementi, & repentino gaudio.

De Aegritudinibus capitis.

Tremor in senibus non curatur, & propter insignem frigiditatem, & propter dignitatem cerebri affecti : (& ut vno verbo dicam) tremor morbosus difficillimè in aliquo curatur.

Qui ob crassorum ac viscosorum humorum copiam tremunt, in principio purgandi sunt, in hunc vel similem modum. R. pilular. coch. foetid. ana. ʒ 2. extract. agarici gran. 8. formentur pilulae ʒ 5. capiend. post primum somnum cum custodia. Deinde præparandum est corpus, ut exempli gratia. R. sirupi de stæch. oximellis simpl. ana, ʒ 1. β. aquarum bethonicae, salviae, millefol. ana, ʒ 3. (vel in mulieribus) maiorani, & matricariae, fiat iulep. aromatizat. cum ʒ 1. pliris cum mosco, pro duob. diebus : corpore autem euacuato, iterum atq; iterum, secundum iudicium praesentis medici, corroborandum & exsiccandum est cerebrum, non solum cum lixiuijs calfacientibus, sed etiam electuarijs insequentem, vel similem modum confec. R. florum rorismarini, salviae, primulae veris, cerebri leporis, conseruae acori ana, ʒ 1. pulueris diagalang ʒ 1. β, castorei ʒ β. sirupi de stæchados, q. β. Inungenda etiam est nucha, una cum partibus tremulis, cum oleo vulpino de castoreo, & ficionio. Qui verò ratione morborum praecedentium, hoc morbo corripuntur, hos nutrire oportet, ut spiritus copiosius generentur.

Rond.

Qui verò ob frequentem contactum argenti viui tremunt, hos calidis oleis inungere conuenit ut exempli gratia. R. schænant. spicae, calarom. ciper. nucis moschat. ana, ʒ 1. hermodact. satir. ana,

ana 3 β. succi saluæ, 3 3. olei de castor. 3 3. misce sine cera.

Si ab immodico coitu: non curantur, nisi à venere abstineant.

Si à copiosiore vini vsu, non curatur.

St. à supressa euacuatione, siue à vaporibus à matrice, difficillimè curatur, tentare tamen possumus per aperientia, & apertionem saphenarum v. nà cum vapores reprimantibus: hætenus de tremore morbo.

Non morbosus autem citò remouetur remota causa, iuxta illud: tolle causam tollitur effectus.

De narium hæmorrhagia.

Hæmorrhagia narium, est eruptio sanguinis è naribus, acciditque, aut ratione sanguinis, aut ratione virtutis, aut ratione instrumenti. Gal. lib. 3. de causis symp.

Ratione sanguinis, aut propter quantitatem, aut propter malam qualitatem.

Ratione virtutis, aut criticè, aut symptomaticè.

Ratione instrumenti, (videlicet) aut propter raritatem, rupturam, seu erosionem.

Ratione sanguinis, propter quantitatem, vt præ copia.

Ratione sanguinis propter qualitatem, vt propter tenuitatem, aquositatem, vel acredinem.

Ratione virtutis, id est, aut critice, aut symptomaticè.

Si

De agritudinibus capitis.

Si criticè, tunc salutaris est motus naturæ, leuiterq; fertur omnibus præcedentibus simpt. cessantibus.

Si sympomaticè, tunc ægrè fertur fluxus & concomitatur pulsus deficiens, quia natura non potest regulare materiam.

Vel ratione instrumenti, vt cum tunicæ venarum nimis humidæ existentes, rariores euadunt, vnde sanguis tenuior egreditur: aut cum venæ, præ abundantia sanguinis rumpuntur, aut præ acredine eroduntur, aut à sanguine flatuoso, vel aliqua alia re contundente, incidente, vel similibus, aperiuntur.

Locus vnde.

Aut fluit sanguis è venis narium, aut è venis siue arterijs cerebri,

Signa.

Si à venis narium effluat, facile supprimitur, & causæ procatarcticæ præcedentes dilucidè vitium explanant, vt si aliquid antea in naribus impositum fit, quod ex proprietate, vel aliter, sanguinem cumpere coegit: vt exempli gratia millefol. penna vel similia.

Si à venis cerebri, omnia sunt planè contraria, nihil enim impositum fuit, quod sanguinis fluxum irritaret.

Vtrum verò à vena an ex arteria distillat sanguis, per colorem sanguinis diiudicandum est, scilicet quia sanguis venalis ad rubedinem nigricantem tendit, sanguis verò arterialis, præterquam magno cum impetu effluit, ad flauitiem & tenuitatem etiam tendet.

Curatio.

Si sanguis criticè fluat, supprimendus non est, nisi

nisi immodicè fluat id est ad manifestum virtutis casum.

Si symptomaticè, diuertendus est, & per venæ sectionem, & per cucurbitulas, & per dolorificas ligaturas, vt exempli gratia, si symptomaticè fluat præ copia, in magna quantitate detrahendus est sanguis, sin minus, parcius euacuandus est, & paruo cum orificio, & repetitis vicibus, & è mediana eiusdem lateris, vnà cum cucurbitulis in eundem modum hypocondrijs applicandis, quæ omnia aguntur ad diuersionem tantummodo.

Si propter tenuitatem resudet sanguis, euacuandi sunt serosi humores, & victus incrassans imperādus, vt sanguis crassior euadat. Vt exempli gratia: R. feri lactis lib. ꝑ in qua infunde foliorum semæ 3 3. brassicæ marinæ, 3 2. bulliant ad medietatem & colentur, colaturæ adde elect. de succo rosarum 3 ꝑ. sirupi rosati solutiui ex multiplici infusione rosarum 3 i. ꝑ. fiat potio.

Corporè à recrementis libero, imperandi sunt, sirupi incrassantes, vt sirup. violarum, de nenuph. de sorbis, de rhybis, de barberis, & simil. cum aquis frigidis: victusq; incrassans instituendus, ex amilo parato in decoctione pedum veruecis, vel hordeo mundato, siue cremore ptisanæ, confect. cum aqua rosarum, sacch. amigdal. & gum. tragagant.

Si propter acredinem erodat sanguis, purgetur patiens cum decoctione mirabilanorum, sebest. tamarind. rhab. cum toto, & sirupo
N rosarum

De aggritudinibus capitis.

rosarum solutiuo. Quoad topica, siue externa medicamenta, necessario sunt applicanda fronti, temporibus, & circa collum. Remedij externi formula.

Rx. Boli armeni. ʒ 1. gipſi ʒ β. cretæ, vitrioli ʒ 3. sanguinis draconis ʒ 2. terræ sigillatæ ʒ β. incorporantur omnia puluerisata insimul in mortario cum aceto, & albuminibus ouorum.

Hoc circa frontem, tempora, & venas singulares applicatum probatissimum est remedium.

Sunt qui circa collum corallum iaspidem, siue ambram append.

Actius,

Aliqui succum asinini stercoreis recentis, cum porri succo, & aceto narib. imponi laudant.

Aliqui idem stercus vstum insufflare iubent.

Aliqui ægroti testiculos in aceto frigido tenere hortantur.

Aliqua cucurbitulam occipiti affigere, pro magno secreto habent.

Aliqui frigidissimum lapidem super nucham deponere vtilissimum esse affirmant.

Aliqui rutam contritam naribus imponi eximie extollunt.

Aliqui bombacem, in sanguineum colorem tinctum, ratione lapidis hematitis, super porphiriū triti, cum succo sanguinariæ, quousq; vertatur in rubrū colorem, in quo madefaciunt anted. bomb. & naribus imponi pro mirabili collaudant, præcipue, si prædictus succus quoq; in naribus attrahatur.

Aliqui

Aliqui etiam volunt, ut subitus timor ægrotis incutiat.

Aliqui, ut oculos clausos teneant, neq; loquantur, aut maxillas moueant. *Ætius* consulit, aures ægroti cera obturare, sed quam ob causam hoc consulit *Gal.* ab eo enim decerpit *Ætius*, vel quomodo prodesse potest, non intelligo, nisi *Rond.* 269. forte (ut *Rondelet.* indicat) quod sinus primus ramorum venarum, & secundus duræ meningæ, per quos potissimum cerebrum sanguinem recipit, comprimantur, ex quo obstruantur, & sanguinis consequentia quædam retineatur.

Aliqui aquam frigidissimam cisternæ in ore retinere subindeque renouare iubent, unde constringuntur venæ internæ oris, & per consequens alia. *Gal.* lib. 1. de paratu facilibus.

Anno Domini 1584. mercator quidam Londinensis, cognomine Fursland, in declinatione febris ardentis, maximè de vita periclitabatur, sanguis enim è naribus erumpens, suppressi in longum tempus non potuit. *Historia.*

Accersiti fuerunt in consilium multi venerabiles medici huius ciuitatis, (quorum nomina reuerentiæ gratia reticebo) qui multa methodicè, & doctissimè, at frustra, administrarunt: quam enim multa ab illis applicata fuerunt, attamen ægrotus prostratis planè viribus à die lunæ in diem veneris, maiore ex parte nocte, dièq; sanguinem effudit, dummodo vnus inter omnes alios

De Aegritudinibus capitis.

acceritus per applicationē antedict. medicament.
è bolo, &c. super frontem & tempora, & circa col-
lum & omoplatas sanguinem restrinxit, & quia vi-
debat imbecillitatem aegroti, maximam esse pro
potu vinum rubrum cum aqua rosata, cinamomo,
& tragagant. dilutum, & coctum concessit: pro cibo
verò sorbitiones cū gemmis, & corallis præparatis
imperavit & ea nocte pilulam vnam ex speciebus
aromatici rosarum hora somni dedit, & ita con-
ualuit aegrotus, & adhuc viuit: & ab eo tempore
in multos alios expertus sum antedictum medica-
mentum, magno cum honore.

Hoc autem notandum est, vinum conceden-
dum non esse, nisi summa imbecilitas urgeat, atque
tunc diluere oportet.

De Catarrho.

Per Catarrhum, intelligo omnem materiam
excrementitiā, è cerebro ad subiectas partes de-
cendentem.

Catarrhi.
descrip.

Catarrhus igitur, est excrementum copiosius
quàm natura particulæ requirat, genitus ex læsa
actione facultatis concoctricis: vnde *Arnaldus*
catarrhum appellat ruinam & motum inordina-
tum humorum.

causa eff.

Causa igitur efficiens huius morbi, est imbe-
cillitas concoctricis facultatis cerebri, cui succe-
dit actio expultrix, excrementosam materiam, tan-
quam superuacuum, et noxiam exturbans.

Duplici-

Dupliciter accidit, aut $\left\{ \begin{array}{l} \text{per essentia ipsius membri.} \\ \text{per consensum aliarum} \\ \text{partium.} \end{array} \right.$

Si per essentiam cerebri proueniat; tunc aut præ intemperie calida, aut frigida, aut præ copia.

Si ab intemperie calida, tunc aut quia caput calidius, tanquam ventosa, attrahit maiorem copiam vaporum, & humorum, quam potest concoquere siue regulare, vt faciunt constitutiones calidæ, siue æstus solis.

Aut quia per colliquationem, siue dissolutionem, materiam in subiectas partes expellit et detrudit.

Si verò ab intemperie frigida proficiscatur morbus, tunc fit, vel quia cerebrum non exquisitè concoquit, atq; ideo multum pituitosum excrementum progignit.

Vel quia vapores condensando prohibet evaporationem per futuras.

Vel per compressionem materiam (in capite repleto) in subiectas partes detrudens, non alias quam spongia, quæ manibus compressa aquam exprimit.

Vel ob facultatem retentiuam debilitatam, vt in diarrhea accidit.

Si præ copia accidat morbus, tunc fit, quia natura plus iusto onerata, ad expellendam materiam insurgit, ita enim comparatum est a natura, vt membra nobilia, et robusta, ad ignobilia siue debilia

De Aegritudinibus capitis.

materiam sibi molestant expellant.

Si per consensum inferiorum partium accidat catarrhus nempe ventriculi propter inconcoctionem materiam procreantis, et hepatis propter caliditatem, in vapores materiam transferentis, tunc hisce modis perficitur.

Aut quia ventriculus propter nimiam frigiditatem, malè concoquit, aut propter ingentem caliditatem cibos corrumpit. Refrigeratur verò stomachus, vel propter partes vicinas frigidiores redditas, scilicet iecur, lien, omentum, diaphragma, & musculus abdominis, teste *Gal.*

Aut propter materiam melancholicam, pituitosam, et flatulentam: aut propter frigidiorum cibum, potum & similia.

Aut quia ventriculus propter materiam biliosam, putridam, siue sanguineam, vel calidiorum cibum, potum, vel medicamenta intus assumpta, siue extra applicata calidior redditus alimentum corrumpit.

Dicitur igitur catarrhus aliquando frigidus, aliquando calidus, secundum causarum diuersitatem.

Signa frigidi.

Inspiditas acidi ructus, tardæ concoctiones, & cruditates.

Signa calidi.

Salsedo, ructus indorolenti: salsedo autem necessario sequitur adustionem materię humidę, teste *Arist.* 2 & 5. meteorum.

Nomina
destil.

Quando catarrhus ad nares fluit dicitur cori-
fa.

Quando ad asperam arteriam, bronchus.

Quando ad oculos, epiphora.

Quando

Quando ad os, catarrhus.

Quando ad gurgulionem vna, & sic in reliquis partibus, nomen assumit secundum loci diuersitatem.

Gal. lib. 3. de
simpt caus.
Ætius tetra.
serm. 4.
Prog.

Catarrhi ex frigida intemperie in habitu, non curantur, teste *Hipoc. aph. 40. sect. 2.* in quo loco affirmat catarrhum in valde senibus non maturari.

Catarrhi falsi, sæpius in sputum sanguinis, siue talem terminantur.

Catarrhus ob errorem externum sæpius curatur.

Victus ratio.
Iohannes Da-
masc. similiter

Sed quia in diuturnis affectibus, nihil præstantius, efficacius, siue salubrius est, quam victus ratio, teste *Gal. in lib. de ratione victus*, ideo ab ea exordiar.

Quoad aerem, sit aer æstate temperatè frigidus, in hieme calidus, omnino autem nocturnus aer vitandus est.

Aer.

Fugienda sunt habitacula frigida & humida.

Sit somnus temperatus, replet enim caput somnus immoderatus: surgat igitur ægrotus ante ortum solis neq; dormiat inter prandium et coenam, neq; per tres horas a cæna, sitq; decubitus ad latera, si enim supinus iaceat ægrotus, incalescit vena caua, vnde oriuntur vapores.

Habit.
Somnus.

Sint exercitia placidiora, sed longiora vsque ad manifestam anhelitus mutationem, totiusque corporis calefactionem, ita tamen vt corpus subito post exercitium non alteretur, vt enim immoderatum otium vitandum est, quia calorem natium hebetat, et vires eneruat, ita importunus labor vires corporis dissoluit.

Exercitium.

Matuti-

De Aegritudinibus capitis.

Tempus exercit.

Matutina exercitia ab omnibus laudantur, & per horam ante pastum, vel per tres aut duas ad minus post cibum, (cæna excepta) post quam stare, siue tardè ambulare præstat, præsertim cum catarrhus proueniat ex imbecillitate stomachi frigidi, calor enim in motu extra distrahitur, ad membra exercitata, at digestio melius perficitur, cum calor naturalis circa locum digestionis concentratur.

Tempus cibandi,

Non comedat in aurora, quisquis catarrho laborat, nisi quinque horis à somno elapsis, (aliquid tamen consuetudini concedens,) nihil enim pestilentius est, quam fluctuante nocturno catarrho, ad cibum accedere: sitq; spatium quinque horarum ad minus, inter prandium & cænam: sitque cæna longè parcior in potu quàm in cibo, et sit potus sine lupulis, sitq; minimus vini vsus.

Potus ciborum genera,

Sit cibus simplex omninò eligendus, ex carne animalium iuuenum, assata potius quam elixa: vt exempli gratia, sint carnes castratorum pullulorum, hædorum, vitulorum, leporum iuniorum, cuniculorum, caponum, gallinarum, perdicum, fasianorum, et similium: Palustres autem carnes omnino vitandæ sunt, nec non pisces, paucis exceptis, vitentur etiam omnia legumina, lacticia & pastilia.

Infus. Pauis,

Quoad iuscula aliquando ex vitellis ouorum conquassatis, et iure pulli, addito parum omphacij concedi possunt.

Quoad panem, sit optimè fermentatus, et moderatè coctus, ex seminibus puris, aliter enim difficilis

difficilis erit concoctionis crassum alimentum generans. Fruet.

Quoad fructus, comedantur sine noxa pruna, ceras. vuæ passæ, vel post cibum pira, siue cotonea cocta.

Sit Veneris vsus parcissimus, testibus *Gal. & Aui.* Coitus.
cenna.

Vt lubrica sit aluus, sponte vel natura efficitur, ad Aluus,
quam ciendam, vtendum est ferculis ex beta, mercur. folijs violarum, et similibus.

Ne sit animus circa aliquod intentus cibo in ventriculo existenti, quia vbi animus intentè exercetur Meditat.
calor naturalis ad organa sensuum distrahitur, et ad ipsum cerebrum, sine ipso enim nulla vitæ opera perfici possunt in corpore humano.

Vituperatur ignis immediate cibo, quia ex hoc Ignis.
debilitatur digestio, secundum illud: omne maius trahit ad se minus.

Quoad ornatum, capillos non nutriat. Ornatus.

De particularibus remedijs vnâquamque partem particulariter respicientibus, hic tractare non intendo, sed in aliud tempus differam, donec ordine de affectis illarum partium, (Deo volente) scribam: vniuersalem autem methodum hoc in loco describere animus est: et primò de calido siue falso catarrho. Fingamus igitur aliquem, (vt á superioribus sumamus exordium) caput cerebrūq; calidum & humidum insigniter habentem, vt ex signis sequentibus conijcimus, scilicet quia ingenium habeat promptū et perspicax, oculos magnos, mobiles, somnos autem longiores et profundiores, Curatio.
O multa

De Ægritudinibus capitis.

multaq; excrementa per nares reddit, multasq; sordes per externam cutem : nequit perferre calorem insignem, neq; læditur a nocturno frigore. Venter verò frigidior et humidior habentem ut hisce signis deprehenditur: conqueritur enim se cibum appetere at non sitire, sumptum verò male concoquere : dicitq; se flatibus abundare multasq; crudas humiditates congerere, nec non sæpe ructus nidorosos edere, qui quamvis prima facie appareant symptomata calidioris stomachi, attamen in hoc ægroto à frigidior ventriculo proueniunt, quòd bilis in ventriculū suum à calidior iecore effusa, & cum cibo mixta in nidorem vertitur, neq; aliter fieri potest, cum dilucidè pateat per omnia alia symptomata ventriculum necessariò esse frigidum. Non minus etiam iecur calidissimum et siccum, nam & venarum amplitudo illud ostendit, tum etiam lotia.

Hic generosus auxilium postulat pro catarrho falso, qui ad fauces descendit et aliquando exulcerat: videamus igitur quid agendum.

Primò lenitium aliquod darem, ut exempli gratia. R. electuarij lenitiui ʒ 10. fiat bolus: proximo die basilicam dextri brachij aperirem; (sed hoc notandum est, si corpus exangue siue imbecillum esset, epithema aliquod refrigerans super regionem hepatis sine venæ sectione applicarem) et sanguinem secundum corporis plenitudinem acciperem: hoc facto, corpus huius generosi in hunc modum præpararem: R. sirupi rosarum, de bethonica simplicis, ana ʒi. sirupi de cichor. ʒβ. aquæ boraginis, et

et endiuia, ana ʒiβ. fiat potio.

Hac potione quinquies repetita, hoc vel simili medicamento ægrotum meum purgarem. R. aquæ boraginis et endiuia, ana ʒ iiij. senæ ʒ iij. seminis anisi ʒ β. bulliant ad medietatem, exprimantur, et in expressione, demergantur rhabarb. ʒ iiij. agarici ʒ i. spicæ parum, zinzib. ʒ β. his per noctem maceratis, factaque diligenti colatura, diluantur sirupi rosacei solutiui ʒ iij, confect. hamech. ʒ iβ. fiat potio, capienda cum custodia.

Corpore verò exquisitè purgato, pararem pro ægroto meo mirabolanos, emblicas, & chebulas cōditas quas quotidie ieiuno stomacho acciperet, vel in formam electuarij cum conserua rosarum, boraginis, anthos, et florum bethonica, & corticibus citri conditis, confectis, stomachumque generosi cum oleo mastichino, nardino, absinthino, siue c mētharum aromatibus, oblinirem, vel si emplastrū potius amaret: emplastrum ex carne dactylorum cidoniorū, pane assato et in vino aromatico infuso, cum oleo de absinthio & mastichino conficerem.

Deinde ad exsiccandum caput (ita tamen vt non calefacerem) festinarem: hoc igitur vel simili lixiuio vterer more stillicidij. R. foliorum arid. rosarum, bethonica, quercus, mirti, rubi, salicis, ana, qβ. fiat lixiuium secundum artem.

Si verò patiens noster, præ molestia stillicidiū nostrum recusaret, tunc puluerem aliquem exsiccantem capillis detonsis inspergerem, aut prærasis capillis, priorem capitis partem oleo mastichino inungerem: sed si catarrhus ad pectus siue

De Aegritudinibus capitis.

pulmones copiosius descenderet, in ambabus spatulis fontanellas facerem, & emplastrum aliquod, ad futuram coronalem, et sagittalem adhiberem, imò vesticatoria vel cauteria (magna tamen adhibita diligentia) timorosa enim sunt, et nisi magna urgenti necessitate fugienda.

Frigid. catarrh.

Proponemus nunc alterum laborantem tenui & insipido catarrho, cuius caput humidius et frigidius est (conqueritur enim se multum somnum et profundum desiderare et magnam grauitatem circa caput, & oculorum radices percipere, multaq; excrementa per nares quotidie emungere: præterea conqueritur de memoria, statim enim ut dicit, defluet cogitatio; neq; potest ut inquit, aliquam refrigerationem sine noxa ferre, & manifestum iuuamen è caliditate percipit.) Ventriculus verò frigidior & humidior, (eadem enim ferè sunt symptomata quæ antea recitabatur, nisi quòd hic ægrotus acidus emittat ructus, qui frigidissimū ostēdunt ventriculū, hepar autem huius generosi calidū est, sed in passiuis temperatum, satis enim carnosus est pater noster, corpus ferè quadratum habens, et bonum colorem.

Auxiliū nostrū nunc postulat hic generosus, quia multū exspuit, & sputa sunt valde tenuia, vnde timet ne perseverans fluxus ad pulmones cursū suū alteraret vnde in pthisim incideret.

Primò præmissio lenitiuo, ut ante dicitur, hanc potionem ter accipiendam ordinare. R. sirupi de stæchados, sirupi de cichorio, ana ʒβ. mellis rosati ʒi. aquæ bethonicae ʒiij. fiat potio.

Quarto

Quarto die purgarem cum 3 6. diaphenic. in conuenienti decoctione.

Postea reiterarem potiones præparatiuas, & purgarem pilulis cochijs vel similib. quousq; corpus huius generosi appareat satis purgatum, quo percepto, ad corroborandum ventriculum, mithridatum cum saccharo rosarum alternis diebus darem, & caput lixiuio aliquo è bethonica, saluia, sampsucho, stæchade, cinerib. iuniperi, & rorismarino confecto lauarem, & vterer emplastro ex ladanio, mastiche, belzoino, moscho & ambra confecto. ad commissuras coronales, & sagittales in hunc modum — | & fontanelas in brachijs, cruribus, siue spatulis, facerem: cooperimenta verò capitis huius generosi cum suffumigio, ex rosis, nigella torrefacta, gum. heder. borac. fact. coriand. auri-pigment. suffumigarem. Mont.

Præterea vt suauiter per os suum fumum huius pulueris super prunas iniecit. attraheret suaderem. Mont.
Rx. sanderach, (id est vernicis) gum. arab. tragagant, thuris, mastic, ladani, pulueris entur omnia per se & misceantur: optimum autem præsidium in catarrho hunc puluerem (corpore in primis expurgato) probaui. A coenâ vero aliquando hoc puluere vti multum conducere vidi (ita tamen vt ea nocte neque edant neq; postea bibant. Rx. cinamomi electi, 3 β. coriandri præparati, 3 i. β. feminis mellissæ. 3 β. rasuræ cornu cerui, vsti corallorum rubrorum ana, 3 i. sacchari 3 6. fiat puluis.

Et ad prohibendum augmentum catarrhi, suaderem ægrotum hunc semel in septimana per ho-

De agritudinibus capitis.

ram ante leuem coenā, 3 1. harum pilular. assumere.

Rx. { Aloes elect. agarici optimi.
Rhabbarbari ana, 3 3.
Nucis mosch. gariophyllor.
Rosarum rubrarum ana, 3 1.
Cum melle rosato fiat magdaleon.

Multi etiam sunt qui eximiè laudant, 3 1. huius electuarij in introitu lecti deuorari.

Rx. { Spiritus vitrioli, 3 1.
Spiritus vini seq. 3 β.
Mellis dispumati. 3 5.
fiat electuarium.

Spiritus vini descriptio.

Rx. { Spiritus vini sine phlegmate 3 2.
Castorei, piperis anacardi ana 3 1.
Garriophyllorum, cinamomi, macis,
gran. parad. ana. 3 2.

Digere per quatuor dies lento calore fortissimèq; pertorcularè exprime. Sæpius autem probaui tria gran. olibani in introitu lecti deuorata multum profecisse. Sed exercitij gratia, proponemus nunc tertium (qui vt mihi videtur) habet caput calidum, & siccum, ventriculum frigidum, hepà verò calidum, & siccum: habet enim faciem excarnatissimam, oculos concauos, capillos crispò ingenium

Signat

ingenium acre, & exercitatissimum, spiritus viuaces, venas oculorum patentes : nihil ē naribus emungit, est brevis somni (vt ipse testatur) & leui strepitu excitatur, plus nutritur in superioribus, quam inferiorib. partibus, habet etiam faciem citrinam, vrinam coloratam, & tinctam, est satis cupidus rei venereæ, laborauit biliosis febribus, habet abdomen gracile, ructibus acidis molestat, plus appetit quàm concoquit, sentit rugitum in ventriculo : quæ omnia arguunt antedictam temperam.

Conqueritur hic generosus se multum insipidum & tenue exspuere, & timet morbum articulare (scilicet) quia percipit catarrhum incipere per neruos, & arterias transire: petit ideo consilium aut ad extirpandum (si possibile sit) aut saltem ad diminuendū catarrhum. Victus igitur ratione vt antea habita, in æstate leuibus medicamentis corpus purgarem, vt cum rhabarbaro, & sirupo rosarum solutiuo, & cum sero caprino addit. senæ aliquant. in hyeme suaderem vt semel in mense acciperet, 32 pilulæ assaieret. *Auicen.* & vt in frequenti vsu haberet confectionem diarrod. abbatis ante cibum, post cibum vero diacydoniten sine aromatibus.

Sed vt capiti aliquam opem ferre possim, interdum lauarem cum lixiuio leui non acri ex cinerib. lignorum vt aiunt, dulcium parato, in quo coquerentur hordeum, furfur rosæ, vitis & rubi folia : & hæc sufficerent ad extirpandum, vel magnopere diminuendum catarrhum in hoc generoso.

De Ægritudinibus capitis.

De Sternutatione.

Sternutatio est expulsio cum strepitu, alicuius flatuolæ substantiæ per nares.

Causa.

Duplex est causa.

Interna,

Externa.

Interna, est materia acris, aut per essentiam in capite procreata, vel attenuata, vel per consensum alicuius partis transmissa, & hoc innuit *Hipoc.* cum proponat calefactionem cerebri, vel humectatum inane capitis pro causis internis

A causa externa, ut ab aliqua re mordaci in nares indita vel aliquo medicamento sternutationem mouente, nempe euphorbio, castorio, folijs lauri, bethonicæ, vel similib. vel ab odore alicuius rei, vel ab externa frigidityte naribus inspirata, vel ab aspectu radiorum solis, vel comestione sinap. cum aceto trito, vel similibus.

Prog.

In morbis exitialibus, (teste *Hipocrate*) exceptis morbis pulmonum vel fluxu sanguinis è naribus superueniente sternutatione bonum speratur, etiamsi concomitentur alia mala signa.

Vsus sternut.

In lethargia.

In expulsione foetus, & secund. in detegendis aculeis in pectore latent, in vertigine, cephalalgia, epilepsia, & expulsione alicuius rei ex aurium orificio, fortissimum præsidium sternutatio.

Modus administrand.

Conuenit ægrotos supinos, & sursum versus recumbere.

Vtrum

Vtrum à causa interna, vel externa facile dignoscitur, quia si aliqua causa externa procreet, satis manifestè apparebit, nulla talis sit, sin ab interna prouenire, conijciendum est. Signa.

Si ab interna causa oriatur morbus, (secundum opinionem medicorū, aut euacuandum aut refrigerandum est caput, vel membrum mandans, vel vtrumq;,) hoc autem præsenti medico diuidicandum relinquitur. Curatio.

Sunt qui scribunt multos ante hac obijisse & spiritū ratione huius morbi efflasse, medicis non obstant. pro viribus operant-vnde inualuit consuetudo apud christianos vt sternutanti benè præcentur, at maiori ex parte (vt aliqui volunt) retentio spiritus, naribus apprehensis per aliquod spatium compescet, nec non melantium aridum in linteo ligatum, inter manus fricatum, & per odoratum attractum.

Si verò prouocetur sternutamentū, ex euphorbio, veratro, castorio, vel sinap. per odorem panis siue opij celerrimè sedabitur.

Anno domini 1587. ancilla quædam pauperissima nominata *Elizabetha Iames*, derepentè sine aliqua externa occasione sæpissimè, & vehementissimè sternutauit per totam ferè diem, ita vt omnes adstantes eam morituram crederent sæpius enim in die in sincopem inciderat: quare ad me miserunt, & totum quod acciderat declarabant, cui hoc consilium, magno cum honore, & utilitate miserae pauperculæ dabam. Historia.

Primò vt fortissimè mulieres constringerent

P

dolo-

De Ægreditudinibus capitis.

dolorificis ligaturis brachia eius circa artus, & inferiores partes circa crura, & vt tenerent naribus fasciculum rutæ irroratæ in aceto, & 3 i. pilularum hieræ cum agarico deuoranda darent, & protinus cessarunt symptomata, & conualuit misera.

Deinceps proxima die, circa illud temporis punctum, in quo altero die laborare inceperat, iterum sternutare incepit, adhibito autem antedicto fasciculo citissimè cessauit, & ab eo tempore hucusq; sana viuit.

De aurium sonitu.

Cornel. cel.
lib. 6, cap. 7.

Aurium fonitus qui a vulgo medicorum, tum tinnitus tum sibilus appellatur, & ab aliquibus sursurratio, est genus vitij in quo aures intra seipsas sonant, quo fit vt externum sonum imperfecte recipiant, vnde deprauatur audiendi facultas, apparet enim homini audire extrinsecum sonum, licet actu nullus fiat auri communicabilis.

Causæ,

Aut fit ratione spiritus, siue materia.

Aut ratione cerebri, quod per neruum auditorium communicat. vapores, cum superflua materia copiosissimè in eo congeratur.

Aut ex forti exercitio humidum in vapores conuertenti.

Aut ex superfluo somno, vel meridiano, caput immodice replente.

Aut ex aere frigido vapores retinente.

Aut extrinseca obstructione, vt ab apostemate in aure suppor. vnde resoluuntur multi vapores, qui
aerem

aerem connaturalem mouent: vel ab humoribus siue cerumine, in auribus contentis.

Vel ratione stomachi, stāte repletionē nausētiua.

Vel ratione matricis, aut aliorum membrorum, habentium colligantiam cum auribus.

Vel ratione alicuius euacuationis retentæ.

Vel ob imbecillitatem, vt in ijs qui à morbo se Auicem, recolligunt.

Vel ex percussione siue casu.

Vel ex febre, vt in principio paroxissimorum siue crisiū aliquando accidit ratione commotionis materiæ.

Vel è fame, siue ieiunij tollerantia, calore scilicet conuerso circa humiditatem, & eam in vapores conuertentem.

Vel ob sensus acrimoniam, quia omnes motus qui à virtute mediocri non possunt percipi, à forti virtute comprehenduntur.

Vel è materia viscosa, in quam agit calor debilis, vnde inflatur, sed difflare propter debilem calorem nequit.

Vel ab externo aere, per os & nares attract. meatum auditorium ingrediente, vt mutetur in substantiam calidi innati, quiq; ob nerui expansi intemperaturam mutari nequit: vnde circumuertitur, inter spatium nerui expansi, & timpani, neq; efflare potest, vbi percussus ab ossibus adiacentibus sonitum facit. Vel ab ira.

Si fit ratione spiritus, siue materia, tunc secundū aliquos sentitur sonitus tanquam venti flantis, & subito remouetur, spatiumq; interposito reuertitur Signa,

De Aegritudinibus capitis

sine grauitate tamen.

Si ratione superfluae materiae in cerebro, aderit sonitus ferè perpetuus cum grauitate, & alijs superfluitatum indicatijs.

Si verò ex forti	{	Exercitio,	{	Fame,
		Externo aere,		percussio-
		Somno superfluo,		ne, casu,
		aut merid. febre.		vel ira.

Causae praecedentes satis manifestè morbi materiam, & originem demonstrant.

Si ab externa obstructione, vt exempli gratia, ab apostemate in aure suppur. adsunt signa apostemat. maturati, nempe saniei, siue puris effluxus, cū dolore, & grauitate, sonitusq; confusus erit, velut fricatio lapid. siue lignorum.

Math. li 1.
cap. 33.

Si ex humoribus in aure contentis, sentitur sonitus vt aquae currentis.

Si à cerumine, obseruabitur cum instrumento auriculari, nec tangi potest miringa.

Si sit ratione repletionis nauscatiuae stomachi, interpolatus est, & praecessit aut crapula, aut ebrietas.

Si ratione matricis, tunc aut quia supprimuntur menstrua, aut immoderate fluxerunt, ob quam causam cognosco generosam nunc viuentem grauius audire.

Si ob imbecillitatem, praecesserunt morbi.

Arcul. in 9.

lib. alm. ca 37.

Si ob sensus acrimoniā, tunc fit aut ex latitudine foraminis, aut paucitate tortuositas. vel à tenuitate miringae

miringæ, vel a superflua humid. ex siccatione: & hæc dignoscuntur partim per aspectum in aurem, et partim quia apparet nulla alia causa præter naturalis, sed præcipuè quia auditus magis læditur a fortibus sonis.

Si verò a materia viscosa, non solum vniuersa præcedens victus ratio multum conducet ad inueniendam causam, quin etiam paulatim congregatur morbus, et percipitur grauitas.

Sonitus inueteratus difficillimè aut nunquam Prog. curatur, recens verò vel ex causa primitiua sæpius.

In primis animaduertendum est, num morbus Curatio. veniat, vel $\left\{ \begin{array}{l} \text{capitis} \\ \text{totius corporis} \end{array} \right\}$ vitio.

Deinde vtrum a $\left\{ \begin{array}{l} \text{naturali vel} \\ \text{præternaturali} \end{array} \right\}$ causa

pendeat morbus, vt exempli gratia, vtrum materia viscosa aut crasso vapore in capite contento: vel ab apostemate in ipsis auribus: vel a mala compositione naturali, vt in nimia latitudine foraminis, vel non debita tortuositate, vel densitate tympani.

Si verò per sympathiam totius corporis, vtrum ratione ventriculi, hepatis, et totius ambitus venarum.

Si enim morbus pendeat a crassa & viscosa materia, euacuandum est corpus pilulis cochijs, pilulis arabicis et similibus. Deinceps multum conducent sternutatoria si quotidie ieiuno stomacho admi-

De Aegritudinibus capitis.

nistrentur.

Sternutatorij formula.

Rx. brodij pulli ʒi. succi blitis ʒiij. aquæ maiora-
næ ʒij. olei amigd. dulcium ʒj. misce.

Postea verò auribus ipsis pharmaca admouerẽ,
aut in forma saccellorum, aut in forma vaporum,
vt exempli gratia. Rx. vini albi lib. j. in qua imponan-
tur folia absinthij, sampsuchi, pulegij, hislopi, bul-
liant in vase diligentissimè clauso, et bis indies re-
cipiet ægrotus vaporem per embotum siue arundi-
nem.

Vel Rx. bethonicæ, sampsuchi, absinthij, et flo-
rum chamomeli, ana : imponantur omnia in sac-
cello, qui calefactus, auribus applicetur : sequens
etiam medicamentum multum profecisse vidi. Rx.
absinthium viride, imponatur in medio panis, et in
furno coquatur, vsque ad perfectam cocturam :
deinde diuisus panis applicetur æqualiter vtrisque
auribus, dum euaporare desinit, adhibito autem
aliquo ex antedictis medicamentis, plurimum va-
let medicamentum sequens, ab *Auicenna* laudatũ,
& per me ipsum sæpius probatum, si in aurem im-
ponatur. Rx. gariofilli, seminis porri, ana ʒβ. mus-
ci gran. iij. post impositionem autem huius me-
dicamenti, obturentur aures bombace muscato.

Aliqui etiam laudant oleum amigdalarum, in
quo incoquitur allium.

Aliqui laudant oleum rutæ, siue aneth. cum gra-
nis duobus castorei siue euphorbij.

Accepi etiam a fide digno, vxorem suam ab in-
ueterato sonitu curatam fuisse poste a quàm multa
medica-

medicamenta frustra tentasset, sequenti medicamento, scilicet per impositionem grani vnus allij demersi in melle in oppositam aurem.

Si verò ab ascensu vaporum oriatur sibilus ventriculo frigidiore existente, hepate verò calidiore, purgandum est corpus hoc vel simili medicamento.

Rx. sirupi rosarum solutiui cum agarico ʒiiij. decoctionis cordialis in qua steterint per noctem ʒiij. sennæ ʒ4. misce pro lenitiuo.

Deinceps duabus sequent. sirup. (vt exempli gratia, Rx. sirupi de absinthio mellis rosati, ana ʒi. aquæ cichorei ʒ4.) venam iecorariam dextri brachij aperirem, & duabus diebus sequentibus, cum antedicta portione continuarem: tertio autem die hoc medicamentum darem. Rx. rhab. ʒ2. agarici ʒ1. sennæ ʒiβ. infundatur in aqua endiuia huius infusionis ʒ3. adderem sirupi rosati solutiui ʒ3.

Postea verò sternutatorijs & topicis vterer, prout antea enarratur.

Si verò ratione febrium proueniat morbus cessante febre, vt plurimum sedatur tinnitus atq; ideo

Gal.
Paul.

Si sit ob imbecillitatem, vt in conualescentibus, vtendum est restauratiuis ablaturisq; auris cum decoctione absinthij.

Si ab apostemate, in orificio aurium curetur in hunc modum.

Primò ad sedandum dolorem, instilletur oleum è vitellis ouorū, tepidū tamen, illud enim oleū non solum

De agritudinibus capitis.

solum dolorem lenit, sed et apertionem accelerat, quod meo iudicio securius est, propter præseruationem auditus & cerebri, quàm insensibiliter resolvere, quia auris est membrum quod inseruit ad expellendum superfluitates cerebri; festinanda igitur est maturatio cum mollificatiuis, & maturatiuis, intra aurem positis, et cum implastro ex mucilagine maluæ, altheæ, fænugreci, seminis lini, & decocti meliloti, cum butiro pingui supra aurem adhibito: iaceatq; ægrotus super partem ægram, aliquoties sternutando, & nares comprimendo, vel tussiendo: et cum maturum sit apostema, si extrinsecus sit perceptibile, leuiter perforetur idoneo instrumento, rupto verò apostemate, abstergatur vlcus, cum stilo, in cuius extremitate apponitur pannus lineus in aqua mellis madefactus vel si opus sit, iniiciatur in aurem, cum siringa hydromel, vel vinum mellitum ter vel quater in die, vel in materia valdè viscosa, oximel simplex, vel scilliticum. Ulcere verò sufficienter absterfo, si opus sit sarcoticis, vtere mirrha et aloë tritis cum vino & melle, et intra distillatis, et cum elichnio, ad cicatrizandum autem nihil melius quàm balsamus martis sine corrosiuis factus.

Notandum autem est, dum hæc agantur corpus euacuandum esse, & per medicamenta, & venæ sectionem, & dietam attenuantem præscribendam esse.

Si verò ab ira, vitentur accidentia animi molesta, quæ præcipitant materias ad caput.

Si ex percussione siue casu, confortandæ sunt aures

aures; sed vix curatur si fortissima sit causa.

Si a fame, euitandum est ieiunium.

Si a flatibus, qui fomentum non habent a materia viscosa, applicetur sacculus ex millio calefacto, sale, floribus chamomillæ, anthei, et modico furfuris, et intra aurem imponetur parum olei rutæ, cum granis duobus musci.

Si ob acuitatem sensus, quæ fit a causa naturali, ut a latitudine foraminis, vel ex simili causa, nunquam curatur morbus: si ab exsiccatione humiditatis instillandum est oleum violarum, vel aliquod simile, ad obtundendum auditum.

*De surditate & graui
auditu.*

Surditas est functio præternaturalis, dependens à frustratione auditus.

Surdit. descrip.

Multæ et diuersæ sunt causæ surditatis, præcipuè autem duæ, id est, aut ipsa virtus, aut instrumentum.

Causæ.

Si oriatur surditas vitio virtutis, tunc fit aut propter defectum spiritus animalis communis, aut propter defectum spiritus proportionati auditui.

Si verò vitio instrumentorum proficiscatur, tunc aut propter nerui auditorij obstructionem, siue densitatem, siue intemperiem frigidam, unde virtus liberè radios suos emittere nequeat.

Aut propter tympani vitium, id est aut propter malā cōformationē, nempe naturalē densitatē, aut acquisitam nempe per humiditatem, siue pituitam, unde secundum magis et minus diminuitur audi-

tus

De Aegritudinibus capitis.

tus.

Arnald.

Aut ab aliqua externa obstructione, vt in præcedenti capit. satis declaratum est.

Aut ex vermibus in auribus natis.

Aut a bilioso humore ad superiora euaporante.

Signa.

Si vitio virtutis communis accidat grauis auditus, patiuntur & alij sensus, vna enim est virtus omnium.

Si vitio virtutis determinatæ, propter angustiam transitus in neruo, tunc subito deprauatur auditus, sine tinnitu, sibilo, vel similibus.

Si ob intemperiem, pedetentim augetur.

Si vitio timpani, interiùs percipitur somnus, exteriùs verò nullus.

Prog.

Si vitio virtutis communis proficiscatur surditas difficillimè curatur.

Si ob obstructionem, siue densitatem, in neruo auditorio, nunquam curatur, scribant quicquid volunt authores, neruus enim per angustos meatus progreditur, vt nullum medicamentum illuc perducì possit, cum malū aliquantulū inueteratum sit.

Si verò vitio timpani a viscositate humorum oriatur surditas, remanet aliqua spes.

Hip.

Gal.

Cura.

Si a bile fluente, alio sanatur morbus.

Si à vermibus, benè sperandum est.

Si vitio virtutis communis lædatur auditus, insistendū est in victu copiam spirituum procreante.

Si ab obstructione, siue densitate nerui, nihil profecturum scio.

Si a vermibus, videndū primò est num viui sint an mortui, si viui, iniiciendum est laccum saccharo,

&

et inclinetur caput super aurem, aliquando enim egredientur, sin contra, interficiendi sunt succo absinthij, vel porri, vel cum suffumigatione seminis porri, & terebinthinæ per canulam intra aurem, clauso vase: deinde prouocetur sternutamentum naribus clausis.

Siverò e materia viscosa timpano adherente, siue ab vlla alia externa causa, recurrendum est ad prædictum capitulum, vbi omnia particulatim describuntur.

Hoc autem in hoc loco, notandum esse necessarium duco, nihil vtilius administrari in hoc morbo, quàm oleum picis, cum tantundem olei amigdarum amarum, corpore in primis secundum artem exquisitè purgato, si proficiscatur a materia crassa, siue a crassis vaporibus, vt ego ipse in me ipsam sæpius probaui: ita tamen vt aures post impositionē huius medicamenti obturentur cum bombace moschato.

De Lippitudine.

Lippitudo, siue *ophthalmia* nihil aliud est, teste *Gat.* 4. de compositione medicament. secundum loca & lib. de differentiis morborum, quàm inflammatio tunicæ, os capitis, & caluariam ambientis, a medicis coniunctiuæ appellatæ.

Dolor cum rubro colore adnatæ tunicæ, ita vt aliquando in tumorem attollatur, lacrimæq; ex oculis refudant.

Causæ huius morbi { internæ
sunt, & { externæ

Signa.
Lippit.

Causæ.

Internæ.

Q²

De aegritudinibus capitis.

Internæ ut plenitudo totius corporis, ob quam ipsa agnata tunica repleta distenditur.

Aut acrimonia erodens, humorum influentium.

Aut crassi succi.

Aut spiritus flatuosi, teste *Gal.* 12. med. lippitudo enim est inflammatio siue phlegmon, eo modo dicta, quo generationem habet ex quavis redundante substantia.

Signa.

Tral. lib. 2. cap

Si ex plenitudine totius corporis, sanguineus humor influxerit, et dictam inflammationem concitauerit, ne dum tunica, sed et facies rubrior et humidior erit cum venis latis, et aderit sensus grauitatis, nec non pigritia ad consuetas actiones: præterea temperamentum, ætas & victus ratio attestab.

Si ex acri humore proueniat morbus, corpus apparebit vitioso humore præditum, & nõ plethoricum, lacrimæq; acres et ardentes, non solum oculorum angulos, sed etiam malas vehementer molestabunt, et exulcerabunt, ita ut ægri quasi vri videbuntur, et maiori ex parte præcessit aut tristitia aut ira, aut curæ, insolitus vsus acrium, vel similia, temperatura biliosa.

Si ex redundante pituita, aderit grauitas vehemens, caliditas parua, rubedo exigua, & similiter quæ præcesserunt, & concomitantur, pituitæ siue melancholiæ redundantiam arguent.

Si verò ex flatibus oriatur morbus, extendetur agnata tunica, adeo ut rumpi videatur, vnà cum magno dolore, sed sine feruore, rosione, vehementi grauitate, vel lacrimis aut saltem paruis, quamuis aliquando rubea videatur.

Si verò ab externa causa originẽ ducat morbus, ab ægrotorum

ægrotorum relatu percipienda est.

Lippitudo si methodicè tractetur facile curabitur.

Prog. Hip. li. 2.

Præd. Gal. 2.

Meth. li. aph.

11. 3. apho. 17

lib. 6.

Magna autem cura habenda est, propterea quòd multi confuse vsq; ad vitæ finem viderunt ex errore circa curationem commisso.

Lippientes alui profluvio corripì bonum.

Permaneant æger in aere temperato, obscuro sine fumo, & vento cum oculo non solum morbofo sed etiam sano clauso, vnius enim commotio inquietat alterum.

viæ ratio.

Dormiat ægrotus quantum potest quia per somnum quietantur omnes humores, perfecta enim est quies, & animi, & corporis: dormiatq; ægrotus capite eleuato super ceruice aut latere oculi sani, & nequaquam super oculo ægro, vt aluim lubricum habeat omnibus modis conetur, ne se exerceat, ne loquatur: vitet omnia animi accidentia, fit dieta tenuissima & frigida, vnde cibum minuat, imo coenam aliquando omittat à vino, rebus dulcibus & carne per totum morbi tempus abstinere, ab euaporantib. caueat, sicut aceto, & simil. hæc dico in cura generali, & methodica secus autem aliquando in cura coacta.

Præordinato regimine victus vt antea dicitur.

Curatio.

Si sanguis peccet, vt causa principalis quemadmodum in lippitudine sanguinea, euacuandus est sanguis, teste *Auicenna*, vsque ad timorem lypothimiæ.

Si verò peccet sanguis vt causa adiuuans, detrahendus etiam est, sed parciùs.

Q 3

Si

De Aegritudinibus capitis.

Si verò moleſtet vt cauſa ſine qua non, ſecunda etiam eſt ſed moderatè.

Sed è quo latere aperienda ſit vena, dubitarunt aliqui.

De quo dubio ſecundùm mediocritatem ingenij mei, ſententiam meam proferam.

Si igitur intentio medici ſit, materiam iam fluxam euacuare, aperiatur cephalica eiſdem lateris: ſi materiã fluentẽ diuertere, oppoſiti lateris ſecetur vena: ſed præter flebotomo, iam multùm cõducit, ventofas ſub occipite affigere, & materiam per ventris ſolutionem diminuerẽ, in bilioſa materia cum decoctione fructuũ mannæ, & elect. de ſucco roſarum immixta ſiue craſſa cum pilulis ſine quibus eſſe nolo, pilulis aſſaieret, cochijs, vel ſimilib. ſecundùm iudicium præſentis medici.

Corpore in hunc modum exquisitè euacuato, applicanda ſunt emplaſtra repercuffiua fronti & temporibus, ex aqua roſarum, aqua ſolani, aceto, albuminibus ouorum cum bolo armenio, ſanguine draconis, terra ſigillat. & ſimilibus, intrà oculũ autẽ niſi maxima vrgenti neceſſitate per vnũ aut alterũ diem nullum repercuffiuũ imponerem ſed nuchas panis in aqua roſarum infuſas, vel poma cocta in aqua roſarum poſtea vtro vere ſequenti collirio. Rx. tutiæ præparatæ, ʒ i. aquæ roſarum albarũ ʒ 2. albumen vnius oui cocti, aquæ plant. ʒ i. ſtent omnia in infuſione per ſpatiũ 24. horarum, deinde cũ occaſio poſtulat. Rx. huius infuſionis coclearia duo lactis muliebris coclearium vnum: miſce, & tepidè inſtilletur intrà aurẽ, remoueaturq; ſingulis tribus horis,

horis, absterfo prius oculo, si opus sit.

Sunt autem qui prima facie videntur affirmare medicinas intra oculos actu frigidas imponendas esse, sed melior opinio, ut mihi videtur, & ut experientia omnium artium magistra docet, hæc dicta doctissimorum virorum intelligenda esse & vera esse in conseruanda sanitate oculi sed minime in curatione: sed ad propositum.

Mesues, Ar.
cul. & alii.

Post quatuor dies si causa postulet, utile etiam est uti siest. alb. rhasis sine opio & sarcocolla cum aqua rosarum, & lacte mulieris pituitosæ, post septimū verò cum sarcocolla, & aqua feniculi, imo in vehementissimo dolore uti possumus cum opio in ipso principio: sed quia interdum accidentia & virtutis imbecillitas curationis ordinem præuaricat, ideo omnia referenda sunt ad iudicium præsentis medici.

Sed si ophthalmia veniat à causa externa, ut à percussione, corpore ut antea ordinato desuper oculum applicandum est albumen oui conquassat. cū aqua rosarum, & intra oculū imponendus est sanguis columbinus tepidus, vel gutta vna siue altera mellis clarificati vel sacchar cand.

In alijs verò, ex causa primitiua cum contrarijs applicitis remoueb, Ut exempli gratia, si ob radios solares vel lunares ne egrediatur foras. Si propter esum euaporantium, ut cæparum vel simil. abstineant ab his.

Si à nimia vini potione, à vino abstineant.

Sed obijciat fors aliquis Hypocratem enumerasse vini potionem inter medicamenta lippi-
tudi-

De Aegritudinibus capitis.

tudini accomodata, sed quando, & in quo casu bibendum est, dilucidè exponit *Gal. aphor. 31. sexti libri*, ideo illuc recurre.

De Cataracta siue suffusione.

Cataractæ
descrip.

Cataracta est effusio humorum concrelescentium inter vberem siue papillam, & corneam tunicam qua obstruitur rhagoidis foramen.

Sed de loco cataractæ multum discordes fuere authores, vt patet per Azarab. Haliab. Albuc. & alios, sed hæc vt videtur est melior opinio.

Causæ.

Humor inutilis superabundans, vel vapor ab inferior. qui receptus in caput et ibi incrassatus transit in excrementum, duplex igitur causa huius morbi, vna quæ prouenit essentialiter à capite.

Altera à vaporibus sursum elatis ab inferioribus partibus.

Signa.

Quando confirmatur morbus satis manifestè apparet per impedimentum visus.

In principio verò multæ apparent hallucinationes ante oculum, & similia.

Si primariò accidat, perpetuus est morbus, & in vno oculo incipit.

Si per sympathiam vterq; oculus æqualiter afficietur, & symptomata visionis intermittunt, nam dum male concoquit ventriculus apparent visiones, cum bene concoquit, nequaquam.

Curatio.

Si cataracta confirmata sit, non curatur nisi per manualement operationem, cuius descriptionem qui cupit, legat *Pauli*, lib. 6. cap. 12. vnà cum Arculano
hi

hi enim dilucidè demonstrant operandi viā, & describunt instrumenta.

Curatio verò cataractæ non confirmatæ hisce remedijs absoluitur.

Inprimis purgato corpore secundum necessitatem causæ, adhibenda sunt alia remedia in hunc modum.

Rx. Sem.feniculi, anisorum ana, ʒ 3. euphrasiæ, ^{Mont.} verbenæ, rosarum siccarum ana, m. 3., chelidoniæ, m. i. rutæ, m. i. β. bulliant ad medietatem & facta diligenti expressione, fiat sirupus, huius accipe ʒ 2. aquæ eufragiæ, & feniculi ana, ʒ i β. vtere vsque ad finem sirupi, & dum hæc aguntur imponantur intra oculum aliquot ex sequentibus medicamentis.

Rx. Vrinam pueri impubis, ad placitum seruetur in vase idoneo per spatium octo aut decem dierum, deinde euaporetur secundum artem, huius accipe salis ʒ 2. musci ʒ β. & parum huius pulueris imponatur bis in die naturali in oculo, vel

Rx	Verbenæ,		
	Rutæ,	{ Bethonica,	{ ana, m. 8.
	Chelidoniæ	{ Saluiæ,	
	Rosarum,	{ Sileris mont.	{ ana, m. i.
	Euphragiæ,	{ Pulegij.	
	Feniculi.		

Distillantur post digestionem in balneo, & in sole insoletur per mensem.

R

Vel

De Aegritudinibus capitis.

Vel, R. 3 oua recentia, imponantur in ollam optimè clausam cum aceto fortissimo, collocetur subter terram per spatium trium dierum postea separetur acetum, & recens infundatur, & tribus diebus interpositis iterum renouetur acetum, & sic vsque ad nouem dies progrediendum est, hoc facto pungantur acu oua prædicta, & exhibit aqua clara quæ reposita in vitro optimè obturato sæpe intra oculum affectum instillanda est.

Si verò periculum sit suffusionis sed nulla adhuc apparet, euacuato corpore instilletur parum sequentis medicamenti.

R. mellis optimi lib. 1. piperis rotundi 3. j. digerantur per sex dies, in balneo tepido distillentur, & ad vsum referuentur.

Victus ratio

Caueat ægrotus ab aere nocturno, & à frigidityte capitis, vitet euaporantia ad caput, lacticia, legumina, & pisces & præcipuè barbones, & caneros qui à proprietate (teste Montano) nocent oculis.

A vino dulci abstineat, & det operam vt alium leuem habeat: pilulis etiam de hyera *Galeni* semel in septimana utetur.

De

De debilitate visus.

Tripliciter læditur visus, scilicet, { Diminutè,
Corruptè, Arc.
Ablatè.

Quæ species subdiuiduntur.

Aliqui enim malè vident de propè, & bene de longè, quia spiritus visiui sunt crassiores, atq; ideo magis illustrantur per aerem. Mont. Clxxxv

Aliqui verò è contra malè de longè, & bene de prope vident, quod fit vel ratione organi vel ratione spirituum, vel ratione consuetudinis.

Ratione organi, aut, { Propter eminentiã oculorũ
Immoderatam nigredinem
oculorum.

Ratione spiritus, aut propter { Subtilitatem,
Paucitatem.

Ratione consuetudinis, vt in literatis.

Quidam verò de propè, & longè malè vident, Vt illi qui paucos, obscuros, nimis grossos aut Arc, subtiles spiritus habent.

Aliqui etiam cum incipiunt bene vident, at postea diminutè, hi autem paucos & crassos spiritus habent, qui nō possunt ad longum tempus diffundi siue dilatari.

De Ægritudinibus capitis.

Aliqui etiam res albas & lucidas bene, nigras malè vident, & bene in claro, male autem in obscuro, ut illi qui crassos et obscuros habens spiritus.

Aliqui sunt, qui non possunt videre nisi semiclaudent oculos, ut qui claros habent spiritus.

Aliqui autem putant se videre duo, quando vnum solummodò obijcitur: ut ego ipse in generoso quodam cognomine Hungat vidi, quod contingit aut ex inordinato motu spirituum deferentium simulacrum rei visæ ut in ebrijs, iratis, aut in his quibus contusum est caput.

Aut ex parte humiditatis, seu vaporis separantis spiritum visibilem in duas partes, et hæc separatio potest esse aut ante cristallinam, aut in cristallina, aut post ipsam.

Aut quia vnus oculus magis contrahitur quàm alter, unde propter breuitatem viæ citius desertur rei visæ proportio ad sensum communem per vnũ quàm alterum neruum, et sic prima proportione non corrupta subsequitur secunda.

Aut propter spasmus neruorum, quia non vniuntur.

Aut ex oculi contorsione vel similibus, causæ verò ablatae visionis, aut in ipso oculo, ut in præcedentibus capitibus declaratur, aut in obstructione neruorum opticorum referendæ sunt.

Sed quia oculus aliquando patitur per essentiam capitis, aliquando per consensum stomachi, et aliarum partium: aliquid de signis & differentijs dicam.

Si

Si visus patiatur primario à capite secundum plurimum non solum visus sed omnis sensus læditur.

Si ab obstructione neruorum opticorum lædatur visio, hoc modo dignoscitur, quia si vnus oculus claudetur dilatabitur immediatè pupilla alterius, si minus contrà.

Præterea vbi caput tanquã causa principalis peccat, aut præcesserunt vel adsunt dispositiones maximè in anteriori parte.

Si propter sympathiam indicatur, vt duobus præcedentibus capitulis dictum est, ideo superfluum recensere.

Aqua excellentissima & à me sæpius probata ad renouandam visionem diminutam.

R. Tutia præparata 3 3.	{	Aquæ rosatæ,
Aloe epaticæ,		Vini albi ana,
Sacchari albi ana 3 2.		3 6.

Misce omnia, & reponantur in vase vitreato optimè obturato, & collocetur in sole per spatium mensis, & de hac aqua mane & sero imponatur gutta vna siue altera.

Sæpius etiam expertus sum aquam ex hepate hircino cum reliquis ingred. à *Iohanne de Vigo*, descriptam multum profuisse.

Sed hoc notandum est, nullas harum aquarum adhibendas esse, vbi diminutio visus pendeat à plenitudine corporis siue crassitiæ spirituum ratione pituitæ vel simil. nisi corpus diligentissimè euacuetur secundum iudicium præsentis medici.

De aggritudinibus capitis.

De lacrimis oculorum.

Morbus de quo hoc in loco tractaturus sum, est vbertas humiditatis aquosæ, quasi continua circa oculos, imò sæpius cum fluxu lacrimarum extra oculos.

Causa duplex, primitiua et materialis.

A primitiua verò oritur, vt ab omni causa rarefaciente, liquefaciente et debilitante contentiuam musculorum in oculorum angulis, vnde dilatatis poris, fluit humiditas per oculū, potest etiam constrictio cerebri esse causa lacrimarum, ex occurrenti frigidityte, vnde maior humiditas, quàm pro oculi conseruatione conuenit, per eosdem meatus defluit.

Aliquando etiam a carnositatis abscissione, in oculorum angulo.

A causa materiali, id est, aut ob debilitatem contentiuæ, scilicet illius carnis, aut humiditatem siue debilitatem cerebri.

Prog.

Lacrimæ ex causa primitiua, præterquam ex abscissione carnis lacrimalis curabilis est.

Signa.

Signa causarum primitiuarum manifesta sunt, signa debilitatis, contentiuæ vel humiditatis habentur ex priuatione et positione causarum corporaliū.

Curatio.

Purgetur corpus, et caput, vt in antedictis capitulis dictum est, et applicentur restrictoria circa anteriorem partem capitis, in hunc vel similem modum facta.

Rx. gum. dragaganth. ʒi, dissolue in sufficienti quantitate

titate aquæ rosarū, in dissolutione imponantur boli armeni ʒi. calcis de testibus ouorum ʒ. ʒ. fiat mixtura.

Intra oculos autem imponatur aliquod ex sequentibus.

Rx. aloem puluerisatam, suspendatur in aqua rosarum.

Vel Rx. tutiæ præparatæ, corticum ouorum præparatorum, aloes optimæ, ana ʒi. inuoluantur in panno lineo, et fiat pila, infundatur in aqua feniculi suspensa cum filo, postea sæpe exprimatur ea pila in oculos.

Si verò fluxus fiat per internas venas oportet tum inedia, tum frequenti purgatione humores exicare, roborandumque est cerebrum, et per interiùs et per exterius.

De dentium dolore.

Dentes afficiuntur pulsante dolore, teste *Gal.*

Causa autem aliquando existit in ipso dente, aliquando in neruo qui ad dentium radices peruenit a tertio pari neruorum cerebri, aliquando in ipsa gingiua sibi adherente.

Gal. lib. 5.

Causæ verò aliquando externæ, aliquando internæ.

Causæ.

Externæ, vt ex occursu aeris frigidi repentinè imprimētis, vel ex comestione acetosorum.

Aliquando etiam fit dolor ex introitu alicuius rei inter dentem et dentem, vt ex frusto squammæ piscis vel simil.

Ab

De Aegritudinibus capitis.

Ab interna verò causa vt ab humoris affluxu qui vel gingiuas inflammat, vel radices dentium infestat, vel a vermibus.

Prog.

Dolor dentium ratione symptomatum est maioris momenti, quàm dolor capitis, teste *Gal. lib. I. c. 707.*

Sena.

Quoad signa differentiarum a loco affecto oportet cognoscere an sit dolor in gingiuis vel in neruis dentium.

Si enim dolor sit in gingiuis, aderunt signa inflammatae gingivae, et dum comprimuntur gingivae digitis, intensior reddetur dolor, si verò dolor sit in neruo, contra fiet et dolor sentietur profundus.

Curacio.

Si a vermibus, percipietur quaedam titillatio circa dentem, & perforatus est.

Duplex est curatio, vna quae remouet causam vnà cum morbo, alia quae mitigat dolorem.

Ad remouendam causam necessarium est vt euacuatione corporis, & per venae sectionem, & per pharmaca secundum diuersitatem causarum, & iudicium praesentis medici.

Ad mitigandum autem dolorem aliqua remedia approbata describam.

Si dolor veniat ab humore, hisce remedijs vtetur aegrotus: imponat primò parum mastich. super corium, vel aliquod simile emplast. cum pistello calido, ad locum consuetum, supra oculum eiusdem lateris acerbius dolentis, deindè accipiat ʒi. aquae solani somniferi, in qua distilletur oleum vitrioli, tantum quantum valet ad reddendam praedictam

dictam aquam acidam, & cum hoc obliniatur locus dolens, vel utetur sequenti omnium probatissimo. R. senecionis q. vis: tundatur & exprimatur succus, deinde recipe tantum panem manducatū, ut pars oris acerbius dolentis villo modo recipere possit, et impone succum prædictæ herbæ in aure eiusdem lateris, et iaceat ægrotus super illud latus, os apertum tenens, unde humor abundè exhibet, & cum panis incipiet ingentissimè humectari expuatur, et sumatur alius: neq; potest esse aliquis tantus dolor quin huic medicamento cædet.

Si verò dolor ratione vermis fuerit, fiat suffumigin. ex semine cepæ, & porrorum cum semine hiosquiami, & educetur vermis.

De mobilitate dentium.

Mobiles fiunt dentes triplicem ob causam, id est, aut ob defectum alimenti, aut ob nimiam nerui humiditatem, aut ob vitiosos succos.

Ob defectum alimenti, ut in senibus.

Ob nerui humiditatem, ut in magnis distillationibus quæ substernuntur radicibus dentium.

Ob vitiosos succos, ut in morbo gallico.

Dentium mobilitas in senibus non curatur.

Si dentes ab humiditate mobiles fiant, adstringentibus confirmabuntur.

Si ob vitiosos succos, ut in morbo gallico, inprimis remouendus est morbus, deinde gingivæ iterum renascentur.

De Aegritudinibus capitis.

*Ad dealbandos & conseruan-
dos dentes.*

Primò vitetur corruptiones cibi et potus in stomacho, nec non cibaria grossa, viscosa, dulcia, & quæ ad frangendum sunt dura, et omnia stupefacientia, neq; comedat aliquis res vehementis frigoris post assumptionem calidi, neq; vehementer calida post frigidi assumptionem: præterea vitentur res dentibus ex proprietate nocentibus, vt sunt porri, mundificentur dentes semper a cibo, deinde lauetur os cum vino.

Ad dealbandos verò dentes, optimè inseruit aqua Fiorauanti, ex sale, gemma, sulphure, margaritis, borace, & aceto distillato fabricata, vel radix bismaluæ diligentissimè mundata, & in partes longas diuisa, et in aqua, sale, & allumine, cocta cum paruo ireos: deinde in furno exiccata, cum qua fricentur et purgentur dentes.

De ornatu mulierum.

Quoniam multæ mulieres desiderant miris & multis modis faciem suam pulcherrimam reddere, vt gratiam etiam cum illis conciliem, optima aliquot experimenta describam, & sic finem huius opusculi faciam.

Deturpatur facies aliquarum mulierum, aut propter retenta menstrua, aut propter fenum sanguinis incensi, vel humoris melancholici, aut propter ardorem solis,

Si

Si igitur causa sit humor melancholicus, euacuetur, ut in capitulo de melancholia demonstratur.

Si propter fenum sanguinis incensi, fiat minutio de cephalica, & mundificetur sanguis cum rebus appropriatis, videlicet cum decoctione, vel potius succo fumiterræ & simil. deinde ad mundificandam faciem utantur, hoc vnguento ab Arnaldo descripto, & à me sæpius probato. Rx. succi maliterræ, succi ireos, succi cucum. agrestis, succi brioniæ, succi matrissilvæ ana, lib. i. mellis despumat. 3 5. armon. al. 3. 3. capitelli fortissimi lib. i. bulliant, hæc omnia simul usque ad succorum consumptionem, & cum ferè coctæ fuerint adde fel bouinum, & puluerem specierum sequent. superasperge.

Rx. oſis stepiæ, zing. hermod, aristoch. long. & rotund. lentic. bor. arm. cryfalli, semulæ gran. tinct. tragagant. entali, & dentali, belliculi, sem. sinapi al. omnium pulueris. ana, 3 2. fiat vnguentum de quo facies sero inungatur quia potentissimum est ad omnia prædicta, prius tamen lauari debet facies cum aqua rosar. Sed quia aliquæ dominæ desiderant facies pulcherrimas reddere, ideo in earum gratiam secretum omnium aliorum secretissimum reuelabo. Comburatur superficies alba cornu cerui proiecto nigro quod est intus, & puluerisetur, & fiat cerusa ut ars præcipit huius cerusæ. Rx. 3 2. cerussæ deriso, 3 6. misceantur cum pauc. borace, & diluantur cum aqua rosarum, vel potius cum aqua albuminum ouo-

De aegritudinibus capitis.

rum, & lauetur facies sero & mane, deinde interpo-
sitadimidia parte horæ abstergetur facies cum a-
qua auenæ, deinde madefac subtilissimum pan-
num lineum in dissolutione talc. & leuiter fri-
cetur facies. Qui verò non habent talchi disso-
lutionem, à me habebunt, & hic omnium
aliorum præstantissimus fucus est
pro magnis domi-
nabus.

FINIS.



ELENCHVS AVTHO-

rum qui in isto opusculo, de capitis præ-
cipuis affectibus, citantur.

Ætius.

Alexander.

Trallianus.

Andernacus.

Altimarus.

Arculanus.

Aristoteles.

Auerrhoes.

Auicenna.

Areteus.

Actuarius.

Arnaldus de villa noua.

Azarau.

Albucasis.

Auenzoar.

Cassius.

Cornelius Celsus.

Capiuaccius.

Dioscorides.

Eraſtus.

Fernelius.

Fiorauant.

Galenus.

Hipocrates.

Iohannes Baptista.

Montanus.

Iohannes Langius.

Mareellus Empiricus.

Mattheus de gradi.

Nicholaus Massa.

Oribasius.

Paracelsus.

Paulus Ægineta.

Rufus Ephesius.

Rhases.

Rondeletius.

Scribonius Largus.

Trincauelius.

Vigo.

Index.

<i>Alopecia.</i>	1	<i>Incubus.</i>	30.b
<i>Apoplexia.</i>	25	<i>Lethargia.</i>	22.b
<i>Caluitium.</i>	2	<i>Lachrimarum effusio.</i>	30
<i>Coma seu cataphora.</i>	25	<i>Melancholia</i>	31
<i>Catarrhus.</i>	46.b	<i>Ophiasis.</i>	1.b
<i>Cataracta.</i>	60.b	<i>Ophthalmia.</i>	58
<i>Convultio.</i>	39	<i>Paralifis.</i>	36
<i>Dolor capitis.</i>	5	<i>Phrenitis.</i>	27
<i>Dolor dentium.</i>	64	<i>Paraphrenitis.</i>	29.b
<i>Debilitas visus.</i>	62	<i>Sternutatio.</i>	52.5
<i>Defluuium capillorum</i>	2	<i>Tinnitus aurium siue so-</i>	
<i>Epilepsia.</i>	14.b	<i>nitus.</i>	53.b
<i>Grauis auditus.</i>	57	<i>Tremor</i>	42.b
<i>Hemorrhagia narum.</i>	44	<i>Vertigo.</i>	12.b

FINIS.

Errata.

Folio tertio, a linea 16. nisi sit infantibus, pro nisi sit in infantibus. Fol. 6. b. l. n. 9. purgitiuus, propurgitiuus: Fol. 8, a, linea 9, sirupi violati. 3 β pro 31 β, & eodem folio, linea 17: rhab. electi 3 4. pro 3 4. Fol. a, lin. 26. proficitur, pro perficitur. Fol. 10. a, lin. 18. cu. pro cum. Fol. 11. a, lin. 16. veniæ, pro venæ. Fol. 12. b lin. 17. vetite, pro veter. Fol. 14. b. lin. 9. nouum, pro nonum. Fol. 15. a. lin. 17, vel balneo, pro vel è balneo. Fol. 16. a, lin. 25. sacchare, pro saccharo. eodem, b, lin. 10. comessialis, pro comessalis. Fol. 17. a, lin. 4. vtuntur, pro & vtuntur. Fol. 19. a, lin. 26. roris marina, pro roris marino, eodem, b, lin. 9. incipibat, pro incipiebat, & lin. 21. vltiorem, pro vltiorem. Fol. 20. a, lin. 2. coitū, pro coitu. Fol. 21. b, lin. 4. vesticatorium, pro vesicatorium. Fol. 22. a, lin. 26. lineā, pro tinem. Fol. 23. b, alin. 14. in aqua, pro in qua. Fol. 24. b. lin. 19. quadam, pro quædam. Fol. 25. a, lin. 6. noctit, pro noctis. Fol. 27. a, lin. 10. inferiorum, pro inferiarum. Fol. 29. b, lin. 1. supera, pro super: & lin. 2. cucurbitula, pro cucurbitula. Fol. 30. a, lin. 10. aliter, pro alter. Fol. 32. a, lin. 21. ob stomachi, pro ob os stomachi. & eodem, b, lin. 1. vide, pro vnde, & lin. 8. permissione, pro permissione. Fol. 33. b, lin. 8. tum modico, pro tum immodico. Fol. 35. a, lin. vlt. confectiōis 3 β, pro confect Hamech 3 β. Fol. eodem b, lin. 12. Narenio, pro Nardino, & lin. eadem, agnina, pro agnina. Fol. 36. a, lin. 2. spinicia, pro spinacia. Fol. 37. b. lin. 11. miringani, pro miringas. Fol. 45. b, lin. 10. singulares, pro iugulares, & lin. 19. aliqua pro aliqui cucurbitulam, pro cucurbitulam. Fol. 49. a, lin. 15. humano, pro humano, & lin. 16. immediate cibo, pro immediate a cibo. Fol. 53. a, lin. 3. sin ab interna, pro sin nulla talis sit ab interna, & lin. 16. melantium, pro melanthium. eodem, b, lin. 18. materia, pro materiæ, & lin. vlt. suppur, pro suppur. Fol. 54. a, lin. 6. re'enta, pro retentæ, & lin. 29. materia, pro materiæ. Fol. 55. a, lin. 16. vtrum materia, pro vtrum a materia. Fol. 56. a, l. n. 25. ablaturisq;, pro abluiturq;. Fol. 57. a, lin. 5. anthei, pro anethi. Fol. 58. a, refudant, pro resudant. Fol. 59. b, lin. 10. flebotome iam, pro phlebotomiam, lin. 14. immixta, pro in mixta, lin. 25. vtro vere, pro vero vtere. lin. vlt. aurem, pro oculum. Fol. 60. a, lin. 10. sief, pro sief. eodem, fol. b, lin. 5. vberem, pro vuam. Fol. 62. b, lin. 3. obscurot habens, pro obscuros habent. Fol. 63. a, lin. 27. crassitia, pro crassitiæ. Fol. 65. b, lin. 6. calida, pro calidas: Fol. 66. a, lin. 17. stediæ, pro sepiæ, & lin. 18. crysalli, pro cristalli.